



বাংলাদেশের মুক্তি-প্রয়োগের।

উনিশ শতকের কলকাতায় মগ মন্দির ও তার দেউলিয়া পুরোহিত

অরিন্দম মুখোপাধ্যায়

১৭৬৮ শকের (১৮৪৬ খ্রিস্টাব্দ) শ্রাবণ মাস। কার টেগোর অ্যাণ্ড কোম্পানির অফিস থেকে বৃষ্টিস্নাত কলকাতায় দুই ভাই ঘোড়ার গাড়িতে জোড়াসাঁকোর ভদ্রাসনের উদ্দেশ্যে রওনা হলেন। কোম্পানির লিকুইডিশন ঘোষণা করার পর উন্নমণ্ডের সঙ্গে দ্বারকানাথ ঠাকুরের পুত্র দেবেন্দ্রনাথ এবং গিরীন্দ্রনাথের এটিই ছিল প্রথম বৈঠক। ইংল্যান্ডে পিতার মৃত্যুর পর বিপুল খণ্ডের বোৰা ঘাড়ে নিয়ে প্রায় দেউলিয়া খাতকে পরিগত হয়েছিলেন তাঁরা। পাওনাদারদের সঙ্গে সেদিনের বৈঠক ভালোভাবে মিটলেও দেবেন্দ্রনাথের মনের ভয় তবু কাটেনি। বাড়ি ফেরার পথে দেবেন্দ্রনাথ তাঁ তাঁর ছোট ভাইকে বলেছিলেন, ‘ঈশ্বর ও ধর্ম আমাদিগকে রক্ষা করবন। যেন ইনসলভেন্ট আইনে আমাকে মস্তক দিতে না হয়।’

সেই সময় ব্রিটিশ সাম্রাজ্যে এই দেউলিয়া বা ইনসলভেন্ট হওয়ার ঘটনা যেমন প্রভৃত ঘট্ট, তেমনই ভয়াবহ ছিল তার পরিণামও। ঔপন্যাসিক চার্লস ডিকেন্সের ডেভিড কপারফিল্ড (১৮৫০ খ্র.) বা হার্ড টাইমস (১৮৫৪ খ্র.)-র কথা মনে পড়ছে? ডিকেন্স তাঁর এই উপন্যাসগুলিতে দেউলিয়া মানুষজনের প্রতি অবিচার-অত্যাচারের কথা মর্মস্পৰ্শীভাবে তুলে ধরেছেন। ঔপন্যাসিকের এইসব কাহিনি অনেকটাই তাঁর

নিজ জীবনসম্মত। কারণ ডিকেন্সের বাবাকেও তাঁর বাল্যকালে দেউলিয়া অবস্থায় জেলে যেতে হয়েছিল। যে কারণে ছেলেবেলায় প্রথাগত পড়াশোনা বন্ধ করে ডিকেন্সকে কারখানার কাজে যোগ দিতে হয়। সেই যুগে দেবেন্দ্রনাথ বা ডিকেন্সের মতো বহু মানুষেরই জীবন বদলে যেত ব্রিটিশ সাম্রাজ্যের দেউলিয়া ঘাতক আইনের নানা অমানবিক ধারা-উপধারার জাঁতাকলে।

সন্স্কৃতি উনিশ শতকে কলকাতায় স্থাপিত ‘মোকাম কলকাতার গোত্রাইন কজ্জ দারানের উপকারার্থে আদালত’ বা ‘দ্য কোর্ট ফর দ্য রিলিফ অব ইনসলভেন্ট ডেটরস অ্যাট ক্যালকাটা’তে পরিচালিত একটি মামলার কিছু নথি আমাদের হাতে এসেছে। এই মূল্যবান নথিগুলি যে কেবলমাত্র সে যুগে কলকাতায় স্থাপিত দেউলিয়া ঘাতক আদালতের কাহিনিই উন্মোচিত করেছে তাই নয়, এর মাধ্যমে আমরা তৎকালীন কলকাতার সামাজিক ইতিহাসের ও অধুনা অজানা এক অধ্যায় সম্পর্কে অবগত হয়েছি।

ইস্ট ইন্ডিয়া কোম্পানির রাজত্বকালে ভারতের তিন প্রেসিডেন্সি শহর কলকাতা, বোম্বে এবং মাদ্রাজে প্রথম দেউলিয়া ঘাতক আইন চালু হয়। ১৮০০ সালে ব্রিটেনের রাজা তৃতীয় জর্জের আমলে গৃহীত ভারত শাসন আইনের ২৩ এবং ২৪ ধারা ছিল এই বিষয়ে। ফোর্ট উইলিয়ামের অন্তর্গত সুপ্রিম কোর্টকে কলকাতায় এই সংক্রান্ত মামলা পরিচালনার দায়িত্ব দেওয়া হয়। ভারতের জন্য দেউলিয়া বিষয়ক এই আইনটি ব্রিটেনের ১৭৫৯ সালের আইনের অনুকরণে তৈরি হয়েছিল।

১৮০০ সালে এই বিষয়ে প্রাথমিক আইন তৈরি হলেও বাস্তবিক ১৮২৮ সালে এই আদালতের আনুষ্ঠানিক সূচনা হয়। তৎকালীন সুপ্রিম কোর্টের একজন বিচারপতি এই আদালতের প্রধান ছিলেন এবং প্রথম থেকেই এই আদালতের একটি স্বতন্ত্র, পৃথক অস্তিত্ব বজায় ছিল। দেউলিয়া বিষয়ক আদালত বোম্বে এবং মাদ্রাজ শহরে প্রয়োজন অনুসারে বসত। কিন্তু কলকাতায় এই আদালত সাধারণত প্রতি মাসের প্রথম শনিবার বসত। ১৮২৮ সালের এই আইনে প্রথম বড় পরিবর্তন আসে ১৮৪৮ সালে। যে আইনে ব্যবসায়ী ও সাধারণ মানুষের মধ্যে সম্পদের পরিমাণের ভিত্তিতে নিয়ম পৃথকীকরণের সংস্থান রাখা হয়। এরপর এই আইনটির ভিত্তির অক্ষ-বিস্তর পরিবর্তন মাঝে মাঝে এলেও আলোচ্য আইনটির আয়ু ছিল দীর্ঘ এবং আইনটি ১৯০৯ সালে এই সংক্রান্ত পরিবর্তিত আইন লাগু হওয়ার আগে পর্যন্ত এদেশে বলবৎ ছিল। বর্তমানে আলোচ্য দেউলিয়া খাতক আদালতের পূর্বে উল্লিখিত মামলার নথিগুলি ১৮৫২ সালের। অর্থাৎ এই আলোচ্য মামলাটি পরিচালিত হয়েছিল মহারানি ভিক্টোরিয়ার একাদশ রাজ্যবর্ষ ১৮৪৮ সালের আইন অনুসারেই।

আলোচ্য নথিগুলি থেকে জানা যায়, জনেক লক্ষ্মীচৰণ ঠাকুরের

কথা। যার বসবাস ছিল মোকাম কলকাতার মিয়াজামে গলিতে। এই স্থানে তৎকালে একটি মগ বা বার্মিজ মন্দির ছিল। এই মন্দিরেরই পূজারি ছিলেন লক্ষ্মীচৰণ। আদালতি নথিতে লক্ষ্মীচৰণকে গাঁউ (Kowan) (কমা) পূজারী (Priest) বলা হয়েছে। কলকাতা গেজেটে এই মামলা সংক্রান্ত আদেশের যে সারাংশ প্রকাশিত হয়, তাতে আবার লক্ষ্মীচৰণকে গাঁউ অথবা প্রিস্ট বলা হয়েছে। বার্মিজ ভাষায় গাঁউ শব্দের অর্থ প্রধান বা চিফ। কোনোভাবেই ‘পূজারী’ নয়। তাই আদালতি নথিতে গাঁউ, পূজারী অথবা পূজারীর প্রতিশব্দ হিসেবে গাঁউয়ের ব্যবহার আভিধানিক অর্থে সঠিক নয়। মনে হয় বার্মিজ শব্দ গাঁউয়ের সঠিক অর্থ না জানায় ইংরাজ আদালতের নথিতে এই বিভাস্তি।

লক্ষ্মীচৰণের এই মামলাটি প্রথম আদালতে ওঠে ১৮৫২ সালের ৩ জুন। মামলা সংক্রান্ত নথি থেকে জানা যায়, জনেক মোহরচাঁদ বাবুর্চির অভিযোগে গ্রেপ্তার হওয়া খাতক লক্ষ্মীচৰণ সেই সময় কলকাতার সাধারণ কারাগারে বন্দি ছিলেন। সেই কারণে খণ্ডগ্রস্ত লক্ষ্মীচৰণ বন্দিদশা থেকে মুক্তিলাভের আশায় খাতক আদালতে আবেদন করেন।

উপরিলিখিত তথ্যগুলি নিঃসন্দেহে তৎকালীন সামাজিক ইতিহাসের এক অজানা অধ্যায়ের প্রতি আলোকপাত করে। কলকাতার সূচনালগ্ন থেকেই এই নগরের বিশ্বজনীন আবেদন সার্বজনীন। পৃথিবীর নানা দেশের নানা জাতির মানুষ চিরকালই এই শহরকে আপন বলেই মনে করেছে। তাই মগ জনগোষ্ঠীও এই শহরের আকর্ষণে এখানে বসবাস করতে আসবে তাতে বিস্ময়ের কিছু নেই।

এই সুযোগে মগ জনগোষ্ঠীর সঙ্গে বাংলার সম্পর্কের ইতিহাস নিয়ে একটু চর্চা করা যেতে পারে। বাংলা ভাষার একটি প্রচলিত প্রবাদ হলো ‘মগের মূলুক’। অরাজকতা বোঝাতে অনেক সময়ই এই প্রবাদ আমরা ব্যবহার করে থাকি। এখন প্রশ্ন, কারা ছিল মগ আর কোথায়ই বা ছিল তাদের মূলুক? ইতিহাস বলছে, এই মগের মূলুকের উত্তর সীমানা হলো উত্তর-পূর্ব ভারত ও বাংলাদেশ। দক্ষিণ ও পশ্চিমে বঙ্গোপসাগর, উত্তর-পশ্চিমে বাংলাদেশ এবং পূর্বে ব্ৰহ্মদেশের সঙ্গে সীমানা নির্ধারণকারী রাখাইন পর্বতমালা। এই ভূখণ্ডের প্রাচীন নাম হলো ‘রাখাই’। যার উৎপত্তি সংস্কৃত শব্দ রক্ষ এবং যক্ষ খো (পালি) বা যক্ষ (সংস্কৃত) শব্দ থেকে।

এই দেশের মানুষেরা নিজেদের ‘রাখাই তেজী’ বলে অভিহিত করতেন। মধ্যযুগে চট্টগ্রামবাসীরা রাখাই-র রাজধানী শ্রিয়া-উকে রোসাং বলতেন। ব্রিটিশ শাসনকালে উচ্চারণের আরও পরিবর্তনে এই অঞ্চল ‘আরাকান’ নামে পরিচিত হয়। ব্রিটিশ অভিধা ছেড়ে বর্তমানে এই অঞ্চল রাখাইন নামে পরিচিত। খ্রিস্ট-পূর্বাব্দ ২৬৬৬ থেকে ১৭৮৪ খ্রিস্টাব্দ পর্যন্ত এই দীর্ঘ সময় রাখাইন

কম-বেশি একটি স্বাধীন রাজ্য ছিল। ১৭৮৫ খ্রিস্টাব্দ থেকে বর্মী রাজা বোধফয়া (১৭৮২-১৮১৯ খ্রি.) স্থায়ীভাবে এই অঞ্চলকে জয় করে ব্ৰহ্মদেশে সংযুক্ত করেন।


রাখাইনের প্রাচীন ইতিহাস অস্ত ‘রাজেয়াং’ থেকে জানা যায়, ১৪৬ খ্রিস্টাব্দে মগধের জনৈক সান্দাতুরিয়া (চন্দ্রসূর্য) নামক এক বৌদ্ধ ধৰ্মবলস্থী এই অঞ্চলে রাজ্য স্থাপন করেন। উভৰ রাখাইন এবং বাংলাদেশের চট্টগ্রামের বৃহৎ অংশ যার অস্তৰ্ভুক্ত ছিল। চন্দ্রসূর্য বংশের প্রথম রাজধানী ছিল রাখাইনের ধান্যবতী। মগধ আগত এই জনগোষ্ঠীই পৱৰ্বতীকালে মগ বা মঘ নামে পৱৰ্চিত হয়। এই অঞ্চলের মোঙ্গলয়েড ন্য-গোষ্ঠীর সঙ্গে মগধের কোনো প্রত্যক্ষ সম্পর্ক না থাকলেও কালক্রমে বাঙালিরা রাখাইনের সকল অধিবাসীদেরই মগ নামে অভিহিত করতে থাকে। সপ্তবত রাখাইনের সর্বত্র বৌদ্ধধর্মের প্রসারই এর মূল কারণ ছিল। অপৰ একটি মতে মগ শব্দ এসেছে মোঙ্গল ন্যগোষ্ঠী থেকে। এই মতটি আমাদের কাছে খুব একটি প্রাচণযোগ্য বলে মনে হয়নি। পঞ্চিতদের মতে, মগ শব্দটি একটি বাংলা শব্দ। রাখাইন বা মায়ানমারের অভিধানে এই শব্দটি কোনোদিনও অস্তৰ্ভুক্ত হয়নি।

মধ্যযুগে বাংলার সঙ্গে রাখাইনের সম্পর্কের এক নতুন অধ্যায় শুরু হয়। এই সময়ে ক্ষমতা দখলের সাপ-জুড়ো খেলায় কয়েক শতক জড়িয়ে পড়ে ব্ৰহ্ম-সম্ভাৰ্ট, রাখাইন-রাজ, গোড় রাজ-দৰবাৰ, দিল্লির মুঘল শাসকবৃন্দ, এমনকি পৰ্তুগিজ জলদস্যুরাও। খ্রিস্টাব্দ পঞ্চদশ থেকে সপ্তদশ শতাব্দী পৰ্যন্ত মোঙ্গলয়েড মগেরা কখনো আলাদা কখনো পৰ্তুগিজদের সঙ্গে মিলে বাংলার সমুদ্রোপকূলবৰ্তী জেলা সমুহে জলদস্যুরাপে ভীষণ রকম উপদ্রব করেছিল। পৰ্তুগিজেরা মগদের সহায়তায় বাংলার উপকূলে আক্ৰমণ চালিয়ে স্থানীয় অধিবাসীদের দাস হিসেবে বন্দি করে ডাচ ইস্ট ইণ্ডিয়া কোম্পানির রাজধানী বাটাভিয়ায় বিক্ৰি করতো।

মগেরা নিজেদের প্রয়োজনেও বাঙালি ত্ৰীতদাসদের ব্যবহার কৰতো বলে জানা যায়। প্ৰসঙ্গত উল্লেখ্য, আৱাকানেৰ একটি গুৱাত্পূৰ্ণ নদী হলো কালাডান। বাৰ্মিজ ভাষায় ‘কালা’ শব্দেৰ অৰ্থ বিদেশি ভাৱতীয় আৱ ‘ডন’ শব্দেৰ অৰ্থ স্থান। অৰ্থাৎ বিদেশিদেৰ বাসস্থান। আসলে এই কালাডান নদীৰ উপত্যকায় মগেরা বাংলাদেশ থেকে দাস হিসেবে অপহৰণ কৰে আনা মানুষদেৰ ধান উৎপাদনেৰ জন্য ভূমিদাস হিসেবে ব্যবহাৰ কৰতো। বিদেশি দাস-ভাৱতবাসীৰ আবাসভূমি বলেই মগেরা এই নদীৰ নাম দেয় কালাডান। তাই এইসব কাৱণে বাঙালিৰ মোঙ্গলয়েড মগদেৰ প্ৰতি অশৰ্দা থাকটা অস্থাভাৱিক নয়। কিন্তু বাংলা ভাষা সাহিত্যেৰ মতো কিছু বিষয়ে তাৰে অবদানও স্মৰণীয়। সে কথাও আমাদেৱ ভুলে গেলে চলবে না।

বাংলাৰ প্ৰথম নিয়মাধিক আদমসুমাৰি হয় ১৮৭২ সালে। এইচ বেভেৰেলি সাহেবেৰ সংকলিত এই রিপোর্ট থেকে জানা যায়, অবিভক্ত বাংলায় সেইসময় মগ অধিবাসীদেৰ সংখ্যা ছিল ৫৬ হাজাৰ ছশো সততেৰ জন। মগ জনসংখ্যাৰ বেশিৰভাগই পাৰ্বত্য চট্টগ্রাম, চট্টগ্রাম, বাখৰগঞ্জেৰ অধিবাসী ছিলেন। চৰিশ পৱগনা জেলায় এই সংখ্যা ছিল ২৩২ জন। কলকাতার জনসংখ্যাও এই চৰিশ পৱগনাৰ ভিতৰই ছিল। তাই একথা ধৰে নেওয়া যেতেই পাৱে, জীবিকাৰ কাৱণে এই ২৩২ জন মগ অধিবাসীৰ বেশিৰভাগই থাকতেন দেশেৰ রাজধানী কলকাতাতেই।

এখন প্ৰশ্ন হলো, এই মগ জনগোষ্ঠী কলকাতার কোন অঞ্চলে থাকত আৱ কী-ই বা ছিল তাৰে জীবিকা? এ জি রংসাগ কোম্পানিৰ ১৮৫৬ সালেৰ ‘দ্য নিউ ক্যালকাটা ডিৱেল্পমেন্ট’ ফৰ দ্য টাউন অব ক্যালকাটা’ৰ সুত্ৰে জানা যায়, মগেৱা এই সময় মধ্য কলকাতার বিভিন্ন স্থানে বসবাস কৰতো। এই সকল অঞ্চল প্ৰথম থেকেই মিশ্ৰ জনগোষ্ঠীৰ আবাসস্থল। বাসস্থান হিসেবে মগদেৰে



মহাবৰ্ষী সোসাইটি / কলকাতা।

With Best Compliments from :-

A
Well
Wisher

বিজ্ঞপ্তি

স্বত্ত্বিকার সকল গ্রাহক ও প্রচার
প্রতিনিধিদের অনুরোধ করা যাচ্ছে
যে, তাঁরা যেন তাঁদের দেয় টাকা
নিম্নবর্ণিত ব্যাঙ্ক অ্যাকাউন্টে
NEFT-র মাধ্যমে সরাসরি জমা
দেন। যে কোনো ব্যাঙ্কের শাখা
থেকে টাকা পাঠাতে পারেন।
টাকা পাঠিয়ে স্বত্ত্বিকা দপ্তরে অবশ্যই
জানাবেন।

ফোন : ৮৬৯৭৭৩৫২১৪,
৮৬৯৭৭৩৫২১৫,
হোয়াটস্ম্যাপ নম্বর : ৮৬৯৭৭৩৫২১৪
Account Name : OMSWASTIK
PRAKASHAN PVT. LTD.
A/C. No. : 917020084983100
IFSC Code : UTIB0000005
Bank Name :
AXIS Bank - Kolkata
Branch : Shakespeare Sarani

সামরাইজ®

**শাহী
গরুম
মর্ষলা**



রান্নায় আলাদা মাত্রা এনে দেয়



এই ডায়রেক্টরিতে আবার মিয়াঁজান কা গল্লির পোশাকি নাম দেওয়া হয়েছে ওয়েস্টন লেন। এখানে ওয়েস্টন লেনে কয়েকটি মগ কুটিরের কথা ও উল্লিখিত হয়েছে। পরবর্তীকালে ১৮৬২ সালের ‘ক্যালকাটা ডায়রেক্টরি’তে আবার ওয়েস্টন লেনের নেটিভ নাম মিয়াঁজান কা গল্লির বদলে ‘বন্দুকওয়ালা গল্লি’ দেওয়া হয়েছে। আজও এখানকার স্থানীয় বাসিন্দারা ওয়েস্টন লেনকে ‘বন্দুক গলি’ বলে অভিহিত করে থাকেন। ১৮৬২-র এই ডায়রেক্টরিতে আমরা আবার পার্শ্ববর্তী বটবাজার লেনেও সাতটি মগ পাচক কুটিরের সন্ধান পাই। পূর্বে উল্লিখিত ওয়েস্টন লেনই দ্বিতীয়ে পরিবর্তিত হয়ে বর্তমানে ওয়েস্টন স্ট্রিট।

মধ্য কলকাতার বটবাজার অঞ্চলে পূর্ব-পশ্চিম বিস্তৃত এই রাস্তাটির বর্তমানে পূর্ব দিকের সূচনা চিন্তারঞ্জন অ্যাভিনিউতে। পশ্চিমে যার সমাপ্তি বেন্টিক স্ট্রিট। পূর্বদিকে এই রাস্তার প্রথম অংশের নাম আজ কপালিটোলা লেন। এখানে কপালিপল্লির প্রতিষ্ঠাতা

দাস পরিবারের আজও বাসস্থান।

এই কপালিটোলা লেনকে প্রথম যে রাস্তাটি উত্তর-দক্ষিণে ছেদ করেছে তার নাম রবার্ট স্ট্রিট। রবার্ট স্ট্রিটের পরবর্তীতে কপালিটোলা স্ট্রিট থেকে যে রাস্তাটি কেবলমাত্র উত্তরমুখী বর্তমানে তার নাম বুদ্ধিস্ট টেম্পল স্ট্রিট। যেখানে আজ বৌদ্ধ ধর্মাঙ্কুর সভা বা দ্য বেঙ্গল বুদ্ধিস্ট অ্যাসোসিয়েশন অবস্থিত। বুদ্ধিস্ট টেম্পল স্ট্রিটের সামনেই অধুনা বিখ্যাত বো-ব্যারাক আর কপালিটোলা পার্ক ওরফে নালন্দা উদ্যানের অবস্থিত। এই উদ্যানের পরেই অপর এক উত্তরমুখী রাস্তা বো স্ট্রিট যার সমান্তরাল দক্ষিণমুখী অংশের নাম আবার খইরু প্লেস।

এই বো স্ট্রিটের পর থেকেই পূর্ব-পশ্চিমের প্রধান রাস্তাটি বেন্টিক স্ট্রিটে পড়া পর্যন্ত আজও ওয়েস্টন স্ট্রিট নামে অভিহিত। কলকাতার আদিযুগে বেন্টিক স্ট্রিটের নাম ছিল কসাইটোলা। পূর্বে উল্লিখিত দুটি ক্যালকাটা ডায়রেক্টরিতে আমরা মিয়াঁজান কা গল্লি বা ওয়েস্টন লেনের পশ্চিমে সীমানা হিসেবে এই কসাইটোলাকেই দেখতে পাই।

বেন্টিক স্ট্রিট এবং বো স্ট্রিটের মাঝে ওয়েস্টন স্ট্রিটকে ছেদ করে উত্তর-দক্ষিণে সমান্তরাল ভাবে বিস্তৃত আর একটি পূর্ণ রাস্তা দেখা যায়। বর্তমানে যার নাম মেটক্যাফ স্ট্রিট। ১৮৫৬ সালে এই রাস্তাটি স্থানীয় মানুষজনের কাছে পরিচিত ছিল কিং কুপার কা গল্লি হিসেবে। ১৮৪৭-১৮৪৯ সালে জে সি ওয়াকার কোম্পানির তরফে ফ্রেডরিক ওয়াল্টার সিমস, এইচ এল থুট্লার ও আর স্মিথের কলকাতার মানচিত্রে এই রাস্তাটির নাম পরিবর্তিত হয়ে জিগ-জ্যাগ

লেন হিসেবে উল্লেখিত হচ্ছে। ওয়েস্টন স্ট্রিট ও মেটক্যাফ স্ট্রিটের একই স্থানে বর্তমানেও অবস্থিতি নিশ্চিত করে চিহ্নিত করেন লক্ষ্মীচরণের সেযুগের বাসস্থান তথা মগ বা বার্মিজ মন্দিরের সঠিক অবস্থানকে। যার থেকে এই সিদ্ধান্তে আসা যায়, বর্তমান কপালিটোলা পার্ক থেকে বেন্টিঙ্ক স্ট্রিটের মধ্যবর্তী ওয়েস্টন স্ট্রিটের কোনো স্থানেই অবস্থিত ছিল পুরোল্লিখিত মন্দিরটি।

লক্ষ্মীচরণের মামলার নথিগুলি নিশ্চিতভাবে উনিশ শতকের কলকাতার একটি অজানা অধ্যায়ের প্রতি আলোকপাত করে। সেই সময় কলকাতায় মগ সম্প্রদায় যে কোনো মন্দির প্রতিষ্ঠা করেছিল, তা এতদিন আমাদের অজানা ছিল। আদালতের এই সমস্ত অজ্ঞাত নথি ছাড়া অন্য কোথাও যার নির্দিষ্ট উল্লেখ এখনও পর্যন্ত আমরা দেখতে পাইনি। এই মন্দিরটি নিশ্চিতভাবেই একটি বৌদ্ধ উপাসনালয় ছিল। সেই হিসাবে সম্ভবত অধুনালুপ্ত ওই উপাসনালয়টি ছিল কলকাতায় স্থাপিত প্রথম বৌদ্ধ মন্দির। আমাদের মনে হয় তৎকালীন কলকাতায় মগ পাচকদের দ্বারা নির্মিত কোনো পর্ণকুটিরেই সেই সময় স্থাপিত হয়েছিল এই মন্দিরটি।

যদি আমরা মেনে নিই আলোচ্য মন্দিরটি একটি বৌদ্ধ উপাসনালয় ছিল, তাহলে স্বভাবতই আমাদের মনে যে প্রশ্ন ওঠে তা হলো— লক্ষ্মীচরণ ঠাকুর এই মন্দিরের পূজারী হন কীভাবে? কারণ লক্ষ্মীচরণের নাম-পদবী ও মগ-সংস্কৰণ থেকে আমাদের প্রাথমিক অনুমান তিনি সম্ভবত বাঙালি ব্রাহ্মণ ছিলেন এবং তাঁর আদি নিবাস ছিল চট্টগ্রাম। লক্ষ্মীচরণ কলকাতায় কাজের খোঁজে এসে এই মগ মন্দিরে পূজারী হিসেবে নিযুক্ত হন। নাকি তাঁকে এই বৌদ্ধ মন্দিরের পূজারী হিসেবেই চট্টগ্রাম থেকে কলকাতায় আনা হয়েছিল, তা বোধহয় আজ আর জানা সম্ভব নয়। মগ-বার্মিজ প্রতিষ্ঠিত বৌদ্ধ মন্দিরের হিন্দু ব্রাহ্মণ পূজারী আপাত আশ্চর্যের মনে হলেও রাখাইন তথা ব্রহ্মাদেশের ধর্মীয় পরম্পরার ইতিহাস জানা থাকলে সেই যুগের এই ঘটনা বিশ্যয়কর বলে মনে হবেনা।

এখন অল্প কথায় জেনে নেওয়া যাক, রাখাইন বৌদ্ধ পরম্পরার সেই ইতিহাসকে। প্রাচীন রাখাইন ইতিহাস প্রথমে পাওয়া যায় ১৪৬ খ্রিস্টাব্দে রাজা চন্দ্রসূর্য রাখাইনের তৎকালীন রাজধানী ধান্যবর্তীতে মহামুনি বুদ্ধমূর্তি ও মন্দির নির্মাণ করেছিলেন। কথিত আছে সেইসময় মহামুনির পূজা করার জন্য চট্টগ্রাম থেকে একটি ব্রাহ্মণ পরিবার ও তাঁদের সেবকরূপে একটি শুন্দ পরিবারকে ধান্যবর্তীতে নিয়ে যাওয়া হয়। রাজা চন্দ্রসূর্য ছিলেন মহাযান বৌদ্ধ ধর্মবর্তী। কিন্তু পরবর্তীতে রাখাইনে থেরোবাদ প্রতিষ্ঠিত হলেও এই পরম্পরার অবসান হয়নি। পর্তুগিজ পাদারি মানরিকের (১৫৯০-১৬৬৯) বিবরণ থেকে জানা যায়, রাখাইনের শাসকদের রাজ্যাভিযক, অঙ্গোষ্ঠি ক্রিয়া প্রত্বতি অনুষ্ঠান হিন্দু ব্রাহ্মণদের তদারকিতেই অনুষ্ঠিত হতো। রাজার ষেতহস্তী পালনের কাজও

তাদের উপরেই ন্যস্ত ছিল। এছাড়া রাজ পরিবারের আনন্দ-উৎসব, ধর্মীয় কাজের তদারকি ও ভাগ্যফল গণনার কাজও তাঁরাই করতেন। এইজন্য রাখাইনের রাজ দরবারে একদল ব্রাহ্মণ ছিলেন। ১৭৮৫ খ্রিস্টাব্দে ব্রহ্মারাজ বোধয়া রাখাইন জয় করলে তাঁর পুত্র ৩৮ হাজার রাখাইন বন্দির সঙ্গে মহামুনি বৌদ্ধমূর্তি, সেখানকার পূজারী ব্রাহ্মণের বংশধর ও শুন্দসেবকদের বংশধরদের ব্রহ্মাদেশের তৎকালীন রাজধানী মান্দালয়ে নিয়ে যান। হিন্দু ব্রাহ্মণদের ব্রহ্মাদেশে ‘পৌনা’ বলা হয়ে থাকে। বর্তমান লেখক কিছুদিন আগে মান্দালয়ের মহামুনি প্যাগোড়ায় এই রাখাইন পৌনাদের সঙ্গে সাক্ষাৎ করে এসেছেন।

শুধু রাখাইন নয়, ব্রহ্মাদেশের অন্যত্র ছোট-বড় ভূস্বামীবৃন্দও সেই সময় তাদের ধর্মীয় ক্রিয়াকলাপে এই পৌনাদের নিযুক্ত করতেন। ব্রহ্মাদেশের শেষ সম্ভাট থিবো (রাজত্বকাল ১৮৭৮-১৮৮৫)-র মান্দালয় রাজদরবারেও এই পৌনাদের অবস্থানের কথা জানা যায়। তাই কলকাতার মগ-বৌদ্ধ মন্দিরে হিন্দু ব্রাহ্মণ হিসেবে লক্ষ্মীচরণের নিযুক্তি সেই প্রাচীন পরম্পরারাই অনুসারী ছিল, একথা নিশ্চিতভাবেই বলা যেতে পারে।

এবার লক্ষ্মীচরণের মামলার মূল কাহিনিতে আসা যাক। আগেই বলেছি, অর্থ অনাদায়ে জনেক মোহরচাঁদ বাবুর্চির অভিযোগে লক্ষ্মীচরণকে প্রেফতার করে জেনে পাঠানো হয়। মোহরচাঁদের নাম দেখে তার ধর্ম ও পেশা সম্পর্কে আন্দাজ করা যায়। কিন্তু মোহরচাঁদ কত টাকা এবং কেন তা লক্ষ্মীচরণকে খণ্ড দিয়েছিলেন তা আমাদের জানা নেই। যেমন জানা নেই ঠিক করে লক্ষ্মীচরণকে প্রেপ্তার করা হয়। যেহেতু আদালতে ৩ জুন, ১৮৫২ সালে প্রথম লক্ষ্মীচরণকে পেশ করা হয়, স্বাভাবিকভাবেই তার অল্প কিছুদিন আগেই লক্ষ্মীচরণ প্রেপ্তার হন— এ কথা নিশ্চিতভাবে বলা যায়। এই দিন বিচারপতি তাঁর আদেশে লক্ষ্মীচরণের মামলা সংক্রান্ত সকল কাগজপত্র আদালতে জমা দিতে বলেন। লক্ষ্মীচরণের এই মামলাটি সুপ্রিম কোর্টের প্রধান বিচারপতি স্যার লরেন্স পিলের অধীনে ছিল। স্যার লরেন্স তাঁর আদেশে আরও বলেন একমাসের ভিত্তির লক্ষ্মীচরণের দেউলিয়া সংক্রান্ত মামলার নোটিস তাঁর সকল উভ্যর্মণ্দের কাছে পোঁচে দেওয়ার ব্যবস্থা করতে হবে। এবং এই একমাসের ভিত্তির কোর্টের আদেশের সারাংশ ক্যালকুল্টা গেজেটে দু'বার প্রকাশ করতে হবে। আদালত এই মামলার পরবর্তী শুনানির তারিখ জুলাই মাসের ৩ তারিখে ধার্য করে।

মামলার দ্বিতীয় দিনে অর্থাৎ ৩ জুলাই প্রধান বিচারপতি মূল বাদী মোহরচাঁদ বাবুর্চিকে ৭ আগস্ট সকাল এগারোটায় সশরীরে আদালতে উপস্থিত হওয়ার আদেশ দেন। একইসঙ্গে তিনি কলকাতার শেরিফকে এ বিষয়ে নোটিস জারি করতে বলেন। লক্ষ্মীচরণের ততদিন পর্যন্ত জেনে থাকার নির্দেশই বহাল থাকে।



কলকাতার বৌদ্ধধর্মকেন্দ্র সভা।

৭ আগস্ট, শনিবার মাঝলার তৃতীয় শুনানিতে মোহরচাঁদের পক্ষে সওয়াল করেন আইনজীবী কেভি। কেভি বিচারালয়ের কাছে লক্ষ্মীচরণের দেউলিয়া ঘোষণার আবেদনের তীব্র বিরোধিতা করেন। প্রধান বিচারপতি পিল নাইট এই মাঝলার চূড়ান্ত রায় ঘোষণা সেপ্টেম্বর মাসের ৪ তারিখ পর্যন্ত মুলত্বিবি রাখেন।

৮ সেপ্টেম্বর কোটের আদেশে আরও কয়েকজন বন্দির সঙ্গে লক্ষ্মীচরণ অবশ্যে মুক্তিলাভ করে। অর্থাৎ লক্ষ্মীচরণের আবেদন বিবেচনা করে বিচারপতি তাকে দেউলিয়া ঘোষণা করে আর্থিক দায় থেকে মুক্ত করেন। লক্ষ্মীচরণের মুক্তির এই আদেশটিও ক্যালকাটা গেজেটে প্রকাশিত হয়।

কলকাতার জেলে চার মাসের উপর বন্দি থাকার পর লক্ষ্মীচরণ এই শহরেই থেকে গিয়েছিলেন না এখান থেকে তিনি তাঁর জন্মভূমিতে ফিরে গিয়েছিলেন তা আমাদের জানা নেই। সুন্দর রাখাইন থেকে কলকাতায় এসে মগ জনগোষ্ঠীর তৈরি প্রথম বৌদ্ধ মন্দিরটি এরপর কতদিন টিকে ছিল সেকথাও আজ জানার কোনো উপায় নেই। তবে ১৮৫২ বা তৎপূর্ববর্তী সময়ে যে স্থানে কলকাতার

প্রথম বৌদ্ধমন্দির প্রতিষ্ঠিত হয়েছিল, প্রায় সেখানেই ১৮৮৮ সালে ২১/২৬ বো স্ট্রিটে চট্টগ্রাম থেকে আগত কৃপাশরণ মহাস্থবির ‘মহানগর বিহার’ স্থাপন করেন। যা আজও ওই অঞ্চলে নবকলেবরে বৌদ্ধ ধর্মাঙ্কুর সভা হিসেবে স্বমহিমায় বিরাজমান। এই ধর্মাঙ্কুর সভায় পরবর্তীকালে রাখাইন বৌদ্ধমন্দিরের সঞ্চানায়ক উপুঙ্গ মহাস্থবির কৃপাশরণকে অষ্টধাতু নির্মিত অপরূপ একটি বৌদ্ধমূর্তি দান করেন। মূর্তিটি আজও সেখানে বিদ্যমান।

কলকাতায় উনিশ শতকের মধ্যাহ্নে মগ জনগোষ্ঠীর দ্বারা প্রথম বৌদ্ধমন্দির স্থাপিত হলেও সেই মন্দিরের প্রথম পুরোহিত ছিলেন বাঙালি। আবার পরবর্তীকালে সেই স্থানেই বাঙালি বৌদ্ধস্থবির প্রতিষ্ঠিত মঠে রাখাইন সংঘ নায়কের বুদ্ধমূর্তি দান সাংস্কৃতিক মেলবন্ধনের এক অসমাপ্ত বৃন্তকেই যেন সম্পূর্ণ করে।

নানা উত্থান-পতনের মধ্যেও বাংলার সঙ্গে রাখাইনের, বাঙালির সঙ্গে রাখাইনবাসীর এই মেলবন্ধন সুন্দর ঐতিহাসিক কাল থেকে আজ পর্যন্ত প্রবাহমান। লক্ষ্মীচরণ, কৃপাশরণ বা উপুঙ্গের হলেন তারই প্রতীক। ■



ରାଜ୍ୟବିନ୍ଦୁମାର୍ତ୍ତ୍ୟ

চিহ্নায়ন

উপন্যাস

শেখর সেনগুপ্ত

আকাশ ও মেঘের মতিগতির
ওপর অধিক আস্থা স্থাপন
যে ভারী কাঁচা কাজ, দিনের শুরুতেই
তা বোর্বা গেল। ফ্ল্যাটবাড়ির
বুলবারান্দায় বসে লুটি আর
মোহনভোগ রসিয়ে রসিয়ে যখন
খাচ্ছে অনুত্তম, আঁথি তখন সেখানে
দাঁড়িয়েই সান্ধ্য আবেগে আকাশের
দিকে চেয়ে স্বামীর দৃষ্টি আকর্ষণের
চেষ্টা করেছিল, ‘দ্যাখো, আকাশের
বুকে যেন কতবড় রংপোর থালা। কী
আলো !’

অনুত্তমকে মুখ তুলতেই হয় এবং
যেহেতু তার দৃষ্টি সবসময় ভালোর
সঙ্গে মন্দকেও খোঁজে, তাই বলেছিল,
‘রংপোর থালা ঠিকই, কিন্তু ওই
থালার চারদিকে যে কিছু মেঘ সুজির
হালুয়ার মতো দলা পাকিয়ে রয়েছে,
সেটাও কিন্তু খেয়াল করা উচিত।
লক্ষণ ভালো নয়।’



অনুভূমের ইঙ্গিত যে নির্ভেজাল, আঁখি সেটা টের পেল
ভোর হবার আগেই। রাতে আবহাওয়া দপ্তর নাকি হঁশিয়ারি
দিয়েছিল, ‘ঝড়বাঞ্ছা মারাঅকভাবে আসছে পশ্চিম থেকে।
নামও তার ‘মুসিবত’। মুসিবতের হটোপাটি সেই যে শুরু
হয়েছিল, এখনও তাতে ক্ষান্তি নেই। অনেকদিন বাদে
শিলাবৃষ্টি। এপার ওপার একাকার। দিনের আলো এমন মলিন
যে দৃষ্টিবিঅমের আশঙ্কা। অনুভূম ও আঁখি দুজনেরই মনে হচ্ছে,
তারা নিছক একটা পোড়ো বাড়ির মধ্যে সেধিয়ে রয়েছে বুঝি।
খুব দরকার না থাকলে এই মুহূর্তে একমাত্র মতিজ্ঞরাই বাড়ির
বাইরে পা রাখে। এখনও বাতাস কমবেশি দামাল। কলকাতা
শহরের কোথায় কত যে অঘটন ঘটে গেল, কত কী অদল-বদল
হলো, তা অনুভূম করতে খুব একটা দূরদৃষ্টির প্রয়োজন হয় না।
টিভির স্ক্রিনে সকল বিপর্যয়ের প্রতিচ্ছবি প্রতিফলিত হয় না।
অথচ কাল তারা রুপালি চাঁদকে সাঙ্কী রেখে কী সরস
পরিকল্পনা ফেঁদেছিল। প্রকৃতির রোষ না রসিকতা সব ভজ্যট
পাকিয়ে দিয়ে গেল।

পরের দিনটা তো রবিবার। অনুভূমের অফিস যাবার তাড়া
নেই। ছেলে রনি নিউজার্সিতে। সুতরাং এই রবিবারটাকে
প্রাণবন্ত করে তুলতে আঁখি ও অনুভূম গেঁথে রেখেছিল
গুটিকয়েক সন্তাব্য কর্মসূচি। এদের মধ্যে অন্যতম হলো
শক্তিগড়ে গিয়ে ল্যাংচার আস্বাদন। কত মস্ত মস্ত ব্যক্তিগত সময়
থেকে সময়স্থানে শক্তিগড় গিয়ে ল্যাংচা খেয়ে শংসাপত্র দিয়ে
এসেছেন।

রবীন্দ্রনাথ, সুভাষচন্দ্র বোস থেকে আরস্ত করে উন্মকুমার
অবধি। শক্তিগড়ে ল্যাংচাপৰ্ব সেরে চলে যাবে কার্জনগেটে—
বঙ্গভঙ্গের অপরাধী লড় কার্জনের সম্মানে বর্ধমানের মহারাজার
অবদান। সেখান থেকে ঘুরে ঘুরে দেখবে বর্ধমানের অন্যতম
দ্রষ্টব্য ১০৮ শিবমন্দির। তারপর...। চিটেগড়ের মতো লেগে
ছিল একটার সঙ্গে আর একটা পরিকল্পনা। প্রকৃতির মনবাজানা
সব ভঙ্গুল করে দিল। সরকারি বাসের একজোড়া টিকিটও কেটে
এনে রেখেছিল অনুভূম। অনুভূমের কোনো চারচাকার
ব্যক্তিগত মালিকানা নেই, যদিও সে একজন পদস্থ পুলিশ
গোয়েন্দা, এ্যাবৎ বজ্জাতদের বহু হাট তচনছ করে দিয়েছে। তাই
রাজনীতির টোপ গেলার লোভকে সংবরণ করতে পেরেছে।
হৃদয় বিবেক ও নৈতিকতাকে প্রাধান্য দিয়ে এসেছে। তাই
গোরাবাজার এলাকায় এরকম একটা ছোট ফ্ল্যাট তার। ব্যাক
থেকে লোন নিতে হয়েছে। গাড়ি কেনার রেস্ত জোগাবে কে?
এই নিয়ে আঁখির এলোমেলো কিছু অনুযোগ থাকলেও
অনুভূমের কিন্তু এ অবধি মনে হয়নি, একটা চার চাকার অভাবে
তার জীবন থেকে সব জোছনা কেউ শুয়ে নিয়েছে। যতদিন

চাকরি আছে, গাড়ির অভাব তেমন ঠাহর করতে পারবে না।
তারপর যদি খুব অসুবিধা হয়, ভাববার অবকাশ থাকবে।
প্রয়োজনে ছেলের কাছে হাত পাতবে।

এখনও ব্যক্তিগত প্রয়োজনে পথে নামলে আঁথে জলে খাবি
খায় না। বাস, ট্রাম, অটো, টোটো, ট্যাঙ্কি এসব তো একেবারে
অলভ্য নয়। মোদ্দা কথা, প্রোচ দম্পত্তি কলকাতার সরকারি
বেসরকারি যানবাহনের সঙ্গে এখনও দিবি মানিয়ে নিতে
পারছে। আরও একটা ব্যাপার আছে, বাস বা অটো যখন ছোটে,
অনুভূমের ভেতরে একটা শিরশিরে বাতাসও যেন বইতে থাকে।
সে পার্শ্ববর্তী সহযাত্রীকে সামান্য জরিপ করে নেয়। যেন তার
তৃতীয় নয়নটি জেগে ওঠে। পোয়াটাক রাস্তা পার হতে না
হতেই জলজ্যান্ত, কিন্তু অপরিচিত মানুষটার সম্পর্কে বেশ কিছু
বিবরণ দিতে পারে। যেগুলি প্রায়শই নির্ভুল হয় অথবা সত্যের
কান ঘেঁষে চলে যায়। একবার বাসের মধ্যে কোনাকুনি বসে
থাকা আঁখির এক বাস্তবী সম্পর্কে অনুভূম এমন একটি কথা
বলেছিল, যা আঁখিকে যুগপৎ সচকিত ও ব্যথিত করে; কিন্তু
মস্তব্যটাকে উড়িয়েও দিতে পারেন।

এহেন অনুভূম চৌধুরীকে আঁখি চৌধুরীও মনে মনে সমীক্ষ
না করে পারে না। তো সে যাই হোক, এখন তারা দু'জনই
বিমর্শ। একটা মধুর সন্তাবনাকে বিনষ্ট করে ছাড়ল অপ্রত্যাশিত
দুর্যোগ। প্রকৃতি তার নিজস্ব মৌনতাকে বিসর্জন দিয়ে এখনও
এমন গজরাচে যে হতাশায় আঁখি হাতের চিরঢিনিটাকে দূরে
নিক্ষেপ করে। অনুভূম সেটা আবার তুলে এনে ড্রেসিং
টেবিলের ওপর রাখে। একবার তাদের মনে হয়েছিল, ছাতা
মাথায় দিয়ে ফ্ল্যাট বাড়ির ছাদে গিয়ে দাঁড়ালে কেমন হয়?
পরক্ষণেই তারা স্বীকার করে নেয়, এ ধরনের বিলাসিতা করবার
ব্যবস দুজনেরই পেরিয়ে এসেছে। পরিস্থিতি যখন আরও
থমথমে হয়ে উঠছে, ঠিক তখন আঁখির থি জি মোবাইলটা পল
রবসনের গান গেয়ে ওঠে, ‘উই আর অন দ্যা সেম বোট
ব্রাদার...’

স্ক্রিনের দিকে চেয়ে স্ট্যান্ড উৎফুল্ল আঁখি জানায়, ‘মামা ফোন
করছেন।’

‘মামা !’
‘হ্যাঁ, মামা !’
মুহূর্তে তাদের চেতনায় ঘা লাগে— অনুভূমের লেখক-মামা
তার হাজার স্ক্যার ফিটের মডার্ন ফ্ল্যাটটিতে একা— সম্পূর্ণ
একাই রয়েছেন। তাঁর দিকে নজর দেবার মতো কেউ নেই গত
তিনদিন ধরে। মামা ও মামিমার জন্য রেলের টিকিট কেটে
পাঠিয়েছিল তাদের একমাত্র কল্যাণ সুলেখা রায়গড় থেকে।
জামাতা ছত্রিশগড়ের পদস্থ সরকারি আধিকারিক। গত তিন

বছর ধরে অনেক সাধ্য-সাধনা করেও মা-বাবাকে আনতে না
পারায় সুলেখার খুব অভিমান হয়েছিল। দূরভাষে ব্যথিত গলায়
আপন মর্মবেদনা জানিয়েছে ক'বার। তবুও হঁশ আসেনি মামার।
খালি কাগজ আর কলম। কলম আর কাগজ। বুকাতাম লিখে
অনেক কামাচ্ছেন বা পুরস্কার-টুরস্কার পাচ্ছেন, তাহলেও সেটা
না হয় একটা জোরালো বৃত্তান্তের জন্ম দিত। আর মামি? তিনি
দিনের মধ্যে ঘণ্টা কয়েক ঠাকুরের সিংহাসনের সামনেই
বিভোর। বাড়িতে কোনো কর্তৃ আছেন বলেই মনে হয় না।
এবার জামাই জোড়া টিকিটি পাঠাতে অপ্রস্তুত। তবুও মামা
অনড়। শেষে রেগেমেগে কল্যান মান ভাঙ্গাতে মামি একাই
গিয়ে উঠে বসলেন বম্বে মেল ভায়া নাগপুরে। মামা দুঃখিত।
নিজের ব্যস্ততার কথা যদি জানাতে বসেন, সেটা অনেকের
কাছে হয়ে উঠতে পারে ছেটমুখে বড় কথা। আসলে সত্যি তাঁর
ইদলীং লেখক হিসেবে একটু নামডাক হয়েছে। কেবল রহস্য
উপন্যাস রচনাতেই নয়, রাজ্যের চোর-ছ্যাঁচড়াদের ওপর
একটি পত্রিকায় ধারাবাহিক লেখালেখি বেশ আলোড়ন
তুলেছেন, যদিও তাকে ঠিকঠাক কোনো রাজনৈতিক দলের
পতাকার নীচে এনে দাঁড় করানো কঠিন। মেয়ের বাড়ির
উদ্দেশ্যে যাত্রা করার আগে মামির প্রথাসিদ্ধ গজগজানি। ‘... কী
আমার ভুবনখ্যাত লেখকরে। .. আমি চললাম। তোমার হাঁটুর
ব্যথা আরও বাড়ুক বসে থেকে থেকে ...’

মামির এই রকম বাক্যবান মামা যেভাবে হাসিমুখে হজম
করেন, তাতেই মালুম হয় ওদের দাম্পত্য প্রেমের গভীরতা।
টাকা-পয়সা যতই সামান্য হোক, অনুভূমি কিন্তু তার মাতুলকে
একজন বহুমুখী কৃতবিদ্য মানুষ বলেই মনে করে। কুলগৌরবও
বলা চলে। ম্যাট্রিকে প্রথম ঘোলজনের মধ্যে নাম ছিল। ইতিহাস
ও অথনীতিতে সর্বোচ্চ ডিপ্রি থাকলেও গবেষণায় মাথা
ঘামাননি। অধ্যাপনা ছেড়ে ঢুকে যান একটি বাণিজ্যিক ব্যাকে।
সেখানেও যে উচ্চতায় পৌঁছে যাবার কথা, সেটা হয়নি
তেলমদনে পারদর্শিতার অভাবে। এখন মাথার চুল সব সাদা;
কিন্তু মামিকে তুষ্ট রাখতে কলপ ব্যবহার করেন নিয়মিত।
লিখেছেন বিস্তর। অবসর নেবার পর সেটা আরও বেড়েছে।
কিন্তু যে গুণ থাকলে পুরস্কার মেলে, সেই গুণের ও তৎপরতার
বড় অভাব। কল্পনাকে প্রশ্নায় দিতে অক্ষম। বিস্তর বইপত্রের নথি
ঘেঁটে নিবন্ধ লেখেন। আর উপন্যাস লেখার ব্যাপার হলোই
ভাগ্নে সি আই ডি অনুভূমের থুতনি ধরে নাড়া দেন, ‘একটা প্লট
দে। রহস্য কাহিনি লিখব। সামাজিক উপন্যাস যদি লিখতে বসি,
ধোঁকা দিতে পারব না। ফলে আমার অনেক কিছুকে গড়বড়
করে দেবার জন্য বহু প্রভাবশালী পিছনে লাগবে, সাহিত্যের
বাজারে এতসব ওজনদার নিন্দুকদের সামাল দেওয়া আমার

অসাধ্য।’

অনুভূম তখন মাথা নাড়ে— মামা, তোমার মেরুদণ্ড যেন
জীবনের বাকি দিনগুলিতে এরকম সোজাই থাকে। আমার কাছ
থেকে যখন-তখন প্লট পেতে থাকবে।

এহেন মাতুলের সঙ্গে অনুভূমের বেটারহাফ আঁখি চৌধুরীর
এখন ফোনে কী কথাবার্তা হচ্ছে, তা শোনা যাক—

মামা : কে, আঁখি মা?

আঁখি : হ্যাঁ, মামা। আমি তোমার আঁখি।

মামা : কী করছিস রে তোরা দুঁটিতে?

আঁখি : কিছুই তো করার নেই মামা। ভয়াবহ আবহাওয়া।
আমরা বিলকুল ঘরবন্দি। সারা গোরাবাজার হাবুড়ুর খাচ্ছে।
পথে বেরিয়েছে, এরকম লোকের সংখ্যা হাতে গুনে বলা যায়।
তোমার ওখানে অবস্থা কেমন?

মামা : তফাত উনিশ বিশ। তবে ব্যতিক্রম কিছু আছে
বৈকি! যেমন আজ সকালে আমাদের হাউসিং কমপ্লেক্সে একটা
তাগড়াই দাঢ়াশ সাপকে দেখা গেছে। তোরা তো এ জিনিস
স্বপ্নেও দেখতে পাস না।

আঁখি : বাবা! মামি তো হাওয়া। তুমি এখন করছুটা
কী?

মামা : গায়ে আমার ময়লা পিরান। টেবিলে কাগজ ও
কলম। কিন্তু মাথাটাকে এফোঁড় ওফোঁড় করেও কোনো বস্তুর
খোঁজ পাচ্ছি না। অনুভূমকে খোঁচাই। আমারই ভীমরতি। গত
এক বছরে মাত্র দুটো প্লট দিতে পেরেছে। অন্তত পুজো
সংখ্যাগুলির জন্য কিছু মশলা তো চাই।

আঁখি : তোমার ভাগ্নেও এখন আর আগের মতো নেই।
রাজনৈতিক জাঁহাবাজদের অসামাজিক দাপট থামাতে না পারায়
নিজেকে কেমন গুটিয়ে নিচ্ছে। প্রসঙ্গ তুলতে গেলে হঠাৎ বাক্য
হারিয়ে বসে।

মামা : আরে না। এ সবই হলো নিজেকে একটু বিরাম
দেওয়া। যথাকালে বাঘাচোখে তাকাবে। পরিপক্ষ মাথায় সৃষ্টি
হবে দিব্যদর্শন। অপরাধীদের মুরোদ একসময় শেষ হবেই। দে,
একবার ভাগ্নের সঙ্গে কথা বলি।

এরপর মামা-ভাগ্নের দড়ি টানাটানি। সত্যিই বুক ফুলিয়ে
বলবার মতো জটিল কেস অনুভূমের হাতে একটাও নেই। শুধু
যশগুণ্ডাদের কুকীর্তি নিয়ে বড়সড় অথবা মাঝারি মাপের
রহস্যকাহিনি তো দাঁড় করানো যায় না। আর মামা যে জাতের
লেখক, মিথ্যা ও কল্পনার পিছু ধাওয়া করবেনই না মরে
গেলেও। মামা বললেন, ‘করবিটা কী এইরকম একটা দিনে?
ল্যাপটপ?’

‘অগত্যা।’

‘না, তোরা দুজনে চলে আয় আমার কাছে। থাকবি যতদিন তোদের মামি ফিরে না আসছে। তোর সঙ্গ আমার দরকার রে। পুরনো কেসের গল্লাই শুনব। সুপারি কিলার, আড়কাঠি, তোলাবাজ এদের নিয়ে উচ্চাপের রহস্যকাহিনি লেখা সম্ভব না হলেও বর্তমান ছবিটাকে তো তুলে ধরা যাবে। তাই বা কম কী? অতএব, তুই আজ আঁখি মাকে নিয়ে আমার এখানে আসছিস। অবশ্যই আসছিস। আমি সুবলকে দিয়ে গাড়ি পাঠাচ্ছি।’

মামা সুইচ অফ করলেন। শেষদিকে তাঁর স্বর শ্লেষ্মায় জড়িয়ে যাচ্ছিল। মামা তাঁর গাড়িটাকে পাঠাচ্ছেন ড্রাইভার সমেত। এরপর না গেলে হেনস্থার সভাবনা ঘোল আনা।



লেখক মামা আঠারো বছর আগে এই বড়সড় ফ্ল্যাটটি কেনেন। এর পিছনে বিলক্ষণ কিছু যুক্তি আছে। প্রথমত, নারায়ণপুর বৃহত্তর কলকাতার অস্তর্গত এবং এয়ারপোর্ট প্রায় ঢিলছোঁড়া দূরত্বে। দ্বিতীয়ত, এখানে সবুজ একেবারে ধূসর হয়ে যায়নি এবং রাত ঘনালে এলাকাটা মোটামুটি মটকা মেরে থকে অর্থাৎ দৃশ্যের পরিমাণ মাত্রাছাড়া হয়নি। তবে বৰ্ধনার অভিমানও রয়েছে। নাকের ডগায় নিউটাউনকে নিয়ে সরকারের যত আদিখ্যোতা, তার পাঁচ শতাংশও নারায়ণপুরের জন্য নয়। একগঙ্গা মসজিদ, মন্দিরের সংখ্যা মাত্র এক। জনসংখ্যা বাড়ছে মারাঞ্চক হারে। হিন্দুদের তুলনায় মুসলমানদের সংখ্যা অনেকটাই বেশি। দেড়বুগ আগে চাকরি থেকে অবসর নিয়েই মামা যেভাবে দুর্করে ফ্ল্যাটটা কিনে নেন, তাতে স্বজন-পরিচিতি সকলেরই অকুণ্ঠন ঘটে— ঝাঁঝিতুল্য মানুষটা আর একটা ভুল করে বসলেন। অতঃপর পাপীতাপীদের নিয়েই ঘুরপাক খাবে তাঁর যতেক ভাবনা। কিন্তু পছন্দটা তো মামার একার নয়। মামি ও তো সাড় কাত করেন। তিনি কোনো হিরেজহরতের খোঁজ পেলেন? তবে এই ফ্ল্যাট কলকাতার অন্য সব ফ্ল্যাটকে টেক্কা দিতে পারে মজবুতিতে ও উচ্চতায়। জম্পেশ করে বুড়ো-বুড়ি এখানেই তাঁদের জীবনের শেষ পর্বটা শেষ করতে পারবেন। আঝীয়ারা কালেভদ্রে ঢড়াও হলেও ক্ষতি নেই। দারণ বাজার। কাজের লোক নিয়েও ক্রাইসিস নেই। গৃহপ্রবেশের দিনে বহুবছর বাদে মামি মামাকে রবীন্দ্রসঙ্গীত শুনিয়েছিলেন। কন্যা ও জামাতাও খুশি। মামা যথেষ্ট মান্যতা পাচ্ছেন স্থানীয় চক্ষুস্মান শিক্ষিত লোকদের কাছ থেকে। এঁদের মধ্যে কয়েকজন তো যেন হরিহরাভা।

স্থানটির আরও কিছু ব্যাপার লক্ষণীয়। মশক ও সারমেয়রাই যেন পুরসভার আদত পোষ্য। প্রায় প্রতিটি লোকের গায়ে রাজনীতির মোহর। হাওয়া বুরো জার্সি বদলে ওস্তাদ। হয়তো সেই কারণেই বিগত জমানার কৌটাবাজি ও সিন্ডিকেটীয় জুলুমবাজি বর্তমানে আরও উদ্বৃত্ত ও উর্ধ্বর্গামী। গোষ্ঠীবন্দু চকমপ্রদ। দলত্যাগ এবং মলত্যাগ এদের কাছে সমান। যানবাহনের মধ্যে প্রাধান্য পায় অটো ও টোটো। এদের পারস্পরিক হানাহানি নিয়কার ঘটনা। এই সব নিয়েই স্থানীয় নেতাদের যা কিছু কোষ্ঠকাঠিন্য, শিরংগীড়া ইত্যাদি উপসর্গ ও তাদের অপশম। এহেন পরিবেশের সঙ্গে লেখক মামা দিব্য মানিয়ে নিয়েছেন। পারতপক্ষে কোনো নেতা-নেত্রীর বচন শুনতে যান না। এমনকী তথাকথিত সাংস্কৃতিক অনুষ্ঠানের মধ্যে স্থান পেয়েও এমন ভাব দেখান যেন কানে তুলো ও চোখে চালসে। অর্থ স্থানীয় প্রতিটি লোকের সঙ্গে গলায় গলায় খাতির কোনো মতলব ছাড়াই।

এহেন মাতুলের নিবাসে অস্তত হপ্তাখানেক কাটিয়ে আসার মওকা। আঁখি কেবল রাজি নয়, অনুত্তম অনিচ্ছা প্রকাশ করলে এমন মন্তব্য করবে যে সি আই ডি সাহেবের কান্টান গরম হয়ে উঠতে পারে।

মামার ড্রাইভার সুবলও চলে এসেছে লাল মারঞ্চি নিয়ে। তবে গোরাবাজারে গাড়ি পার্ক করতে গেলে অনেক বানু চালকও যেন কাঁচিকলে পড়ে যায়।

পার্কিং প্লেস খুঁজতে সুবলকে চলে যেতে হয় রেলের লেভেল ক্রশিং অবধি। রেলের লোক গেটটাকে সাপটে ধরে ছিলেন। তাঁর সঙ্গে দুটো মিষ্টি কথা বলে, আহাদের সঙ্গে বিড়ি বিনিময় করে নিশিস্তে অনুত্তমদের দোরগোড়ায় এসে গেল সুবল।

দশ মিনিটের মধ্যে আঁখি ও অনুত্তম সুবলের গাড়িতে উঠে বসে। ফার্লং কয়েক যাবার মধ্যেই মমতাময়ী মুখ্যমন্ত্রী দু-দুখানা অতিকায় কাটাউট। ফুটবল খেলার মাঠ থেকে আরভ করে শুশানাঘাট অবধি আঘাপচারের এমন বাহারের হাত থেকে উদ্ধার মেলা দুঃখ। তামিলনাড়ুতে গিয়েও অনুত্তম জয়ললিতার এবং লক্ষ্মী গিয়ে মায়াবতীর এহেন চিত্রময় রংগড় প্রত্যক্ষ করে এসেছে। সে সরকারি আমলা। তাই এসমস্ত প্রভাব খুব কম সময়ে মন থেকে মুছে ফেলতে সমর্থ।

তবে খুব খারাপ লাগে রাজনৈতিক ও বাণিজ্যিক পোস্টরগুলিতে ভুল বানানের ছড়াছড়ি দেখে। শোধনের প্রয়াসও নাস্তি।

এয়ারপোর্টের একনম্বর গেটকে ছুঁয়ে সুবল গাড়িকে নিয়ে এল কইখালির মোড়ে। সেখানে বিকট যানজট। এখানেও হেতু



ପ୍ରାଦୂଳ ଉତ୍ସବ ପ୍ରୟୋଗ

ସେଇ ରାଜନୀତି । ଭୋଟ ଆଗତ । ତାଇ କାଳ ବ୍ରିଗେଡେ ହବେ ଶାସକ ଦଲେର ମହାସମ୍ବାଦେଶ । ସେଇ ଉଦ୍ଦେଶ୍ୟ ଜୋର ପ୍ରଚାର । ପଥେ ବେପଥେ ଗୁଛ ଗୁଛ ପ୍ରଚାରମଞ୍ଚ । ପତାକା ଓ ଫ୍ଲ୍ୟାକାର୍ଡ୍ ଛୟଲାପ । ଯେଣ ଏକ ଧରନେର ବର୍ଣ୍ଣବିଭାବୀ ।

ସୁବଲ କଳକାତାର ରାସ୍ତାଯ ଏକଜନ ଦୁଁଦେ ଗାଡ଼ିଚାଲକ । ଜଟଲା କାଟିଯେ ନାରାଯଣପୁର ଢୋକାର ପଥେ ଗଡ଼ିଯେ ନିଯେ ଯେତେ ପାରଲ ଚାରଚାକାକେ । କିନ୍ତୁ ଅଟୋ, ରିକ୍ଷା, ଭ୍ୟାନଗାଡ଼ି, ସାଇକେଳ, ପୁଲକାର ଏବଂ ଥେକେ ଥେକେ ଯାତ୍ରାବୋବାଇ ବେସରକାର ବାସ— ଏରା ସକଳେଇ ଏକେ ଅପରେର ଭୟେ ତଟସ୍ଥ । ଡ୍ରାଇଭାରରା କଟମଟ କରେ ଏକଜନ ଆର ଏକଜନେର ଦିକେ ତାକାୟ, ଦୁ-ଚାର କଲି କାଁଚ ଖିଣ୍ଡି ଉଡ଼େ ଏସେ ଯେଣ ପାରମ୍ପରିକ ବଶୀକରଣେର କାଜ କରେ ।

ପଥେର ଏକଥାରେ ଏୟାରପୋର୍ଟ ଅଥରିଟିର ଦେଓୟାଳ ଦୈର୍ଘ୍ୟ କରିବେ କମ ଦୁଁ କିଲୋମିଟିର । ବାମ ଜମାନାୟ ଏହି ପଥଟା ଛିଲ ସହିତ ଦୀର୍ଘ, କୋଥାଓ କୋଥାଓ ଯେଣ ଧାପାର ଆବର୍ଜନା, ଦୁର୍ଗର୍ଭ । ଏଥନ ସେଇ ଦୁର୍ଦ୍ଶା ପ୍ରାୟ କାଟିଯେ ଓଠା ଗେଛେ । କିନ୍ତୁ ନାରାଯଣପୁରେ ବଟତଳାୟ ଏତ ମାନୁଷେର ଭିଡ଼ ଯେଣ ଏକଜନ ଆର ଏକଜନେର ମାଥା ଖାୟ ।
ବୟକ୍ତଦେଇ ଖାତିର କରେ ନା । ତାର ଓପର ହେଲମେଟହିନ ଛୋକରାରା ଯେଭାବେ ବାଇକ ଛୋଟାୟ, ତାତେ ଘାପଟି ମେରେ ଥାକା ବିପଦ ଯେ କୋନୋ ମୁହୂର୍ତ୍ତେ ଲାଫ ଦିତେ ପାରେ । ଟ୍ରାଫିକ ନିୟମ ମାନବାର ବାଲାଇ ନେଇ ବଲାଲେଇ ଚଲେ । କୋନୋରକମେ ବିରାମ ନିତେ ନିତେ ଅକୁଞ୍ଚଳ ହାଟୁମିଶ୍ରେର ଅଭ୍ୟନ୍ତରେ ଉଦୟ ହଲୋ ସୁବଲେର ଚାରଚାକା ।
କମପ୍ଲେକ୍ସେର ଭେତରଟାତେଓ ଅନେକ ଦୁର୍ଦ୍ଶା । ବିନ୍ଦର ଖୋଁଚାଖୁଚିର

ପରା ଜଳ ନିଷ୍କାଶନେ ତାକଥ୍ୟ ପରିସ୍ଥିତି । ମଶା-ମାଛିର ତାବାଧ ବଂଶ ବିସ୍ତାର ।

ସୋପାର୍ଦ କରା ଅଭିଯୁକ୍ତେର ଭଙ୍ଗିମା ନିଯେ ଗାଡ଼ି ଥେକେ ପ୍ରଥମେ ନାମେ ଅନୁତମ । ତାରପର ଆଁଥି । ମାମା ଦାଁଡିଯେଇ ଛିଲେନ । ବଲାଲେନ, ‘ଆସତେ ନିଶ୍ଚଯ ବେଶ ବାମେଲା ହେଁବେଳେ । ଟିଭିତେ ଦେଖଲାମ, କଳକାତାର ଏଥାନେ-ଓଥାନେ ଗାଛ ପଡ଼ାୟ ଚଲାଚଲେ ଖୁବ ବାମେଲା ହେଁବେଳେ ।’

ସୁବଲ ଜାନାୟ, ‘ଏ ଏଲାକାଯ ତେମନ କିଛୁ ଘଟେନି । ତାଛାଡ଼ା ବୃଷ୍ଟିଗୁଡ଼ିରେ ଧୀରେ ଧୀରେ ଆସିଛେ ।’

ମାମା ବଲାଲେନ, ‘ତାତ ଭରସା କରାଟା ଅବିଶ୍ୟକାରିତା । ସାରା ଦୁନିଆୟ ଆବହାଓଯା ବଦଲାଇଛେ । ଦାୟୀ ଆମରାଇ । ପ୍ରକୃତି କଥନ ଯେ କୋଥାଯ ମୋକ୍ଷ ଘା ମାରବେ, ମାନୁସ ଆର ନିର୍ଭୁଲ ଭାବେ ବଲାତେ ପାରିଛେ ନା ।’

ମାମା ଅନୁତମ ଓ ଆଁଥିକେ ନିଯେ ଏଗିଯେ ଚଲେଇବେ ଘରେର ଦିକେ ।



ଏହି ହାଟୁମିଶ୍ରେର ପରିସ୍ଥିତି କୋନୋକାଲେଇ ରାଜବିହୀନ ଛିଲ ନା । ଏଥନ ତୋ ନଯାଇ । ତଦୁପରି କିଛୁ ଆବାସିକେର ମାନସିକତା

জঘন্য। তারা হাউসিং সোসাইটির মেইনটেন্যান্স বাবদ একটি টাকাও জমা দেন না। অথচ জল ও বিদ্যুৎ উপভোগ করেন। স্থানীয় পুরসভায় নালিশ করেও বিচার মেলেনি। কারণ, সকল পুরাপিতা ও পুরমাতার বড় ভাবনা ভেট নিয়ে। ভোটের কথা ভাবতে ভাবতেই তাদের এক সময়ের নীতিসমূহ ডনবৈঠক করা শরীর বর্তমানে নিছকই পেটেরোগা, নড়বড়ে।

আঁখি এসেই হেঁশেলের দখল নিয়েছে। বড় বড় কাপে টইটস্বুর কফি বৃষ্টিবাদলের দিনে মেজাজকে তরতাজা করে। আলস্য, অভিমান, ভয়ডের সব উধাও। তিন জনেরই চোখে মুখে মেরঞ্জ্যাতির প্রকাশ।

আঁখি ও অনুত্তমকে নিয়ে আসতে গাড়ি পাঠাবার পরই বিবেচক মামা এক কাণ করেছেন। নারায়ণপুরের সবচেয়ে বিখ্যাত ও পেঁপাই রেস্টোরাঁ ‘হালুম-হালুম’ থেকে রেওয়াজি খাসির মাংস নিয়ে এসেছেন টিফিন কেরিয়ার ঠেসে। সেই বস্তুর সৌরভে বাতাস ম-ম।

মামা সচরাচর টিভির সুইচ অন করেন না। খবর মানে কি কেবল বিজ্ঞাপনে টাসা সরকারি কেন্দ্র, খুন-খারাপি ও ধর্ষণ? আজ কিন্তু টিভির পর্দা থেকে দৃষ্টি সরাবার ফুরসত নেই। ইসলামি জঙ্গদের মদতদাতা প্রতিবেশী দেশ পাকিস্তানকে ভারত সমেত তামাম দুনিয়া কী জবাবটা দিচ্ছে, তা দেখতে দেখতে শুনতে শুনতে আবেগে উন্নেজনায় কগালে ঘাম জমে। মামা ঝুমাল বের করে কয়েকবার ওই ঘাম মুছলেন। চিনে মাটির বাটিতে সাজিয়ে গরম ঘুগনি ও পরিবেশন করল আঁখি। টিভি দেখতে দেখতেই কেটে গেল ঘণ্টাখানেক। এরপর স্নানপর্ব। আঁখি দেখল, নীচের কামিনী বোপটার আড়াল থেকে একটা প্রজাপতি বেরিয়ে আসছে বৃষ্টি থেমে যাওয়ায়। ব্যালকনিতে দাঁড়িয়ে অনুত্তম অবাক হয়ে দেখল ও শুনল, মুনিশ গোছের একটা সাধারণ লোকও আকাশের দিকে দু-হাত তুলে স্লোগান দিচ্ছে, ‘ভারতমাতা কী জয়! গোটা দুনিয়াটাই যেন রাগে গরগর করছে।

যথারীতি খাবার টেবিলে পরিবেশনের দায়িত্বও আঁখিরই। বোলের ঢাকনা খুলতেই অপূর্ব রেওয়াজি দ্বাণ। স্বাদ নেবার পর সেই মুন্দুতা পরিপূর্ণ হলো।

‘দুর্দান্ত।’

— অনুত্তমের মন্তব্য।

মামা মাথা নাড়তে নাড়তে বললেন, ‘হালুম হালুম’-এর রেওয়াজি মাংসের স্বাদ যে একবার পেয়েছে, সে পারতপক্ষে অন্য কোনো হোটেল বা রেস্টোরাঁয় তুঁ মারতে যাবে না।’

আঁখি হাসে, ‘রেস্টোরাঁর নামটা কিন্তু ভারী অস্তুত। হালুম-হালুম।’

মামা বললেন, বিকেলের দিকে ওয়েদার যদি পারমিট করে আমি তোমাদের নিয়ে যাব ওই রেস্টোরাঁয়। ওরকম ঝকঝকে তকতকে রেস্টুরেন্ট ধারেকাছে দ্বিতীয়টি নেই। বৈচিত্র্য আছে, সুনাম আছে। বিক্রিবাটা দৈবগীয়। নারায়ণপুরের বাইরের লোকেরাও এসে ভিড় করে চেয়ার দখল করতে।’

আরও দু’গ্রাম শেষ করার পর মামা জানালেন, ‘হালুম হলুমের মালিক সত্যনারায়ণ সরকার চমৎকার খোলামেলা স্বভাবের লোক। আমার প্রায় বন্ধুস্থানীয়। তবে সময় সময় কেমন যেন থম মেরে যান। কী কারণে যে তার মনে কু গায়, বলতে পারবো না। একটা হতে পারে, ওর কোনেও ছেলে বায়ে নেই। আর সত্যনারায়ণের স্ত্রী কেবল শিক্ষিতা নয়, প্রায় ডানাকাটা পরি। ওদের বিয়ে নিয়ে নাকি বিস্তর জানাজানি কানাকানি হয়েছিল। দু’হাতে টাকা কামাচ্ছে। অথচ ভবিষ্যতের কেন্দ্রবিন্দুতে খুব অনিশ্চয়তা। আমি ওই দম্পত্তিকে নিয়ে কোনো এক সময় উপন্যাস নিশ্চয় লিখব।

দুর্যোগের দাপট ধীরে ধীরে কমে আসে। দামাল বাতাস কুমে নিরীহ গোবেচারি। সূর্য যখন পশ্চিম মুখে হাঁটা দিয়েছে, পড়তি বেলায় রোদুর তখন আগাগোড়া মোলায়েম।

মামার গলায় খুশির আমেজ, ‘তোমরা দুটিতে রেডি হয়ে যাও। আমি সত্যনারায়ণকে ফোন করে দিয়েছি। আজকের সন্ধ্যায় ‘হালুম-হলুম’-এর প্রধান খন্দের হবো আমরা তিনজন। অনুত্তমের নামডাক যে হয়েছে আজ পরিচয়টা হবে।’

নারায়ণপুরে সকাল থেকে রাত অবধি কোলাহল। কোলাহলের অন্যতম উৎস রাজ্য রাজনীতি ও তজ্জনিত রকমারি সংবাদ ও রটন। এই এলাকায় বরাবরই দলত্যাগের খুব হিড়িক। যখন যে দল ক্ষমতায় আসবে, তখন সেই দলের দিকে বেশিরভাগ ভাগ্যালৈবী লম্ফ প্রদান করবেই। ফলে গোষ্ঠীদন্ত ঠেকানো শিবের অসাধ্য। কাল আবার আগুয়ান ভোট নিয়ে মুখ্যমন্ত্রীর মহাসভা কলকাতার হস্তপিণ্ডে। এখান থেকে কোন গোষ্ঠী কত বেশি সংখ্যক অনুগামীদের নিয়ে ময়দানে হাজিরা দিতে পারবে, তা নিয়েও চলছে সেরা প্রতিযোগিতা। বেশ কয়েকটা পার্টি অফিস। ব্যস্ততার মধ্যেও সেখানে নিখরভাবে দাঁড়িয়ে থাকা ছেলে ও মেয়েদের মনে হচ্ছে যেন শোরুমের পুতুল। অধিকাংশ বাইক চালক ও আরেহীদের মাথায় হেলমেট নেই। গতির মন্তব্য গাঢ়ভাবে বুঁদ। মারতে অথবা মরতে যেন বন্ধপরিকর। বেশিরভাগ দোকান খোলা হয় বেশ বেলায়। আর বাঁপ ফেলা রাত এগারোটার পর। বিস্তর হাই রাইজিং ফ্ল্যাট যেমন উঠচে, তেমনই অনেক আবাসনেরই পলেস্টরা খসা দশা পীড়াদায়ক। আঁখি ও অনুত্তম বুবাতে পারে, রাজনীতি নিরপেক্ষ লোক হয়েও তাদের লেখকমামা বেশ

লোকপ্রিয়। বারবার মাথা হেলিয়ে মুচকি হাসির আদান-প্রদান। অর্থাৎ দুঃসময়েও মামা বিপন্ন হননি। হবেনও না। এলাকায় বৃহৎ নৃশংসতা বর্বরতার নজির নেই বললেই চলে। হাঁটতে হাঁটতে বটতলা। মামা দাঁড়িয়ে পড়েন, আঙুল তুলে দেখালেন ‘হালুম-হলুম’কে। সত্যিই যথেষ্ট বড় ও জমজমাট রেস্টুরেন্ট। সবকঠা চেয়ারে বসে আছেন খদ্দেররা। শার্ট-ট্রাউজারে ফিটফাট তরঞ্জরা যেমন আছেন, কাপড়চোপড় সামলে অতি বয়স্করাও বেমানান নন। মহিলাদের মধ্যে কালো বোরখায় সর্বাঙ্গ ঢেকে কম-বেশি জড়সড়। ওরা যে এখানে ঢুকতে পেরেছেন এটাই বুঝি সাবাসি জানাবার মতো সাহসী সিদ্ধান্ত। কর্মচারীরা সকলেই বিশেষ উর্দ্ধিধারী। ছোটাছুটি, দেখভাল, জিজ্ঞাসাবাদ— ব্যস্ততার বিরাম নেই। ‘হালুম-হলুমের’ একমেবাদ্বিতীয়ম স্বত্ত্বাধিকারী বাবু সত্যনারায়ণ সরকার ওই যে একটি বড়সড় চেয়ারে দেহ স্থাপন করে সমানতালে নির্দেশ দিচ্ছেন, টাকা গুনে ড্রায়ারে রাখছেন, কম্পিউটারে বোতাম টিপছেন। তাঁর ধরনধারন মুহূর্তে মুহূর্তে বদলায়। কখনো সাদাসাপটা হকুম, কখনো ভাষায় অলংকার বসিয়ে কোনো ছাঁ-গোষা খন্দেরকেই হাত ধরে টেনে অবলীলায় পাশে বসানো এবং একজন সর্বজ্ঞ ব্যক্তির ন্যায় কিছু উপদেশামৃত বর্ষণ। কখনো কাতর হয়ে মিনারেল ওয়াটার গলায় ঢালে, কখনো কারোর দিকে উপেক্ষার দৃষ্টিও হানেন। সব মিলিয়ে হালুম-হলুম-এর পরিস্থিতি পরিবেশকে তিনি স্বয়ং চুঁচিয়ে উপভোগ করছেন।

মামা যখন অনুত্তম ও আঁখিকে নিয়ে তাঁর সামনে দাঁড়ালেন, সত্যেনবাবু তখন পরপর তিনবার কম্পিউটারে বোতাম টিপলেন। তারপর মুখ তুলে মামাকে দেখেই যেন নাড়িরটান অনুভব করেন। স্টান উঠে দাঁড়িয়ে জড়িয়ে ধরেন বান্ধবকে।

অনুত্তম ততক্ষণে জরিপ করে ফেলেছে এখানকার পরিবেশ এবং সত্যেন সরকারকে। ভদ্রলোকের বয়স বাহান হতে পারে। আবার ছাপাইও হতে পারে। পানপাতার মতো মুখ। সেখানে বলিরেখার সংখ্যা কম নয়। বিস্তবান হলেও শরীরে চর্বির একান্ত অভাব। হাড়প্রধান শরীরে দৈর্ঘ্য সাড়ে পাঁচ ফিটের চেয়ে ইঁথিখানেক বেশিই হবে। রং ফরসা, একমাথা চুলে কালোর রঙের বাহার। বাণিজ্যের সঙ্গীবনী মুহূর্তেও একজন প্রবীণ কর্মচারীকে নিজের আসনে বসিয়ে তিনি অতিথিকে নিয়ে বাড়ির ভেতরের একটি সুসজ্জিত ঘরে ঢুকে পড়লেন সরকারবাবুর সেখানে তিনটে সোফা। অনুত্তম যেন ইচ্ছে করেই সরকারবাবুর পাশে বসে পড়ে। তাদের মুখোমুখি আঁখি ও মামা। পরিচয়পর্ব শেষ হয় চটপট। ‘আপনাকে নিয়ে উনি যে কয়টি বই লিখেছেন, সব আমি পড়েছি। উন্মুখ হয়ে ছিলাম পরিচিত হতে। এখন কথা

বলে মনে হচ্ছে আপনি ও আঁখি দেবী আমার কাছে মোটেই অচেনা নন।’

অস্তরঙ্গ আলোচনা। ব্যক্তিগত অবস্থান নিয়েই জাবরকাটা। কিছুটা আবেগ— যেখানে ফ্যানটাসিরও উঁকিবুঁকি। সত্যনারায়ণ সরকার আজ এই এলাকায় অন্যতম ধনী ব্যক্তি। রাধাগোবিন্দের মন্দির নির্মাণে মোটা অক্ষের টাকা ডোনেট করেছেন। কিন্তু জীবনটা তাঁর সংগ্রামী। নাগরদোলার মতো উঠেছে-নেমেছে। বিস্তর রোদ-বৃষ্টি ঠেঙিয়ে আজ তিনি এখানে এসে পৌঁছেছেন।

সরকারবাবু বলছেন, ‘এখানে যত বাড়ি দেখছেন, তাদের প্রতিটি বড় অনুষ্ঠানে খাবার পাঠাবার বরাত আমি পাই। বরাত আসে রাজারহাট, কইখালি ও নিউটাউন থেকেও। দোকানের পিছনে রয়েছে যে বড় বুলগাছটা, ওকে আমি সমীহ করি। এক একসময় মনে হয় ও যতদিন আছে, আমিও ততদিন আছি।... চেহারা দেখে বুবাতে পারবেন না। আসলে বয়স আমার বাষটি পেরিয়েছে।’

কফি এলো। এগ রোল এলো। প্রকৃত সুস্বাদু। কথা অসমাপ্ত রেখে বাথরুম ঘুরে এলেন সরকার। টকাস করে রোলে কামড় দিয়ে আঁখি বলে ওঠে, ‘বাঃ! দারুণ তো খেতে।’

এই সময়ই একজন কর্মচারী এসে খবর দেয়, ‘থানা থেকে লোক এসেছে। খাবারের প্যাকটটা চাইছে।’

সরকারবাবু গন্তীর মুখে বললেন, ‘দিয়ে দাও।’

কর্মচারী তৎক্ষণাত একরকম ছুটে পালায়।

‘এই হয়েছে মুশকিল।’ সরকারবাবু নীচু গলায় বললেন, ‘পুলিশের কোনো বড় কর্তা থানায় এলে অথবা পথচলতি কোনো মন্ত্রী পার্টি অফিসে ঢুকে পড়লে ফোন আসবেই। অমুক খানা পাঠান। সব ফেলে রেখে ওই খানাই রেডি করতে হবে। দাম যে কী হবে, কবে পাবো স্থিরতা নেই। বেশি কিছু বলতে পারি না। আমার বউ তো আবার রাজনীতি করে।’

‘তাই নাকি! আঁখি চোখ কপালে তোলে, ‘ওনার সঙ্গে যে এখনও পরিচয় হলো না।’

‘একটু অপেক্ষা করুন। কী এক গোপন মিটিংয়ে গিয়েছে। এখুনি ফিরবে।’



বেশিক্ষণ অপেক্ষা করতে হলো না।

মিনিট দশেকের মধ্যে কর্তৃ এসে গেলেন। বয়স্ক ব্যবসায়ী সত্যনারায়ণ সরকারের স্ত্রী কেমন হতে পারেন, তা নিয়ে আঁখির

হয়তো একটা কল্পনা ছিল। সেই কল্পনা সম্ভবত বাস্তবের সঙ্গে মিলল না।

আরে, ইনি যে এক অতি আধুনিকা তরুণী। রূপের বিচারেও প্রথম সারিতেই বসবেন। ঘিঞ্জি নারায়ণপুরে তাঁর অবস্থান নির্ধাত অসচরাচর। পরনে জিনিসের প্যান্ট ও টাইট গেঞ্জি, চুলে কদম্বাঁট। চোখে মিহি চশমা। গায়ের রং এমন রক্তাভ ধ্বল যে অ্যাংলোকে হার মানায়।

‘নমস্কার, আপনাদের সকলকে নমস্কার।’

— ঝজু তনু ঈষৎ বক্র হয়। ‘স্বর অতীব মোলায়েম।

সরকারবাবু একটু হাসলেও তাতে খুশির ঝালক কম। বললেন, ‘আমার স্ত্রী জিনিয়া সরকার। বয়সে আমার চেয়ে অনেক ছোট হলেও গুণে বড়। রাজনীতিতে নেমেই যেভাবে নাম কিনেছেন, সামনের পুরতোটে কাউপিলর হবেই। তাতে অবশ্য আমার ব্যবসায়িক সুবিধা কিছু হবে। একটি দুঃখ আমাদের। কোনো উত্তরাধিকারী নেই।’

জিনিয়া সরকার আঁখির দিকে তাকিয়ে বললেন, ‘আমি ছিলাম না। সত্যি—’

অনুস্মত তাকে শেষ করতে দেয় না, দলের কাজ আগে। তাছাড়া সরকারবাবু যেভাবে আপ্যায়ন করলেন, অতুলনীয়।’

জিনিয়া মিষ্টি হেসে বসে পড়েন। বলেন, ‘আপনার নাম কাগজে পড়েছি। আপনার মামাবাবুর উপন্যাসেও আপনিই নায়ক। অনেকদিনের ইচ্ছে, আপনার সঙ্গে পরিচিত হবো। এতদিনে সেই ইচ্ছে পূর্ণ হলো।’

আর এক রাউন্ড কফি এলো। এবার সঙ্গে চিকেন পকোড়া। এটাও স্বাদে অসাধারণ।

জিনিয়া সরকার ঘুরিয়ে ঘুরিয়ে দোতলা বাড়ির প্রায় সবটাই দেখালেন আগস্টকদের। তারপর সবিনয়ে বললেন, ‘আবার আমাকে ঘণ্টাখানেকের জন্য বের হতে হচ্ছে। বুঝতেই পারছেন, সামনেই সাধারণ নির্বাচন। কাল ময়দানে বিরাট মিটিং। আমার একটা ভূমিকা রয়েছে। নারায়ণপুর থেকে যতজন সন্তুষ্ম মহিলাকে নিয়ে যাবো সভায়। পুরুষদের সংগঠিত করার দায়িত্ব তরুণ নেতা ফরিদ আহমেদের।

জিনিয়ার এই ঘোষণায় সরকারবাবুর মুখবিকৃতি লক্ষণীয়। চাহনিতে ফুটে ওঠে বিরক্তি, ‘একসময় তুমি থাকতে বইখাতা নিয়ে। এখন এই পার্টিবাজি তোমাকে শুয়ে থাবে।’

জিনিয়া ঠোঁট ভাঙ্গেন, ‘থাক না। সেটা একেবারেই আমার ব্যাপার। আমার যাতে আনন্দ, সেখানেই আছে আদর্শ।’

সরকারবাবু চিবিয়ে চিবিয়ে বলেন, ‘দুনিয়াটা আমি তোমার চেয়ে বেশি দেখেছি, জিনিয়া।’

‘কাস্টমারদের পকেট হাঙ্কা করাটাই তোমার জীবনের ব্রত।

আমি তো এ নিয়ে মাথা ঘামাই না। আমাকে যেতেই হচ্ছে।’

জিনিয়া সরকার বেরিয়ে গেলেন। জানালা দিয়ে বাইরের প্রকৃতিকে কিছুটা দেখা যায়। রাতের আকাশে ঘুরছে সাদা মেঘের ভেলা। সত্যনারায়ণবাবুর তখনও তাঁর জমজমাট রেস্তোরাঁ নিয়ে দ্রুক্ষেপ নেই। তিনি আবার একরকম জোর করেই বসালেন অতিথিদের। গৃহস্থামী প্রায় একতরফাই বলে চলেছেন। জোরালোভাবে খুলে দেখাচ্ছেন তাঁর সংগ্রামী জীবনের কঠামোকে। বর্ণনায় যে খুব চৌখস, তা নয়। তবে একেবারে অকপট স্মৃতিচর্চা। চক্ষুদান পর্ব থেকে শুরু করে একেবারে শেষ অবধি। ঘটনার ঠেলাঠেলি। বোঝা যায়, ভেতরটা তার কী কারণে যেন ফুঁসছে। একমাত্র সাহিত্যিক মামাই গভীর আগ্রহে শুনছেন তার প্রতিটি কথাকে।

‘...এই তো দেখলেন আমার সংসারের পরিধি। একটা সন্তান যদি থাকতো। আমি দন্তক নেব না। দু'জনের সংসারে কত রকমের যে ফ্যাসি জিনিস। জিনিয়া যে মাসে কত টাকা ওড়ায়!... সংসার সামলায় একটা কাজের মাসি। রান্না থেকে আরস্ত করে সব। এ বাড়িতেই থাকে। জিনিয়ার ন্যাওটা। ওর পিছনেই যে মাসে কত টাকা ঢালে আমার মিসেস।’

আঁখি হঠাৎ মন্তব্য করে, ‘জিনিয়াদেবী ভাগ্যবতী। কুবেরের ঘরনি। উনি আপনার জীবনে এলেন কীভাবে, আপত্তি না থাকলে যদি...।’

মামা তখনই বলেন, ‘আমি সব জানি। সব। আমার লেখার পাত্রপাত্রী।’

সরকারবাবু মুহূর্তের জন্য চোখ বন্ধ করেন। পুনরায় ফিরে যান স্মৃতির সরণিতে। সত্যনারায়ণ এবং জিনিয়া দুজনেরই জন্ম পুরুলিয়ায়। পাশাপাশি দুটি গরিব পরিবার। কিন্তু বয়সের ব্যবধান, তা ধরুন প্রায় আঠারো বছর। সত্যনারায়ণ যখন পাড়ার ক্লাবে দাপিয়ে ফুটবল খেলছে, শিশু জিনিয়া তখন লাল পলাশের ওপর দিয়ে ছোটাছুটি করছে। সরকার ওকে কতবার কোলে তুলে নিয়ে বাড়িতে ঢুকেছে। ওই ছোট বয়সি জিনিয়া তখন থেকেই যেন রূপসচেতন। আর আছে ঈষাকাতরতা। উপহার লাভের প্রবণতা। সরকারের বাবা স্থানীয় এক দর্জির কাছে কাজ করতেন। অন্নজোটানো কঠিন। অথচ দুই মেরেও এক ছেলে। ছেলে সকলের ছোট। এক দিদিকে পটিয়ে সেই যে কে একজন মরুভূমির দেশে উড়ান দিয়েছিল, তার হৃদিশ বের করার সাধ্য বাপের হয়নি। আর এক দিদি থাকেন দক্ষিণের ভেলোরে। খ্রিস্টান হয়ে যাবার দোলতে সি এম সিতে আয়ার কাজ করেন। স্বামী সাউথ ইন্ডিয়ান সিল্কে জরির কাজ করেন। বহু বছর ধরে ফ্যামিলি গেটেটুগেদার অনুষ্ঠিত হয়নি। সনাতন মাধ্যমিক পাশ করতে পেরেছে। মিশনকে স্বত্বাব। প্রচুর কথা।



স্বত্ত্বাং পুজা সংখ্যা ১৩

একনাগাড়ে বলে যেতে সক্ষম। কলেজে ঢোকার চেষ্টা চলছিল, আর তখনই মর্মান্তিক বিপর্যয়। স্থানীয় এক বহুতল বাড়িতে দামি পর্দা লাগাতে গিয়েছিলেন সত্যনারায়ণের বাবা। নেমে আসার সময় পা ফস্কে পড়ে যান অনেক নীচে। আর তাতেই মৃত্যু।

‘আমার অবস্থা তখন বুঝতে পারছেন? কোনো কাজই তো জানি না। পোস্ট অফিসে বাবার কিছু টাকা ছিল। তার একটা অংশ ভাঙ্গিয়ে পথের ধারে বসে শুরু করলাম চপ-বেগুনির ব্যবসা। মাও সাহায্য করেন। বেশ চলছিল। মাকে নিয়ে বেড়াবার শখ মেটাতে গেলাম পুরীতে। গৌড়ীয় মঠে আশ্রয় নিয়েছিলাম। তিন দিনের বেশি থাকা হলো না। এক প্রভাবশালী পর্যটক এসে স্থানচুয়েত করলেন আমাদের। ফিরে এলাম। এসে দেখলাম, আমাদের তেলেভাজার সরকারি জায়গাটা অন্যের কবজ্যায় চলে গেছে। দুটো মেয়ে ও একটা ছেলে ওখানেই শুরু করে দিয়েছে সেই তেলেভাজারই শিল্প। আমার সাধ্য নেই ওদের সরিয়ে দিতে। কারণ ওই ছোকরা লাল পার্টির ক্যাডার। আর মেয়েদুটি ওর গুণমুক্ষ। যদি কিছু করতে যাই, ভিটেছাড়া হতে হবে।’

সত্যনারায়ণ সরকার আবার চোখ বন্ধ করলেন। অতীতকে

টেনে আনছেন। চোখ খুললেন। শুরু হলো পুনরায় স্মৃতিচারণ, ‘স্যার জানেন, আজ আজ দু-দুটো গাড়ি। ইচ্ছে হলে আরও দুটো কিনে গ্যারেজে ঢোকাতে পারি। একদিন ভাগ্যের সন্ধানে কলকাতায় পাড়ি জমাবো বলে মাকে রাজি করিয়ে বসতবাড়িটাকে বেচে দিয়েছিলাম। মাকে নিয়ে চলে এলাম এই রাজধানীতে। আমার ইন্ট্রুইশন বলছিল, কলকাতায় যা ভাগ্য ফিরবে। কলকাতায় এসে ভাগ্য ও মেহনতকে পুঁজি করে অনেক পাঞ্চা কয়েছি। যেবার কলকাতায় এলাম, ডিসেম্বরের শেষ। পুরুলিয়ার তুলনায় শীতের কামড় কম। একজনের পরামর্শ মেনে চুকে গেলাম নারায়ণপুরে। বৃহত্তর কলকাতার অংশ। একদিকে এয়ারপোর্ট, অন্যদিকে রাজারহাট। তখনও নিউটাউনি গড়ে ওঠেনি। থিক থিক করছে লোক। বেশিরভাগই ধর্মে মুসলমান। ফলে জনসংখ্যা বৃদ্ধির হারে লাগাম নেই। কয়েকটা মসজিদ। আজানের রবে বাতাস কাঁপে। আমার পুঁজি তো ঘড়াখানেক মোহর নয়। যা টাকা ছিল, তাতেই জলের দরে দেড়কাঠা জমি। সেখানেই টালির বাড়ি। শুরু করেছিলাম দশকর্মা ভাণ্ডার দিয়ে। চলল না। হিন্দুদের সংখ্যা যে তখন কম। মুকুন্দ দে নামে বাম দলের এক নেতা ছিলেন। এখন তিনি

দলত্যাগ করে নীল দলে আছেন। তাঁরই গোঁফের তলায় মুচকি
হাসি দেখেছিলাম আমি। কাছে ডেকে ঘাড়ে হাত রেখে পরামর্শ
দিলেন, ‘এখানে দশকর্মার বাজার নেই। রেস্টোরাঁ কিংবা
গোলদারির ব্যবসা যদি ফেঁদে বসতে পারো, আঙুল ফুলে
কলাগাছ হলেও হতে পারে।’

সরকারবাবুর পুনরায় ক্ষাণ্ঠি দান। শ্রোতারা কেউই মুখ না
খোলায় তিনি আবার শুরু করলেন, ‘হয়ে গেলাম মুদি
দোকানদার। ওইসময়ই একদিন রাজারহাট থেকে ভ্যানে
চাপিয়ে মাল নিয়ে আসার পথে দেখতে গেলাম সেই
জিনিয়াকে। সদ্য যুবতীর রূপে। সত্যি আমি শিহরিত। খুব
সন্তুষ্ট ওর সঙ্গে একটা সম্পর্ক গড়ে তোলার চেষ্টা করি।
তবে জিনিয়াও খুব চালাক। বুবেশুনে তবেই গণ্ণি পার হবে।
ততদিনে বুবো গিয়েছি, নারায়ণপুরে কী ধরনের কারবারে
মুনাফার সঙ্গবন্ধ আধিক। এখানে বাতাসে যেমন সর্বক্ষণ
রাজনীতি, তেমনি জিভের চাহিদাও হেথায় বেশ রসালো।
অতএব, অচিরে মুদিদোকান রূপান্তরিত হলো
‘হালুম-হলুম’-এ। খুব কম দিনে নাম কিনল আমার রোস্টেঁরা।
এত টাকা উপার্জন হতে থাকে, যা ছিল আমার কল্পনাতীত।
বেদনা একটাই— মা আমার এই বাড়বাড়িত দেখে যেতে
পারেননি। মা চলে গেলেন। আর এসে গেল আর এক জন।
স্বয়ং জিনিয়াস জিনিয়া দেবী। আগে দেখা হলে ফিসফিসিয়ে
কথা বলত, এবার লিখে ফেলল একখানা তিনপাতার প্রেমপত্র।
কী করি বলুন তো? বয়সে অনেক ছোট, রূপে ডানাকাটা পরি,
তদুপরি সায়েল প্র্যাঙ্গুরেট। তবুও নিজেকে সামলাতে পারিন।
সাত পাকে বাঁধা পড়ে গেলাম।’

মামা সশঙ্কে হেসে ওঠেন, ‘আপনার বিয়েতে জনা কয়েক
মন্ত্রী ও বায়া আমলা এসেছিলেন। আমি সাক্ষী।’

আঁখি বলল, মিসেস সরকার সম্পর্কে কিছু বলুন। তারপর
আমরা আজকের মতো উঠব।’

‘জিনিয়া আমার বিবাহিতা স্ত্রী। আমি তার স্বামী। হিন্দু
পরিবারে এ সম্পর্ক চিরায়ত। আমার যা কিছু সবই তো ওর।
তবে বড় খরঢ়ে। আর আমি কোনোদিনই মুক্তকচ্ছ হতে রাজি
নেই। তার উপর আবার শাসক দলের নেতৃত্ব হবার স্বপ্ন দেখে।
আমি আবার ওইসব দলাদলিতে নেই। আদর্শ কোথায়?

নিজেরে মধ্যেই স্বার্থের গুঁতোগুঁতি, তোলাবাজি, সিভিকেট। কী
দরকার একজন গৃহবধূর এর মধ্যে ঢুকে নায়িকার রোল প্লে
করার চেষ্টা চালিয়ে যাওয়া? এই নিয়ে বচসা প্রথমে খানিক
হবার পর একটা রফায় এসে গেলাম। আমরা কেউ কারোর
ব্যাপারে নাক গলাবো না। আর জিনিয়া মাসে সাত হাজার
টাকার বেশি হাতখরচা পাবে না।’

আঁখি মুখ টিপে হাসে, ‘ওটাকে বাড়িয়ে দশ হাজার করুন।’

সরকারবাবুর জবাব, ‘আবেদন করুক। বিবেচনা করে
দেখব।’

অনুভূমের স্থির দৃষ্টি সত্যনারায়ণবাবুর মুখের ওপর।
সচরাচর একজন সফল ও বানু ব্যবসায়ীর মুখ থেকে এরকম
অকপট আত্মবিশ্লেষণ শোনা যায় না। এরকম মানুষের সংখ্যা
বর্মে আসছে।



‘হালুম-হলুম’-এর গদিতে ফিরে গিয়ে বসেছেন
সত্যনারায়ণ সরকার।

আর এরা প্রত্যক্ষ করছে, সন্ধ্যায় নারায়ণপুরের বটতলাকে
মানুষ ও যানবাহন কতটা জটিল করে তুলতে পারে। রিকশা,
অটো, টোটো, বাইক, ভ্যানগাড়ি, ট্যাক্সি, পাঁচ-সাত মিনিট অন্তর
অন্তর বাস এবং শত শত মানুষের ব্যস্ততা... প্রতিমুহূর্তে ছোট
বড় সংঘর্ষের আশঙ্কা। ভিড়ভাট্টা এড়াতে অভিজ্ঞ মামা অনুভূম
ও আঁখিকে একটি গলিপথ ধরলেন। গালির পরিবেশটা যে
সহনীয়, ভাবা ভুল। তবে ভিড়ের চাপ কম। ভেতর দিকে যত
পরিবার, প্রায় সবই সংখ্যালঘুদের। রিয়্যালিটি এই যে, ইত্যাকার
এলাকাগুলিতে সমাজবিরোধীদের সংখ্যা ও তৎপরতা ধীরে
ধীরে বৃদ্ধি পাচ্ছে। গালির এই মুখটা শেষ হতেই সন্ধান মিলল
একটি সবুজ ভুখণ্ডের। অদূরে একটা বাঁধানো পুকুরও রয়েছে।
বোঝা গেল, এই মাঠে খেলাধুলা হয়। তবে এই মুহূর্তে এখানে
কোনো বালক বা তরঢ়ণের দেখা মিলল না। পরিবর্তে নজর
কাটে এক দীঘদেহী এক বৃন্দ। মাথায় ফেজ টুপি, পরনে লুঙ্গি।
বড় বড় পা ফেলে বিড়বিড় করতে করতে কোনদিকে চলেছেন,
জনা নেই। মামা বললেন, ‘এই জায়গাটার একটা অলুক্ষণে
ব্যাপার হলো, কোথা থেকে যেন কিছু অজানা লোকের
আমদানি ঘটে। আবার তারা কোথায় যেন হারিয়েও যায়।
সত্যনারায়ণবাবুও এই কথাটা বলেছিলেন।’

আরও খানিকটা পথ পাড়ি দেবার পর মামা সামান্য সময়ের
জন্য দাঁড়িয়ে পড়লেন। আঙুল তুলে দেখালেন, পূব দিকে
একটা বড় একতলা বাড়িকে। বললেন, ‘ওই যে বাড়িটা, ওটাই
হলো ফরিদ আহমেদের বাড়ি। সিভিকেটের পাণ্ডা। আবার
পার্টিরও একরোখা পতাকাবাহী। সরকারবাবুর কাছে তো
শুনলে। কালকের পার্টির মিটিংয়ে পুরুষদের নিয়ে যাবে ফরিদ।
আর মেয়েদের নিয়ে যাবে জিনিয়া। ওপর থেকে সব ঠিক করে

দেওয়া হয়।

একবার ছাপ পড়ে গেলে নিষ্ঠার নেই। সকলের অলক্ষ্ম
এই দেশের গণতন্ত্র ধীরে ধীরে যেন কুঁকড়ে পড়ছে।'

মামা যখন এই কথাগুলি বলছেন, তখনই পুরের বাড়ি
থেকে বেরিয়ে এলেন জিনিয়া সরকার। তাঁর পাশে এক সুবেশ
বলিষ্ঠ তরঙ্গ। মামা ফিসফিসিয়ে বললেন, 'ফরিদ আহমেদ।
কার মনের পটে কী আঁকা থাকে সবটাই অনুমানের বিষয়। তবে
কিসের এত স্থ্য? আমি পুরনো মানুষ। মন বড় কু গায়।'

ওদের সামনাসামনি হতে হলো না। ওই দু'জনে ততক্ষণে
হাত ধরাধরি করে চলেছে ভিন্ন মুখে। প্রতিটি মুহূর্ত তাদের
কাছে হয়তো বিন্দস।

মাবো মাবো দমকা বাতাস। বাতাসে কানার আওয়াজ। কাকে
যেন কবরখানার দিকে নিয়ে যাওয়া হচ্ছে দাফনের উদ্দেশ্যে।
একটা পুলিশের গাড়ি ছুটে গেল। তারপর আরও একটা।

মামা বিড়বিড় করে কী যে বললেন, শোনা গেল না।
কী যেন এক নীল রশ্মি এসে নামছে তাঁর ওপর।



রাতে বিভিন্ন বিষয় নিয়ে তাদের আলোচনা।

সাহিত্য-সিনেমা থেকে শুরু করে পাকিস্তানের জঙ্গি মদত।
ভারতীয় বিমানহানায় কতজন জঙ্গি নিকেশ হলো, তা নিয়ে
বিভিন্ন রাজনৈতিক দলের কৃটকাচালির প্রসঙ্গ উঠতেই শাস্ত
মাতুল নিতাস্ত এক রাগী মানুষে পরিণত হলেন। তিনবার
জোরে টেবিলে কিল মারলেন ফুর্তিবাজ মানুষটাই। আলোচনার
ওখানেই ইতি। যে যার পায়ের ওপর ভর দিয়ে শয়নকক্ষের
দিকে অগ্রসর হয়।

বেশি রাতে শুয়েছিল তারা। ঘুম যখন ভাঙল, চরাচর তখন
রৌদ্র কবলিত। থেকে থেকে শোনা যাচ্ছে একটা কোকিলেরই
নাটুকে গলা।

আঁধি মুখ ধুয়েই ঢুকে পড়ে রাখা ঘরে। প্রতিটি বাসন
সেখানে ঝাকঝাকে। নোংরা কিছু দেখলেই মামিমা কাজের
মেয়েকে সাধারণত এমন ভাষায় ধমক দেন, যার কিছু অংশকে
অশ্রাব্য মনে হতে পারে। আঁধি অবশ্য মেয়েটির সঙ্গে কথা
বলল অস্তরঙ্গ সুরে। এমনকী ওকে এক কাপ চা করেও
খাওয়ান। অনুভূম জানে, আঁধি কোনোদিনই কেবলমাত্র
সাংসারিক কৃপমণ্ডুকতায় আবদ্ধা নয়। অত্যন্ত সামাজিক।
সমাজের নিম্নতলবাসীদের আর্তনাদ সহজেই শুনতে পায়।

চায়ের টেবিলে বসে অনুভূম মন্তব্য করে, 'মামিকে খুব মিস
করছি।'

মামা বললেন, 'এই বয়সেও ওর কেন যে তে ব্যস্ততা!'

দূর থেকে একটা ক্ষীণ আওয়াজ এই সময় কানে আসে।
নিশ্চয় পার্টির মিটিংগে লোক জোগাড়ের প্রয়াস ডালাগালা
মেলতে শুরু করেছে। মনে আসছে কাল সরকারবাবু কীভাবে
তার বিরক্তি প্রকাশ করেছিলেন। খুব একটা খুঁটিনাটি বর্ণনায় না
গেলেও অনুভূম ও আঁধির বুবাতে অসুবিধা হয়নি, জিনিয়া
সরকারের রাজনৈতিক কার্যকলাপ তাঁর কতটা অপছন্দের বিষয়।
কী যেন একটা কলুয়ের ছায়া দেখতে পাচ্ছিলেন ভদ্রলোক।

বাংলা-ইংরেজি মিলিয়ে মোট চারটি দৈনিক খবরের কাগজ
এই বাড়িতে ঢোকে। চারটি কাগজেরই শিরোবার্তা, 'মতুয়া
মহাসংস্কার সর্বজন শ্রদ্ধেয়া জননী বীণাপাণি দেবীর অমৃতলোক
যাত্রা।'

মামা তাঁর দু'হাত কপালে ঠেকিয়ে বললেন, 'মতুয়াদের
যাঁরা সত্যিকারের ক্ষতি করেছেন, তারাই এই দেশকে দ্বিখণ্ডিত
করেছিলেন। মা নিশ্চয় সেটা মনে রেখেছিলেন।

ঘড়ির কাঁটা ঘোরেচ এই মুহূর্তে সময় সকাল আটটা। মামার
মোবাইলও ডাক ছাড়ে। ফোনটা তুলতে মামা একটু দেরি
করলেন। অনুভূম খেয়াল করে, আগত বার্তা মামাকে প্রথমে
যেন স্তুপিত করে দেয়, তারপর তিনি কেঁপেও ওঠেন, '...
সত্যনারায়ণ সরকার খুন হয়েছেন। ... দোকানের মধ্যে!...
পিস্তলের গুলি! আমি আসছি, এখনি আসছি ভাগ্নেকে নিয়ে।'

'কী হয়েছে, মামা?'

— আঁধি ও অনুভূমের একই প্রশ্ন। মামা কিছুক্ষণ নিরস্তর।
যেন উন্মাদের শ্যেন দৃষ্টি নিবন্ধ বোবা ফোনটার ওপর। পরে
নিজেকে সামলে নিয়ে বললেন, 'কাল আমরা হালুম-হলুম-এর
মালিকের সঙ্গে কত গল্প করে এলাম। আর এইমাত্র তার
কর্মচারী সদানন্দ জানালে, দোকানের মধ্যেই আবিস্কৃত হয়েছে
সরকারবাবুর গুলিবিন্দু প্রাণশূন্য দেহ। বিশ্বাস করতে পারছি না।
আঁধি মা, তুমি বাড়িতেই থাকো। আমি ভাগ্নেকে নিয়ে এখনি
বের হচ্ছি।'

ভাড়া করা টোটো থেকে নামলেন মামা অনুভূমকে নিয়ে।
দেখলেন, রেস্টোরাঁর রাঁপ তখনও তোলা হয়নি। কিন্তু এক গাণ্ডু
পুলিশ দাঁড়িয়ে আছে। কোতুহলী জনতা পুলিশের উপস্থিতি
দেখে সরে গিয়েছে নজরের বাইরে। অনুভূমের দৃষ্টি হঠাতে
আটকে যায় অদূরে একটি মিষ্টির দোকানের মাথায় লটকে থাকা
বিজ্ঞাপনে। কন্ডোমের প্রচার। ছবিটা কিন্তু পর্নোগ্রাফির চেয়েও
অশ্রীল।

রেস্টোরাঁর পাঁচ কর্মচারীই উপস্থিত। সকলের মুখে চোখে

আতঙ্ক। সত্যনারায়ণ সরকারের মতো নির্বিশেষ ভদ্র মানুষও খুন হতে পারেন! এইরকম ঘটনা যারা ঘটায়, তারা কোন মন্ত্রের ফসল?

কর্মচারীদের মধ্যে সিনিয়রমোস্ট সদানন্দ দাস পুলিশ অফিসারের সঙ্গে কথা বলছে। সদানন্দের বাঁ দিকটা অংশত অচল পক্ষাঘাতহেতু, কিন্তু ডান দিকটা এতই সচল যে যে কোনো আনকোরা কাজও চটপট করে ফেলে নিয়োগকর্তাকে আশ্বস্ত করতে সক্ষম। সেই ফোন করেছিল মামাকে। আবার সোশ্যাল মিডিয়ার লোকেরা এসে তাকেই পাকড়ায়। একজন্যর পর একজন। প্রশ্নে প্রশ্নে ফালাফলা কে। কারণ গৃহকর্ত্তা নাকি সাতসকালে চলে গিয়েছেন ময়দানে নারী ও শিশুদের বাহিনী নিয়ে। জমায়েতের ফাঁক পূরণে আপন দক্ষতা দেখিয়ে নজর কাঢ়তে চান হাইকমান্ডের। তিনি কী আদৌ জানেন, তাঁর স্বামী খুন হয়েছেন? সদানন্দ চেষ্টার ক্রটি করেনি। কিন্তু জিনিয়াদেবীর ফোনের সুইস যে অফ। স্থানীয় থানার যে আধিকারিক এসেছেন, অনুত্তমকে তিনি বিলক্ষণ চেনেন। অনুত্তমকে দেখে যেন হাতে চাঁদ পেলেন। বিখ্যাত সি আই ডি অফিসার অনুত্তম চৌধুরী! কত জটিল কেসের মীমাংসা করেছে, আর উভাল গণস্তুতিতে তৃপ্ত হয়েছেন সরকার বাহাদুর।

অনুত্তমও চিনতে পারে। সুকান্ত বাগচি। বয়সে তরঁণ, তবে যথেষ্ট দক্ষ। একেই বলে সোনায় সোহাগা।

‘স্যার, আপনি! কী সৌভাগ্য!’

‘আমি কাল এখানে এসেছি মামার বাড়িতে। কালই তো সন্ধ্যা থেকে বেশ রাত অবধি আমি, আমার স্ত্রী এবং মামা রেস্তোরাঁর মালিক সত্যনারায়ণ সরকারের সঙ্গে সাতকাহন গল্প করে গেলাম। আর আজ শুনছি তিনি খুন হয়েছেন।’

‘আমি নারায়ণপুর থানার চার্জে এসেছি মাত্র মাস তিনিক আগে। এখানে অপরাধজনিত কিছু বিপদসংকেত পেয়ে থাকি। রাজনৈতিক লোকারদের লোকালুফিটা খুবই চলে। কিন্তু মারদাঙ্গা, খুন-খারাপির রেকর্ড প্রায় পরিষ্কার। আপনাকে দেখতে পেয়ে মনে হলো আঁথে জল থেকে ডাঙায় উঠে পড়তে পারব।’

বাগচির কাঁধে হাত রেখে অকুস্তলে দিকে পা বাড়ায়
অনুত্তম।

সত্যনারায়ণ সরকারের গুলিবিন্দু নিথর শরীরটাকে পাওয়া গেছে ঝাঁপবন্ধ হালুম-হলুম-এর মধ্যেই। ল্যাপটপ সমেত ক্যাশের টেবিলটা ধরে রেখেছে তাঁর হালকা শরীরের একাংশকে। বাকিটা মেঝেতে লটকে আছে। দেখলে বোঝা যায়, তিনি খুনির সঙ্গে যুবাবার ফুরসতও পাননি। এখনও নামছে রক্তের ধারা। শীর্ণ শরীর থেকে অত রক্তের প্রবাহ প্রায়

অভাবনীয়। বোতলকে একরকম মুখে টুকিয়ে আকর্ষ জলপান করে অনুত্তম। তারপর সুকান্ত বাগচির হয়ে নিজের কিছু ক্যারিশমা দেখাবার সুচনা। আনতাফিসিয়াল হলেও সে যা বলছে, পুলিশ তৎক্ষণাত তাকে কার্যকরী করছে। আর মামার পর্যবেক্ষণী শক্তি ততই হয়ে উঠছে ক্ষুরধার। মৃত সত্যনারায়ণ সরকারের দেহ প্রথম দেখতে পান কে?

তিনি সেই মুখ্য হালুইকর সদানন্দ দাস
মুখ-মাথা বাঁকাতে বাঁকাতে সদানন্দ যে বিবরণ পেশ করল,
তার নিগিলিতার্থ এই রকম—

প্রতিদিনের মতো আজও সকাল সোয়া সাতটায়
হালুম-হলুম-এর সামনে এসে সদানন্দ খানিক অবাক, মালিক
এখনও দোকানের বাঁপ তোলেননি কেন? অথচ কাল
কানাঘুঁয়োয় জানা গিয়েছিল, আজ আধঘণ্টা আগেই শাটার
তুলবেন সরকারবাবু। কারণ, এই সময় তিনি দোকানের সামনে
দাঁড়িয়েই দেখবেন, কীভাবে তাঁর স্ত্রী জিনিয়াদেবী পাড়ার
মেয়ে-বউ-শিশুদের একরকম মার্চ করিয়ে নিয়ে চলেছেন
পার্টির পতাকা ওড়ানো বাসের মধ্যে ঠেসে ঠেসে তুলতে।

সরকারবাবু এই পার্টি ত্রিসীমার মধ্যে না থাকলেও নিজের
স্ত্রীর এমত তৎপরতা দেখার একটা আগ্রহ নিশ্চয়ই ছিল।

তাই হালুম-হলুম-কে শাটারবন্ধ দেখে সদানন্দ থমকে
দাঁড়িয়ে ছিল এক দেড় মিনিট। সবে একটা বিড়ি ধরিয়েছে,
এমন সময় তার ছোট মোবাইলটা বেজে ওঠে।

খোদ ম্যাডামের গলা।

‘সদানন্দ, তোমার বাবু কী দোকান খুলে বসেছেন? ফোনে
পাচ্ছি না কেন ওকে? ফোনটা বেজেই চলেছে!’

‘শাটার তো তোলাই হয়নি।’

‘বাবে! একবার ডেকে দাও তোমার বাবুকে।’

সদানন্দ তখন বাড়ির প্রবেশপথে গিয়ে দাঁড়ায়। সেই কপাট
যথারীতি বন্ধ। তিনবার কলিংবেল টিপবার পর দোতলা থেকে
থপথপিয়ে নেমে এসে দরজা খুলে দিল রমা মাসি। সরকার
পরিবারের কেবল রাঁধুনি নয়, সে যেন এই বাড়িরই একজন
সদস্য। অন্যতম সদস্য।



লেখক মামা তাঁর প্রকাশিতব্য রহস্য উপন্যাসটিতে রমা
মাসির যে বর্ণনা দিয়েছেন, সেটাই এখানে তুলে ধরা হলোঃ
রমা মাসির পুরো নাম রমা বণিক। বিধবা এই মহিলাকে

জোগাড় করবার কৃতিত্ব মিসেস জিনিয়া
সরকারের। যাচ্ছেতাই রকমের স্থূলাঙ্গী। একতলা
থেকে দোতলায় উঠতে অথবা দোতলা থেকে
একতলায় নামতে তাঁর খুব কষ্ট। তবুও ধনী
সরকার পরিবারে রান্নাবান্নার সঙ্গে এই কাজটা ও
নিষ্ঠার সঙ্গে করে চলেছে বছর পাঁচেক ধরে।

সেই মাসি হাঁপাতে হাঁপাতে সদানন্দকে
জানাল, সকাল থেকেই এ বাড়িতে এত
তোলপাড়, এতবার দরজা খোলা ও দরজা বন্ধ
চলছে যে তার আর শক্তিতে কুলোচ্ছে না। এবার
সে অন্য কোথাও কাজ খুঁজে নেবে। মাসি বলছে
বটে, কিন্তু তার দু'চোখে কেমন বুঝি ঝ্যাঙ্কলুক।

সদানন্দ বাড়ির ভেতর দিয়ে চুকল রেস্তোরাঁর
অভ্যন্তরে। এবং প্রত্যক্ষ করল ওই দৃশ্য। চিংকার
করে বাইরে বেরিয়ে আসে। ম্যাডামকে ফোনে
জানাবার কথা আর স্মরণে থাকে না। লোক
জড়ো হয়। থানায় খবর যায়। মামাও ফোন
পেলেন। কিন্তু আর ফোনে পাওয়া গেল না
জিনিয়া সরকারকে। তিনি তো ময়দানে। নির্ঘাত
ভাষণ শুনছেন, হাততালি দিচ্ছেন।..

পুলিশের গাড়ি আসতেই ভিড় পাতলা। এতে
অনুত্তমেরও কাজের সুবিধা। পাঁচজন কর্মচারীই
উপস্থিত। সদানন্দ, নির্মল, অসীম, বিশ্বরূপ,
সুধীন্দ্র ও গৌতম।

সদানন্দকে জেরা করার পর্ব শেষ। বাইরে
শাটার যেমন বন্ধ ছিল, বন্ধই থাকল। রেস্তোরাঁর
ভেতরের সবকটা আলো জ্বালিয়ে চলছে
পুঞ্জানুপুঞ্জ পর্যবেক্ষণ। গভীর থেকে আরও
গভীরে ডুব দিচ্ছে অনুত্তম চৌধুরী। একটা
জনপ্রিয় রেস্তোরাঁর সকল বৈশিষ্ট্যকেও কবজায়
আনতে সে যেন বন্ধপরিকর। যে সমস্ত
ভোজনরসিক লোকলক্ষ্মুরু এখানে চুকে এই
মাণিগণের বাজারেও পকেট খালি করে যায়,
সেইসব অবতারদের দ্বাণও পাচ্ছে হয়তো
অনুত্তম। যত রকমের রান্নার বস্তু নিয়ে বড় বড়
কাগজের প্যাকেটে তাদের চুকিয়ে লাল হরফে
লেখা রয়েছে। মোমো, স্ন্যাক্স অ্যান্ড আদারস,
সুপ, চাইনিস ভেজ, তন্দুর অ্যান্ড কাকাব,
ফ্রায়েড রাইস, নুডলস, চাইনিস নন ভেজ,
ইন্ডিয়ান ভেজ, এক, ফিস, চিকেন, মাটন,



ডিফারেন্ট ড্রিক্স..। কেবল অনুত্তম চৌধুরী কেন, তার সাতকুলেও প্রকৃত ভোজনরসিক বলতে কেউ নেই। তবুও তার মনে হলো, সে এমন একটা নির্জন দ্বিপে ঢুকে পড়েছে যেখানে কেবলমাত্র পেট্রকরাই আপন আপন হাদয়েশ্বরীকে নিয়ে আসে এবং ভোজনান্তে গাঢ় ত্রপ্তি সরকারে ফিরে যায়। ব্যাগ বস্তা ঠোঙা ইত্যাদি সরাতে সরাতে অনুত্তম আবিষ্কার করল একটা কাঠের পাটাতন বসানো মইকে। রঞ্জন্স্বরে অনুত্তম নিজেকেই প্রশ্ন করে, ‘এটাকে ঢেকে রাখবার কী অর্থ?’

বলেই সুকান্ত বাগচির মুখের দিকে তাকায়, ‘মই কেন আছে এ ঘরে?’

সুকান্ত বললেন, ‘দরকার হয় নিশ্চয়।’

‘লক্ষ্য করে দেখ, দুটো গুলির একটা চূর্ণ করেছে সরকারবাবুর খুলিকে। অন্যটা বিন্দু তাঁর ঘাড়ে। অর্থাৎ খুনি কোনো একটা উঁচু জায়গায় দাঁড়িয়ে গুলি করেছিল।’

‘ঠিক এবং উঁচু প্ল্যাটফর্মটার ভূমিকার পালন করেছে এই লুকিয়ে থাকা ল্যাডারটা।’

অনুত্তম বলল, ‘মইটা অবশ্য এই ঘরেই হয়তো রাখা থাকত। পেরেক ঠোকাঠুকি, মাল ওঠানো নামানো ইত্যাদির কাজে ব্যবহৃত হতো। আর যে খুনি, সে এই মইটার হাদিশ রাখত। কেবল তাই নয়, সে সরকারবাবুর নিশ্চয় বিশেষ পরিচিত। সে কারণেই খুনি যখন মইয়ের দু-ধাপ কী তিন ধাপ উপরে উঠেছে, সরকারবাবু তখনও আক্রান্ত হবার আশঙ্কা করেননি। উঁচু থেকে বুলেট ছুটে এলো। সরকারবাবু প্রাণ হারালেন। তারপরও খুনি স্থান ত্যাগ করেনি। মইটাকে বস্তা দিয়ে ঢেকে রেখেছে তদন্তকারীকে বিআন্ত করতে। তিনটি সত্যকে দেখতে পাচ্ছি। প্রথম, খুনি সরকারবাবুর বিশেষ পরিচিত। দ্বিতীয়ত, খুনির একার পক্ষে অতটা কাজ করা সম্ভব ছিল না, তাকে সাহায্য করার জন্য এক বা একাধিক ব্যক্তি মজুদ ছিল। তৃতীয়ত, গুলি চলল, অথচ শব্দ কেউ শুনল না, এটাই বা কেমন? হয়তো তখন অন্য কোনো কলরব প্রকট হয়ে ছিল এই ঘরে অথবা বাইরে।’

সুকান্ত বাগচি বললেন, ‘এই এলাকায় সাতটা বাজবার আগে থেকেই শোরগোল চলছিল আজ। ময়দানে নিয়ে যাবার জন্য লোক টানাটানি।’

এরপর অনুত্তম যা করল, তাতে সুকান্ত বাগচিও হকচকিয়ে যান, যেহেতু এই কাজটা তাঁরই করা উচিত ছিল। যেন বিদ্যুৎ গতিতে দেয়ালে ঠেকিয়ে মইটার ওপর পা রেখে রেখে উঁচুতে উঠে যায় এবং প্রশস্ত ঘুলঘুলির মধ্যে রুমাল সমেত হাত ঢুকিয়ে বের করে আনে ছয় গড়ার একটি পিস্তল— যার আঁতুড়ির খোদ চীনে। সুকান্তের হাতে ওটাকে সাবধানে তুলে দিতে দিতে

অনুত্তম বলে, ‘সাবধান। আঙুলের ছাপ পেলেও পেতে পারো।’

অতঃপর দ্বিতীয় দফার জিজ্ঞাপর্ব। যাদের জিজ্ঞাসা করা হবে, তাঁরা কেউই শাস্তালো নয়। আপাতভাবে মনে হবে, এরা কেউই খুনের সঙ্গে জড়িত হবার যোগ্য নয়। তবুও রেহাই নেই।

সদানন্দর পালা সাঙ্গ হয়েছে আগেই। এবার সেই পৃথুলা রমা মাসির পর্ব। বৃড়ি রীতিমতো কাঁঁপছে। সংলাপ চালিয়ে যাবার মতো সামর্থ্য আছে কিনা সন্দেহ। এমন অস্থিরতা যেন তার কান দিয়ে ধোঁয়া বের হচ্ছে। সুকান্ত বাগচি তাকে জল খাওয়ালেন। তারপর শোনা গেল রমা মাসির গলা, ‘আমাকে আবার কেন? আমাকে—’

অনুত্তম আচমকা দাবড়ে ওঠে, ‘আপনিই তো সব জানেন। ওসব ন্যাকামি ছাড়ুন। সোজা হাজতে দুকিয়ে দেবো।’

রমা মাসির দু'চোখে নিশ্চিত রাতে ভূত দেখার আতঙ্ক, ‘হাজত!'

‘হ্যাঁ, হাজত। উঠতে বসতে রঞ্জের গুঁতো।’

‘না, না, বাপ আমার! না, না। যা জানি, সব কইবো। কিছুটি লুকোবো না।’

‘আগে এই চেয়ারটাতে বসুন।’

রমা মাসি ধপ্ক করে চেয়ারে বসে পড়ে।

অনুত্তম : রাতে ভালো ঘুম হয় আপনার?

মাসি : ঘুম আসতে চায় না। আসলেও কেমন যেন ছানাকাটা, ছানাকাটা। একটা ইঁদুর, কী একটা প্রজাপতিও ঘরে ঢুকলেও টের পাই।

অনুত্তম : বাঃ। এই তো বেশ গুছিয়ে বলতে পারছেন। তা আপনার এই যে ঘুমের অসুবিধা, এটা কখনো বাবু বা তার বটকে জানিয়েছেন?

রমা মাসি কিছুক্ষণ নিরস্তর। নিজের বুককে কাপড় দিয়ে আরও খানিকটা আবৃত করে। এমন তার অভিব্যক্তি, যেন যথাযথ শব্দের অংশে আছে সে। ক্রমে শোনা গেল তার অভিমানী কঠিন্স্বর, ‘ওদের কী তা শোনার মতো মন আছে? নাই। এই ভূখণ্ডে আমার আপন বলতে কে? কেউ নয়।’

মাসি দম নেয়। অনুত্তম যুগপৎ বিস্মিত ও উল্লসিত। রমা মাসি তো সাধারণ নয়। ভায়ার ওপরও দারুণ দখল। ‘ভূখণ্ড’— এই শব্দটাই যেন অনুত্তমের কর্ণকুহরে মুহূর্ত কয়েক ন্যূন্যরত অবস্থায় থাকে। অনুত্তম শুনে মাসির পরবর্তী কথাগুলি— ‘ওরা নিজেদের মধ্যেই এটা-সেটা নিয়ে যা খিচ খিচ করত, আমার তো গায়ে কাঁটা দিত। আচ্ছা, এ এলাকায় কোনো বাড়িতে এত টাকা ঢেকে রোজ? তবু বাবু মামণিকে গুনে গুনে টাকা দেন, হিসেবও নেন। আগে কিন্তু এমনটি ছিল না। সেইসব দিনে কত ভাব আমি তাঁদের দেখেছি। সত্যি বলছি বাবু,

স্বামী-স্ত্রীর মধ্যে ভাব ভালোবাসা
একেবারেই নষ্ট হয়ে যাচ্ছিল। যে কোনো
অচিলায় বাগড়া খিস্তি-খামারি। কাল
ল্যাপটপের একটা ব্যাগ নিয়ে কী কথা
কটাকাটি।

অনুভূমের দুচোখে উজ্জ্বলতা বাড়ে।
সুকান্তও বুকাতে পারে, অঙ্গ আলাপেই
বুড়ি যেন হড়পা বানে ভেসে যাচ্ছে। দুঁদে
গোয়েন্দা এবার নাকে দড়ি দিয়ে ঠিক
টেনে আনবেন সঠিক মুহূর্তে। অনুভূম
সিগারেট ধরায়। সিগারেটের গন্ধে যে রমা
মাসির দুরবস্থা বাড়ে, সেটাও বোৰা গেল।

সিগারেট হাতে অনুভূম উঠে দাঁড়ায়।
নিজের চেয়ারটাকে সমকৌণিক করে রমা
মাসির দিকে খানিক ঝুঁকে প্রশ্ন করে, ‘তাঁর
মানে, আপনি বলতে চাইছেন,
সত্যনারায়ণ সরকার তাঁর স্ত্রী জিনিয়া
সরকারের গুলিতেই প্রাণ হারিয়েছেন!
তাই তো?’

রমা মাসি আর্তনাদ করে ওঠে, ‘আমি
এমন কথা কখন বললাম না! আর ওটা
হবেই বা কী ভাবে? মামণি মানে জিনিয়া
বউদি তো তখন মিছিল সাজাবেন বলে পা
বাড়াতে চলেছেন। যাবার আগে বাবুর
সঙ্গে কী যেন বলতে বন্ধ দোকানে
চুকলেন। বাইরে তখন মহা হল্লাগুল্লা।
আর আমাকে তো নিজের কাজ নিজেকেই
করতে হয়। রান্নাঘরে আছি। বউদিদির
ডাক কানে এলো। কোনোরকমে নীচে
নামলাম। বউদিদি বললেন,
কোলাপসিবলটা টেনে দরজা বন্ধ করে
ছিটকিনি তুলে দিতে। এ কাজ তো আমিই
করে থাকি। সেটাই করে আবার উঠে
গেলাম রান্নাঘরে।’

টানা বলে গেল রমা মাসি। তারপরই
আচমকা তার কান্নায় ভেঙে পড়া। কাঁদবার
সময় মুখ গহ্নন খুলে যায়। দেখা গেল দুই
সারি আটুট গুটকা খাওয়া বাদামি বর্ণের
দাঁত।

বেমকা চেয়ার ছেড়ে উঠে দাঁড়িয়ে



সন্দেশ উপন্যাস

হংকার ছাড়ে অনুভূম, ‘এই বুড়ি, তুড়ি মেরে উড়িয়ে দেব। গপ্পা ফাঁদবার আর
জায়গা পাওনি? পুলিশ কতটা তোমাকে নাজেহাল করতে পারে, জানো?
ছুতো-নাতায় মিসেস সরকারের কাছ থেকে তো ভালোই মালকড়ি পেয়ে
থাকো।’

আবার সেই আর্তরব, ‘কী সব বলছেন?’

বুক চিতিয়ে চেয়ারে বসতে বসতে অনুভূম বলে, ‘একদম ঠিক বলছি। অত
গুটকা কেনার পয়সা কে যোগায়? আজ বের হবার আগে মিসেস সরকার কত
টাকা দিয়ে গেছেন তোমাকে? মিথ্যা বলার চেষ্টা করলে ঠেলতে ঠেলতে
তুকিয়ে দেব লকারে।’

ফেঁপানো ও জড়ানো গলায় উন্নত এলো, ‘কুড়ি টাকা।’

‘কে এনে দিল ওই টাকায় তোমার গুটকা?’

‘কেউ এনে দেয়নি, বাপ। আমি নিজেই কিনে এনেছিলাম
সুমনের দোকান থেকে।’

‘সেটা কোথায়?’

‘বাস স্ট্যান্ডের কাছে।’

‘তার মানে, বাড়ির দরজা খোলা রেখেই চলে গেলে গুটকা
কিনতে?’

বুড়ি নিরস্তর। কাঁপুনি আবার বাড়ছে।

‘তখন সময় কত?’

‘সাড়ে সাতটা।’

‘তখনও নিশ্চয় ময়দানে যাবার লোকেরা ভিড় করে
রয়েছে?’

‘ছিল তারা। কে কোন গাড়িতে উঠবে, তাই নিয়ে
চেল্লাচেল্লি।’

‘আর তা থামাবার চেষ্টা করছেন ফরিদ আহমেদ এবং
জিনিয়া সরকার। ঠিক বলছি তো?’

‘একদম ঠিক। এমনভাবে বলছেন, যেন সেই সময় আপনি
ওখানেই ছিলেন।’

‘আমি যে আরও কিছু দেখতে পাচ্ছি। দেখতে পাচ্ছি বলেই
তো উঠি উঠব করেও উঠতে পারছি না। আঁকশি দিয়ে নামিয়ে
আনছি একটার পর একটা জ্যান্ত ছবি। এই বাড়িতে আজ সকাল
থেকে কে কী করেছে, সব দেখতে পাচ্ছি এই খুনের ঘরে
সাহেনশার মতো বসে থেকেও।’

‘দেবত্ব মতো, কিন্তু যেন বৈরাগ্যের গলায় কথাগুলি বলে
গেল অনুভূম চৌধুরী। মামার আগ্রহ ও সুকান্তের বিস্ময়— এই
দুই মিলে তৈরি হয়েছে প্রাচ্ছম এক গবের ক্ষেত্র। প্রতিক্রিয়ারও
একটা সময়সীমা থাকে। সেই সীমার মধ্যেই কোনো ভাবনা
প্রসূত নয়, শ্রেফ আতঙ্কপ্রসূত কম্পনে শিহরিত রমা মাসি এক
রকম চিংকার করে ওঠে, ‘কী দেখতে পাচ্ছেন?’

প্রতিক্রিয়ায় তীক্ষ্ণ হাসি হেসে অনুভূম বলতে থাকে, ‘এই
তো সেই পরিষ্কার নকশাটা। জিনিয়া সরকার পথে লাইন
ম্যানেজমেন্টের কাজ ফেলে রেখে সাঁ করে ছুটে এসে গেলেন
তোমার কাছে। ব্লাউজের ভেতর থেকে বের করে আনলেন এক
থাবা পাঁচশো টাকার নোট। গুঁজে দিলেন সেইগুলিকে তোমার
বুকের মধ্যে। কী হাসি হাসি মুখ তোমার! অত টাকা জীবনে
দেখোনি। কী বুড়ি, তুমিও ছবিটা ঠিক দেখতে পাচ্ছো তো?
নাকি আরও বিশদে বলতে হবে?’

রমা মাসির দুই চোখে অর্ধগোলাকৃতি রক্ষের গুটি কয়েক
দানা ঘুরছে। সে যেন কোনো প্রেক্ষাগৃহে বসে একটি খুনে দৃশ্য

দেখছে। এই হাট্টাকাট্টা লোকটা তাকে সেই ছবিটা দেখিয়েই
ছাড়বে— যে গোপন মনসবদারিতে সবটাই নিখুঁত নয়, কিন্তু
প্রায় হ্ববহ। স্নায়ুর চাপে পর পর মাসিকে সামাল দিলেন সুকান্ত
বাগচি। রমা মাসি বিড় বিড় করছে, ‘মোটেই এক থাবা পাঁচশো
টাকার নোট নয়। মাত্র তো সাতখানা একশত টাকার নোট।
তবুও টাকা তো! আমি কী সাড়া না দিয়ে পারি!’

অনুভূম টেবিলে চাপড় মারে, ‘ছিঃ ছিঃ, মাত্র সাতশো
টাকার লোভে অত বড় মিসহ্যাপ। পিস্তল হাতে কানাকুঠুরির
মতো দোকানটায় ঢুকে মইয়ের দু-ধাগে উঠে গুলি করে মারতে
পারলে সরকারবাবুর মতো মানুষকে! ছিঃ!

মাসি এবার সত্যি চেয়ার থেকে পড়ে গিয়ে মেরোতে
গড়াগড়ি থায়, অস্ফুট গলায় বলতে থাকে, ‘আমি গুলি করিনি,
বাবু। আমি কেবল পরে মইটাকে ঢাকাটুকি দিতে সাহায্য
করেছি। পিস্তল ওপরে রাখবার সময় মইটা যাতে নড়বড় না
করে তার জন্য চেপে ধরেছিলাম ওর দুটো ধাপকে। সাতশো
টাকার জন্য এটা তো করা যায়।’

অনুভূমের গলাও চাপা, ‘জিনিয়া সরকার যে গুলি দুটো
ঢুঢ়লেন, শব্দ হয়নি?’

রমা মাসির জবাব, ‘হয়েছিল। কিন্তু বাইরে তখন বউদিমণির
মেয়ে মানুষবা কোন গাড়িতে ছানাপোনাদের নিয়ে উঠবে, তাই
নিয়েই খুব হঞ্চা করছিল। গুলির আওয়াজ কারোর কানে
টোকেনি।’



জিনিয়া সরকারের খাস আলমারিটার তালা ভাঙতেই মিলে
যায় প্রার্থিত সাবুদ। একখানা ঝাঁ চকচকে অ্যালবাম। ভেতরে
পাতায় পাতায় ফরিদ আহমেদ এবং জিনিয়া সরকার। এমন
সমস্ত ছবি, যাদের সঙ্গে তুলনীয় বিজ্ঞাপনের সেই অভিপ্রাক্ষণ
— যাদের অনুভূমের মনে হয়েছে, পর্নোগ্রাফির চেয়েও অশ্রীল।

কান তো নিরবধি। দুপুর তিনটে নাগাদ সদানন্দের কমদামি
ফেন হাঁক মারে। সুইস টিপতেই জিনিয়া সরকারের উৎকর্ষায়
কম্পমান স্বর, ‘সব ঠিক আছে তো, সদানন্দ?’

সদানন্দ পুলিশ অফিসার সুকান্ত বাগচির দিকে তাকিয়ে
চোখ টেপে, বলে, ‘সব ঠিক আছে বউদিমণি! কেবল বাবু সেই
যে কোন ভোরে দোকানে ঢুকেছিলেন, আর বের হননি।’

বলেই ফোনটাকে বোবা করে দেয় সদানন্দ। ■



হিন্দু জাতীয়তাবাদের আখ্যান

জয়স্ত ঘোষাল

প্রথম যেবার শ্রীনগর গিয়েছিলাম, সে বছবছুর আগের কথা। সেবার কাশ্মীরের প্রাচীনতম শিব মন্দিরটি দেখে এক অঙ্গুত অনুভূতি হয়েছিল। অনেক সিঁড়ি ভেঙে উপরে উঠতে হয়েছিল। ইতিহাস বলে, সেই কোন সুদূর দক্ষিণ দেশ থেকে এসে শক্রাচার্য এই মন্দিরটি স্থাপনা করেন। সেদিন বারবার মনে হচ্ছিল, দিল্লিতে বসে কাশ্মীর বললেই মনে হয় এটি তো মুসলমান সমাজের ভূখণ্ড। চারার-ই-শরিফ বা হজরতবাল সর্বত্র গেছি, কিন্তু কাশ্মীর মানেই যে মুসলমান শাসনের ইতিহাস নয় সে কথা কেউ মনে করিয়ে দেয় না।

কলহনের রাজতরঙ্গিনী পড়লে বোঝা যায়, এই কাশ্মীর শহরটিতে কতখানি হিন্দুধর্মের প্রভাব ছিল। হিন্দু রাজাদের শাসনকালেও এই অবিভক্ত জম্মু কাশ্মীর লাদাখ সর্বত্র এক অসাধারণ বহুত্বাদ ছিল। হিন্দু মুসলমান বৌদ্ধ সব রকমের মানুষ ছিল।

কলহনের রাজতরঙ্গিনী তদানীন্তন কাশ্মীরের সমসাময়িক ইতিহাসের দলিল। সেসময় সুশাসন যেমন ছিল, ঠিক তেমনভাবে অপশাসনও ছিল। এমন কোনো শাসন হয় না যেখানে সু আর কু-এর সহাবস্থান হয় না, এটাই ইতিহাসের নিয়ম। কিন্তু আজ

স্বাধীনতার এতগুলো বছর পর মনে হচ্ছে মস্ত বড়ো ভুল হয়ে গেছে। কাশ্মীর থেকে হিন্দু উদ্বাস্তু পশ্চিতরা জম্মুতে ও অন্য রাজ্যে পালিয়ে চলে আসতে বাধ্য হয়, তখন দেশের প্রধানমন্ত্রী জওহরলাল নেহরু সেই হিন্দু উদ্বাস্তুদের জন্য কতটা সময় দিয়েছিলেন? তখন কেন তিনি শেখ আবদুল্লাকেই খুশি রাখতে ব্যস্ত ছিলেন? তখনও কি তিনি দেশভাগের পর পাকিস্তানের কাশ্মীর মুসলমানদের ওপর প্রভাব প্রতিপত্তি নিয়ে চিন্তিত ছিলেন? সেদিন ড. শ্যামাপ্রসাদ মুখোপাধ্যায় যেভাবে হিন্দু উদ্বাস্তুদের নিয়ে সোচ্চার হন, এমনকী সদার প্যাটেলও যেভাবে কাশ্মীরের বিভাড়িত হিন্দুদের জন্য সোচ্চার হন, নেহরু তা হননি। উল্টে সেসময় পাশ্চাত্য শিক্ষায় শিক্ষিত তথাকথিত ধর্মনিরপেক্ষ নাগরিক সমাজ মনে করত যে, ভারতে হিন্দু মানে কংগ্রেস নয়, হিন্দু মানে হিন্দু মহাসভা। হিন্দু জাতীয়তাবাদ মানে হিন্দু সংকীর্ণতা। কিছু ধনী বানিয়া, যাদের শিক্ষাদীক্ষা নেই, ভালো করে ইংরেজিতে কথা বলতে পারেনা, জুতো পরেনা, খালি পায়ে হাঁটে, নিরামিয় খাবার খায়, আর ফলের রস খায়। উপন্যাসকার পল স্কট লেডি লিলি চ্যাটার্জির মতো এক patritian lady-র জবানিতে সেই সময় হিন্দুদের এভাবে বর্ণনা করা হয়। সম্প্রতি স্বপন দাশগুপ্ত তার


Awakening Bharat Mata : The Political Beliefs of the Indian Right থেস্থের ভূমিকায় এই ধরনের বহু তথ্য লিপিবদ্ধ করেছেন, যা থেকে জানা যাচ্ছে বিদেশি কৃটনীতিক ও ইংরেজি শিক্ষায় শিক্ষিত অভিজাতরা ভারতীয় হিন্দুদের অশিক্ষিত কিছু বৈশ্যদের ব্যাপার বলে মনে করত। ভারতের অন্তরাঞ্চায় যে হিন্দু মনোভাব জীবিত ছিল, তা কাশ্মীর থেকে কল্যাকুমারীকায় প্রবাহিত ছিল। কিন্তু তাকে অবজ্ঞা করেছিল এই অভিজাত রিটিশ ভক্তরা। নেহরু নিজেও 'RSS mentality' বলে একটি শব্দ ব্যবহার করেছিলেন। সেদিন তাই নেহরু যে বহুত্বাদের কথা বলেছিলেন, যে সোভিয়েত সমাজতন্ত্র বা তারও আগে লঙ্ঘনের ফেবিয়ান সমাজতন্ত্র দ্বারা প্রভাবিত হন, তা ভারতে প্রতিষ্ঠিত করতে গিয়ে নেহরু ভারতের সংখ্যাগরিষ্ঠ মানুষের হিন্দু চেতনাকে অবজ্ঞা করেন। তথাকথিত ধর্মনিরপেক্ষ শক্তির এই মানসিকতা কিন্তু আজও সেই একইভাবে প্রবাহিত হয়ে চলেছে। আর তাই আজ হঠাৎ দুর্বল এই শক্তি গেল গেল রব তুলে আর্তনাদ করেই চলেছে। নরেন্দ্র মোদী ২০১৪ সালে ক্ষমতায় আসার পর থেকে শুরু হয়ে এবার ২০১৯ সালে নরেন্দ্র মোদী ক্ষমতাসীন হওয়ার পরও অভিযোগ উঠেছে যে হিন্দি ও হিন্দু জাতীয়তাবাদের নামে এক ধরনের সাম্প্রদায়িকতাকে ভারতে প্রতিষ্ঠা করা হচ্ছে। এর ফলে ভারতীয় সমাজে রাজনৈতিক মেরুকরণ এবং অসহিষ্ণুতা বাঢ়ে।

এই আখ্যানটি হলো নেহরুবাদী সুপ্রাচীন আখ্যান। জনসংস্কৃতে, পরে বিজেপি এবং ১৯২৫ সালের জন্মলগ্ন থেকে আর এস এস এই নেহরুবাদী আখ্যানটির বিরুদ্ধে এক পাল্টা হিন্দু জাতীয়তাবাদী আখ্যান তুলে ধরার চেষ্টা করছে। এই লড়াইটা আসলে চিরকালই ছিল, তবে মানুষের বিপুল ভোটে জেতার পর বিজেপি তাদের এতদিনের স্বত্ত্বে লালিত ভাবাদর্শকে বাস্তবায়িত করার চেষ্টা করবে এ তো অত্যন্ত স্বাভাবিক এক ঘটনা। ফলে ভারতের রাষ্ট্র চারিত্র ধর্মনিরপেক্ষ সমাজতন্ত্রিক না উদার গণতান্ত্রিক সেবা তো চলতেই থাকবে। মূল বিতর্ক তা নয়, মূল বিতর্ক হওয়া উচিত যে ভারতীয় সভ্যতার শিক্ষক এক হিন্দু ধর্ম চেতনার মধ্যে নিহিত আছে। সেই সহজ সরল ঐতিহাসিক সত্যকে আজ মানার সময় এসেছে কিনা! অনেকে বলেন, নেহরুবাদী ভারত আখ্যানের বিরুদ্ধতায় মোদীর পাল্টা ভারত আখ্যানের প্রতিষ্ঠার চেষ্টা চলছে। আসলে তা সত্য নয়। সত্য হলো, ভারতের আদি আখ্যান যেটি বেদ-উপনিষদ-গীতা থেকে আদি শক্ষরাচার্য রচনা করে দিয়ে গেছেন, সেটিকে ১৯৪৭ সালের পর কংগ্রেস নেতৃত্ব বিস্থৃত হয়ে

বিদেশি পাশ্চাত্যবাদ এবং সমাজতন্ত্রকে ভারতীয় রাজনীতিতে আনেন, ক্রমশ সেটিকেই ভারতীয় মূলস্থোত বলে আখ্যা দেওয়া হয়। হিন্দু ধর্মের মধ্যেও নানা বৈচিত্র্য ছিল শৈব, বৈষ্ণব এবং শাক্ত। ন্যায় বেশোবিক দর্শন থেকে কপিলের সাংখ্য চার্বাক মতবাদ এবং বৌদ্ধ দর্শনও দরজায় কড়া নাড়ে। হিন্দুধর্ম এমন এক ধর্ম যেটি কোনো একজন ব্যক্তির মতবাদ নয়, এ ছিল এক সভ্যতা। এ ছিল এক way of life। ভারতীয় জীবন চর্যা। তাই বিতর্ক হিন্দু ধর্মের মধ্যেও ছিল। বিতর্ক আলাপ-আলোচনা কাঙ্ক্ষিত, কিন্তু তার মানে হিংসা এবং অসহিষ্ণুতা নয়। বামপন্থী তথাকথিত উদারবাদীরা বলতে চান আর এস এস এই মতবাদ প্রতিষ্ঠার জন্য রাজনৈতিক অসহিষ্ণুতা এবং হিংসা নামক অস্ত্র প্রয়োগ করেছে। কতিপয় ব্যক্তি যদি গো-রক্ষক বা উগ্র হিন্দুবাদী সেজে হিংসার ঘটনায় জড়িত হন, তাহলে কিন্তু সেই বিচ্ছিন্ন বিচ্ছুতিকে সঙ্গের দর্শন বলে প্রচার করা অন্যায়। মাওবাদীরা হিংসার আশ্রয় নিলে সংসদীয় গণতন্ত্রে আহুশীল মার্কসবাদীরা বলেন, মাওবাদীদের হিংসা বিচ্ছুতি। তবু হিন্দু কোনো সংগঠন তো এতটা বিচ্ছুত হয়নি, যেখানে হিন্দু রাষ্ট্র গঠনের জন্য কোনো ঘোষিত সশস্ত্র সংগঠন তৈরি করা হয়েছে।

মহাভারতে আছে, 'Sukshma Vivado Vipranam Shula Kshatra Jayayayo' অর্থাৎ রাজনৈতিক বিনম্র বিতর্কের মধ্য দিয়ে জয়-পরাজয়ের বিচার করেন আর ক্ষত্রিয়রা ভয়ংকর যুদ্ধের মধ্য দিয়ে। এমনকী, ম্যাঝ ওয়েবারের মতো সমাজতাত্ত্বিকও ভারত গবেষণা করে বলেছিলেন, 'It is an undoubted fact that in India, religious and philosophical thinkers were able to enjoy perfect, nearly absolute freedom for a long period. The freedom of thought in ancient India was so considerable as to find no parallel in the west before the most recent age'।

স্বাধীনতার আগে জাতীয় কংগ্রেসের মধ্যে ছিল এক মুক্ত মধ্য। সেই কংগ্রেসে বালগঙ্গাধর তিলকের জাতীয়তাবাদী ভাবনা ছিল যাকে আজকাল তাত্ত্বিকরা অভিহিত করেন Tilak mechanism' আবার বাবু রাজেন্দ্র প্রসাদ যাদব থেকে বেনারস হিন্দু বিশ্ববিদ্যালয়ে প্রতিনের প্রধান নেপথ্য শিল্পী মদনমোহন মালব্য, বল্লভভাই প্যাটেল— এঁরা সকলেই ভারতীয় হিন্দু ঐতিহ্যকে অনুসরণ করে এগোতে চেয়েছিলেন। ভারতের স্বাধীনতাকে একেবারে ঝুঁঠা কমিউনিস্টদের মতো কখনোই বলবোনা, কিন্তু ভারতের স্বাধীনতা জন্মসূত্রে প্রতিবন্ধী ছিল। অনেকে বলেন, স্বাধীনতা নয়, এ হলো



ক্ষমতার হস্তান্তর মাত্র। ১৯৪৭ সালের ১৪ আগস্ট মধ্যরাত্রে জন্ম নিয়েছিল এক ডেমোনিয়ন। একদিকে পশ্চাদপসরণ করেও ব্রিটেন নিজের স্বার্থ ভোলেনি, অন্যদিকে রণ-ক্লান্ত কংগ্রেস নেতৃত্বের এক অপ্রতিরোধ্য ভারতকে লড়তে হয়েছে দুই দিকে। একদিকে ছিল সাম্রাজ্যবাদ আর অন্যদিকে ছিল সাম্প্রদায়িকতা, এমনকী কমিউনিস্ট পার্টির সঙ্গেও লড়তে হয়েছিল কংগ্রেস নেতৃত্বকে। সে সময় সাম্প্রদায়িকতাকে ব্রিটেনের কর্তৃপক্ষ প্রশ্রয় দিয়েছেন কিন্তু দুর্ভাগ্য বেশ কিছু কংগ্রেস নেতা তাড়াহুড়ো করতে গিয়ে ব্রিটিশ কৌশলের ফাঁদে পড়ে যান। মুসলমান সমাজ সম্পর্কে রাজনৈতিকভাবে নরম মনোভাব নিতে গিয়ে কখন কীভাবে ভারতের সংখ্যাগরিষ্ঠতার সংস্কৃতিকে অবজ্ঞা করা হচ্ছে, তা কংগ্রেস মেতারা টের পাননি। আমলেশ ত্রিপাঠীর মতে ঐতিহাসিকও লিখেছেন, গাঁথী, নেহরু ও সুভাষচন্দ্র ছাড়া সম্পূর্ণ অসাম্প্রদায়িক নেতা স্বাধীনতার আগে বোধহয় কাউকে বলা যায় না। এই সাম্প্রদায়িকতা ও ধর্মনিরপেক্ষতা নিয়ে বিবাদ তাই সুপ্রাচীন। নতুন ঘটনা হলো, নরেন্দ্র মোদী ভারতের সিংহাসনে আসীন হয়ে প্রথম ঘোষণা করেছেন যে, এই সাংস্কৃতিক জাতীয়তাবাদের মূল স্বোত্ত্বকে স্পষ্টভাবে উচ্চারণ করতে হবে, এটি হলো ভারতীয় কঠিন্য। অটলবিহারী বাজপেয়ী প্রধানমন্ত্রী হবার পর কিন্তু এই ভারত চরিত্র নির্মাণ, বিনির্মাণ ও পুনর্নির্মাণ নিয়ে বিতর্ক হয়নি, কিন্তু কেন হয়নি? আমার মনে হয়, প্রথমত, বাজপেয়ী জামানায় বিজেপির সরকার ছিল না, তখন জেটি শরিক দলের নেতাদের শর্ত মেনে চলতে হতো তৎকালীন এনডিএ সরকারকে। দ্বিতীয়ত, বাজপেয়ী নিজেও নেহরু ভক্ত ছিলেন। তিনি যখন প্রথম সংসদীয় রাজনীতিতে পদার্পণ করেন তখন ভারতের প্রধানমন্ত্রী জওহরলাল নেহরু। একদিন তো বাজপেয়ীর বক্তৃতা শুনে মুঝে নেহরু নাকি বলেছিলেন, তুমি একদিন দেশের প্রধানমন্ত্রী হতে পারো। বিদেশমন্ত্রী হয়ে বাজপেয়ী যখন ১৯৭৭ সালে সাউথ ব্রকে প্রথম প্রবেশ করেন, তখন কোনো আত্মসাহী আমলা সাউথ ব্রকে রক্ষিত নেহরুর এক বিশাল চিত্র সরিয়ে দেন। বাজপেয়ী সেই ছবি না দেখতে পেয়ে অফিসারদের জিজ্ঞাসা করেন, নেহরুর সেই ছবিটি দেখা যাচ্ছে না কেন? বাজপেয়ীর নির্দেশে স্বস্থানে ছবিটি আবার বহাল হয়। এ ঘটনায় আমি মনে করি, বাজপেয়ী ঠিক কাজই করেছিলেন। নেহরুর ছবি সরিয়ে ফেলা, এ তো অনেকটা নকশালদের বিদ্যাসাগর মূর্তি ভাঙ্গার মতো ভাবনা। নেহরু ভারতের ইতিহাসের এক সফল অসাধারণ ব্যক্তিত্ব। নিরবচ্ছিন্ন ভারতের সমালোচনা করা অনাবশ্যক। আজ দলীয় রাজনীতিও



বড়ো ‘হ্যাঁ’ অথবা ‘না’-এই ধরনের সাদা এবং কালো দুই চরমপন্থী মনোভাবের দাসত্বের শিকার। নেহরুর গুরুত্ব স্বীকার করেও বলতে হবে, তিনি অনুসন্ধিৎসু চিত্তে ভারত আঢ়ার অনুসন্ধান করেছিলেন। কিন্তু গান্ধীর মতাদেশ থেকেও আসলে তিনি ছিলেন অনেক দূরে। বরং সুভাষচন্দ্র বসু এবং নেহরু দুজনেই সমাজতন্ত্র এবং পাশ্চাত্যের ধর্মনিরপেক্ষতার মডেল অনুসরণ করেছেন। এ প্রসঙ্গে ভারতীয় কমিউনিস্টদের প্রসঙ্গ আমাকে উত্থাপন করতেই হবে। দেখুন, ১৯২৫ সালে ভারতের কমিউনিস্ট পার্টির জন্ম, আবার এই ১৯২৫ সালে আর এস এসের মতো সংগঠনেরও জন্ম। আজ গোটা দেশে কোথায় মার্কিসবাদীরা আর কোথায় সঙ্গ পরিবার। কেরল আর পশ্চিমবঙ্গ ছাড়া কমিউনিস্টরা কোথাও নেই। পশ্চিমবঙ্গেও বিজেপি এক নতুন শক্তি হিসেবে মাথাচাড়া দিয়েছে। এমন তো ছিল না। গোটা দেশে ডাঙ্গের মহারাষ্ট্র, সুরজিতের পাঞ্জাব, সিতারামাইয়ার অন্ধপ্রদেশ—কোথায় গেল সেই হারানো ক্ষমতা! দিল্লিতে আজও আছে অরণ্ণা আসফ আলি রোড। অরণ্ণা আসফ আলি দিল্লি পুরসভার প্রথম মেয়ের হন। তখন দিল্লিতে জনসংঘ এবং আর এস এস দুর্বল শক্তি, আর আজ কমিউনিস্টরা কোথায়? কেন এমন হলো অনেকে অনেক ব্যাখ্যা দেন। কমিউনিস্টরা বলেন, মীরাট যড়বন্ধ মামলায় ভারতীয় কমিউনিস্টদের গ্রেপ্তার করা এবং তারপর স্তালিনীয় আন্তর্জাতিক নিয়ন্ত্রণের জন্য ভারতীয় মার্কিসবাদ প্রসারিত হতে পারেনি। আমি বলি, আর এস এস ভারত ভাবনাকে মূলধন করে সামাজিক উন্নয়ন ও বিকাশের পথে এগোলো। তাই পেয়েছিল জনসমর্থন, যা কমিউনিস্টরা করেনি। ১৯৪৭ সালের জুলাই, আগস্ট ও ১৯৪৮ সালের ফেব্রুয়ারি মার্চ-এর মধ্যে ভারতীয় কমিউনিস্ট পার্টির নীতিতে এক বৈপ্লবিক পরিবর্তন ঘটে। পি সি যোশীর নেতৃত্বকে প্রত্যাখ্যান করে কেন্দ্রীয় কমিটি ও পলিটবুরো বি আর রংদিভের নেতৃত্বকে গ্রহণ করে।

রাজনী পাম দন্ত লন্ডনে থাকতেন। তিনি নেহরুর ভূয়সী প্রশংসা করলেন। জাতিপুঞ্জে নেহরুর ভূমিকারও প্রশংসা করেন তিনি।



তখন কমিউনিস্টরা ছিলেন নেহরুভক্ত, কিন্তু গান্ধী বিরোধী। আর সবচেয়ে বেশি বিরোধী ছিলেন সর্দার প্যাটেলের। কমিউনিস্ট পার্টির বক্তব্য ছিল, দলের বাইরে বামপন্থী কংগ্রেসের ভেতরকার প্রগতিশীল সবাইকে নিয়ে সরকার গড়তে হবে। তবে রণদিভে অবশ্য এই কংগ্রেস প্রেমের নীতি বদলে দেন। আবার ক্ষমতা হস্তান্তরের সময় মাউন্টব্যাটেন তো গান্ধীকেই দূরে সরিয়ে শেষ বোৰাপড়ায় নেহরুকে গুরুত্ব দেন। দেশভাগের সিদ্ধান্ত গান্ধীকে বাদ দিয়ে করা হয়েছিল। অমগ্নেশ ত্রিপাঠীর মতো ঐতিহাসিকও লিখেছেন, গান্ধীকে ঝ্যাকমেল করা হয়। দেশভাগ নিয়ে কথা বললে নেহরু-প্যাটেলরা ইস্তফা দেবেন এমন কথা গান্ধীকে বলা হয়েছিল।

আজ এত বছর পর নরেন্দ্র মোদী মানুষের সমর্থন নিয়ে এগোচ্ছেন। তিনি একদিকে আধুনিক নেতা। অর্থনীতিতে খোলাবাজারের সংস্কারে বিশ্বাসী। সরকারের সামন্ততাত্ত্বিক ভূমিকাকে তিনিও অনেকটাই খর্ব করে দিচ্ছেন। অন্যদিকে রাষ্ট্রকে শক্তিশালী করে তোলাও তাঁর অগ্রাধিকার। সাধারণ ভাবে মানুষ জাতি, রাষ্ট্র ও সরকার— এই তিনটি বিভাগকে একই বলে মনে করেন। আসলে সরকার প্রশাসনের কেন্দ্র, কিন্তু জাতি অনেকটা মনন্তাত্ত্বিক সন্তার মতো। জাতির শরীরের উপাদান রাষ্ট্র ও সরকার, কিন্তু জাতি মানে জাতীয়তার এক বিমূর্ত ধারণা। অ্যারিস্টটলের রাষ্ট্রতত্ত্ব ছিল জৈব তত্ত্ব। সেখানে রাষ্ট্র প্রাণীর শরীরের মতো। বস্ত্রের মতো। কিন্তু নেশনের ধারণা হলো পুঁজিবাদের উন্মেষের প্রাক লগ্নে উনবিংশ শতাব্দীর শুরুতে। আজ মোদী এই জাতি ও জাতীয়তা ভাবনার পুনঃ পর্যালোচনা শুরু করেছেন। এতে সমস্যা কোথায়? বালগঙ্গাধর তিলক বলেছিলেন, শুধু স্বরাজ্য নয় হিন্দু ধর্ম পুনঃ প্রতিষ্ঠার জন্য শিবাজীর আবির্ভাব। রবীন্দ্রনাথ লিখলেন, ‘তব ভাল উত্তাসিয়া তড়িৎ প্রভাব এসেছিল নামি /এক ধর্মরাজ্য’

পাশে খণ্ড, ছিন, বিক্ষিপ্ত ভারত বেঁধে দেবো আমি’ রবীন্দ্রনাথ একথা লিখেছেন, তবে মার্কসবাদীরা আজও শিবাজীকে বর্গী দস্যু বলে মনে করেন। পূর্ব ভারতে মুসলিম আলিবর্দি খাঁ তাদের আক্রমণ থেকে জনগণের জান-মান রক্ষা করেন। এখন প্রশংস্ত হলো, গোটা দেশের মানুষদের মধ্যে যদি অভিমত সংগ্রহ করা হয়, পরীক্ষা হয়, তাহলে আমার কিন্তু মনে হয় সাধারণ ভারতীয় আমজনতা শিবাজী মহারাজকে ‘দস্যু’ বলে মনে করে না। তিনি মুঘলদের সঙ্গে লড়াই করেছেন, আবার ব্রিটিশ বিরোধী লড়াইয়েও তো শিবাজীকে ব্যবহার করেছিলেন চরমপন্থী তিলক।

আজ এত বছর পর যদি ভারতের জাতীয়তাবাদের হিন্দু উপাদান নিয়ে নতুন করে আলোচনা শুরু হয়, তবে তা অবশ্যই স্বাগত জানানো প্রয়োজন। একটা ছোট পুরনো গল্প শুনিয়ে লেখা শেষ করব। ব্রিটেনের সংসদে গিয়েছিলেন ভারতের সাংসদদের এক প্রতিনিধি দল। তখন লোকসভার স্পিকার ছিলেন রবি রায়। ব্রিটেনে অবস্থানকাল ওই প্রতিনিধি দল একটি নেশভোজে গেছেন। দলে ছিলেন লালকৃষ্ণ আদবানি। টেবিলে ওর একপাশে বাসুদেব আচার্য, অন্যদিকে এক ইহুদি সাংসদ। টেবিলে খাবার দেওয়া শুরু হয়ে গেছে, কিন্তু কেউ আহারে হাত দিচ্ছেন না। আসলে প্রথা ছিল চ্যাপলিন আসবেন। প্রার্থনা হবে, তারপর সংসদীয় নেশ ভোজ শুরু। আদবানি বললেন, বাসুদেববাবু আপনি তো কমিউনিস্ট। নাস্তিক হওয়ার কথা। আর আপনি তো ইহুদি। তাহলে খামোখা খ্রিস্টান প্রথা সবাইকে মানতে হচ্ছে কেন? সে প্রশ্নের জবাব ছিল, লন্ডনে সংখ্যাগরিষ্ঠ সমাজ খ্রিস্টানদের। তাই সংসদে এই প্রথা। পাশ্চাত্যবাদী, ধর্মনিরপেক্ষতাবাদী ভারতীয়রা ব্রিটিশ প্রথা সম্পর্কে নীরব চিরকাল।

(লেখক বিশিষ্ট সাংবাদিক)



খুলো

সন্দীপ চক্রবর্তী

বয়েস বাড়লে দৃষ্টি না দৃশ্য কোনটা বেশি ঘোলাটে হয়ে যায়
রমেন রায়চৌধুরী ঠিক আন্দাজ করতে পারেন না। ঘরের
দুটো জানালাই খোলা। সেই কথন থেকে তিনি ঠাহর করার চেষ্টা
করছেন, এখন সকাল না সন্ধ্যা। কিন্তু দলা দলা কুয়াশা ছাড়া কিছুই
চোখে পড়ছে না।

কোনো শব্দ কি শুনতে পাচ্ছেন? কান খাড়া করলেন রমেনবাবু।
মনে হলো পাচ্ছেন। একটানা ঘড়ঘড় একটা শব্দ। এ শব্দ তার চেনা।

আশ্চর্ষ হলেন রমেনবাবু। যাক। আজ তা
হলে কফের জঞ্জলি সরিয়ে বুকের
ভেতর হাওয়া খেলছে। নয়তো এখনই
বুকে গরম তেল মালিশ করতে হতো।

এই এক জ্বালা। আলো আছে, মাটি
আছে, জল আছে, কিন্তু হাওয়া নেই।
অন্তত তার জন্য নেই। এ কী অনাসৃষ্টি
কাণ্ড রে বাবা! পৃথিবীতে প্রাণী থাকবে
আর তাদের নিঃশ্঵াস নেওয়ার জন্য
পর্যাপ্ত হাওয়া থাকবে না? এসব কথা
মনে পড়লে রমেনবাবু রেগে যান। চাকর
নন্দকে গালিগালাজ করেন। যেন নন্দ
জন্যই তার শাসকষ্ট।

সোনালদি গ্রামের লোকে বলে,
বুড়োর ভীমরতি ধরেছে। তাদের অবশ্য
দোষ দেওয়া যায় না। বয়েস হয়েছে বই
কী রমেনবাবুর। গত চৈত্রে পঁচাত্তরে পা
রেখেছেন। আধিব্যবিরও শেষ নেই।
তাপমাত্রায় সামান্য হেরফের হলেই
হাঁপের টান এমন পর্যায়ে পৌঁছয় যে মনে
হয় এ যাত্রায় বুবি আর টিকিলেন না।
কিন্তু শেষ পর্যন্ত টিকে যান। তার টিকে
থাকার রহস্যভেদ করতে না পেরে
গ্রামের ছেলেছেকরারা বলে, ‘উনি
কীভাবে যমদূতকে কলা দেখান উনিই
জানেন।’

কথাটা ঠিক। রমেনবাবু জানেন। তার
ধনুর্ভাঙ্গ পণ। যতদিন না তার নিরন্দিষ্ট
পুত্র শোভেন ফিরে আসে ততদিন তিনি
এ বাড়ি ছেড়ে কোথাও যাবেন না।
স্বর্গেও না।

উঠে বসলেন রমেনবাবু। এগাশ
ওপাশ নজর করে বুবালেন কুয়াশা আর
নেই। দিব্য দেখা যায়। হরিশচন্দ্রের সঙ্গে
চোখাচোখি হয়ে গেল। বিশাল
তৈলচিত্রের মধ্যে হাসি হাসি মুখে
তাকিয়ে আছেন। আগে বাবার ছবিতে
প্রণাম করে দিন শুরু করতেন রমেনবাবু।
এখন আর করেন না। মৃত্যুর মতো
মৃতদেরও তিনি মুছে ফেলতে চান।
হরিশচন্দ্রের পাশে আরও তিনটি বিশাল

তৈলচিত্র। শতাধিক বছরের দীর্ঘশ্বাসের
ভারে কালো হয়ে গেছে রংয়ের আঁচড়।
কেউ বলে দিলে জানা যায়, ছবিগুলো
রমেনবাবুর পিতামহ গোপালচন্দ্ৰ,
প্রপিতামহ অনুকুলচন্দ্ৰ এবং অতিবৃদ্ধ
প্রপিতামহ প্রতাপচন্দ্ৰের।

ছবি দেখতে দেখতে রমেনবাবু হঠাৎ
ক্ষিপ্ত হয়ে উঠলেন। রাগ নন্দর ওপর।
অনেকবার হতভাগা চাকরটাকে
ছবিগুলো জঞ্জলের গাদায় ফেলে
আসতে বলেছেন, কিন্তু সে ফেলেনি।
রাগের চোটে বিড় বিড় করতে থাকেন
রমেনবাবু। তোর কীসের এত টান রে
শুয়োর। ওই মানুষগুলো তোর কে?
যন্তসব মরাহাজা। আমাকে এখনও বিশ
বছর বাঁচতে হবে। শোভেনের হাতের
জল না খেয়ে আমি কোথাও যাব না।

রমেনবাবুর মনে হলো, খাট থেকে
নেমে বাইরে যাওয়া দরকার। কিন্তু সাহস
পেলেন না। খাটটা সাধারণ খাট নয়।
পালক বিশেষ। হরিশচন্দ্রের বিবাহে
দানসামগ্ৰীৰ সঙ্গে এসেছিল। রমেনবাবুর
মা তৰুবালা তখন তেরো বছরের
কিশোরী। মেয়ে এত উঁচু পালকে উঠতে
পারবে না বলে রমেনবাবুর দাদামশাই
অবিনাশ মিন্তিৰ একটা নীচু জলচোকি
তৈরি করিয়ে পাঠিয়ে দিয়েছিলেন।
তৰুবালা জলচোকিতে পা দিয়ে পালকে
উঠতেন।

রমেনবাবুর জীবনে ওঠার মতো আর
কোনও শীর্ষদেশ অবশিষ্ট নেই। এখন
শুধুই নামা। কিন্তু তার জন্যও তো নন্দর
হাত, নয়তো তৰুবালার জলচোকিৰ
প্ৰয়োজন। অন্যথায় ভাৱসাম্য রাখতে না
পেরে মাথা ঘুৱে পড়ে যেতে পাৱেন।
তিতিবিৱৰ্ণ হয়ে রমেনবাবু হাঁক
পাড়লেন, ‘নন্দ! অ্যাই নন্দ!’

নন্দর সাড়া পাওয়া গেল না। তার
বদলে সাড়া দিল একটা কুকুর।

রমেনবাবু বুবালেন নন্দ বাড়িতে নেই।
সদৰ দৱজা আগলে বসে আছে ফুলি। এ

পাড়াৰ মাদি কুকুর। ফুলিকে ট্ৰেনিং
দিয়েছে নন্দ। সে কোথাও গেলে ফুলি
রমেনবাবুকে জানিয়ে দেয় নন্দ বাড়িতে
নেই। তবে ফিরে আসবে এখনই।

টুকিটাকি কিছু কেলাকাটা করে নন্দ
যথাকে বাড়ি ফিরল, রমেনবাবু তখনও
খাটের ওপর থম মেৰে বসে আছেন।
চৰাচৰে লেপ্টে থাকা কুয়াশা এখন আৱ
একেবাৱেই নেই। জানলার ওপারে
ৱায়চোধুৰীদেৱ বিশাল জমিদারবাড়িৰ
ধৰংসাৰশেষ। সোনালদি, বোষ্টমপাড়া,
সোনারচক, বাবুডাঙ্গাৰ লোকেৱো এখনও
এই বাড়িকে বলে রাজবাড়ি। অথচ যে
দৱবাৱঘৰে বসে প্ৰজাশাসন কৰতেন
অনুকুলচন্দ্ৰ সেখানে এখন সাপখোপেৰ
আড়ডা। বিশাল বিশাল বট আৱ অশ্বথ
ছাদ ফাটিয়ে মাথা তুলেছে আকাশে।
বেঁচেবৰ্তে থাকা দুটি মাত্ৰ ঘৰে রমেনবাবু
আৱ নন্দ থাকেন।

পায়ের শব্দ পেয়ে রমেনবাবুৰ সম্বিত
ফিরল। নন্দকে দেখে দাঁতমুখ খিঁচিয়ে
বললেন, ‘এই যে আমাৱ লাটসাহেব!
কোন রাজকাৰ্যটা কৰছিলেন শুনি?’

এই ধৰনেৰ সম্ভাষণেৰ সঙ্গে নন্দ
পৰিচিত। চল্পিশ বছৰ হয়ে গেল তাৱ এ
বাড়িতে। রমেনবাবুৰ স্ত্ৰী অঘূৰ্ণৰ্গাকে
সাহায্য কৰাৱ জন্য দশ বছৰ বয়সে
এসেছিল। তাৱপৰ কত কী ঘটে গেল।
শোভেন গৃহত্যাগ কৱল। অঘূৰ্ণ মাৱা
গেলেন। ধৰংসন্তুপে পৱিণত হলো
ৱায়চোধুৰীদেৱ সাধেৱ রাজবাড়ি। থেকে
গেলেন শুধু রমেন ৱায়চোধুৰী। তাৱ
আশা শোভেন ফিৱে। এবং ছেলেকে
দেখে তিনি শাস্তিৰে মৰতে পাৱেন।

গালিগালাজ শুনে প্ৰথম প্ৰথম নন্দৰ
ৱাগ হতো। এখন দুঃখ হয়। কৱণা হয়
মানুষটাৰ জন্য। সে শাস্তি গলায় বলল,
‘কয়েকটা জিনিস ফুৱিয়ে গিয়েছিল। তাই
দোকানে গিয়েছিলুম।’

‘দোকানে গিয়েছিলুম— তোকে এই
ছবিগুলো ফেলে দিতে বলেছিলুম।

ফেলিসনি কেন?’

‘আজ্জে, পূর্বপুরুষের ছবি ফেলে
দেবেন?’

‘আমার পূর্বপুরুষের ছবি আমি ফেলে
দেব তাতে তোর বাপের কী রে শালা! যা
বলছি তাই করবি’

নন্দ কাঁচুমাচু ভঙ্গিতে বলল, ‘বলছেন
যখন তাই করব। ছবি না থাকলে গাল
পাড়বেন কাকে?’

কেমন যেন থিতিয়ে গেলেন
রমেনবাবু। কথাটা ভুল বলেনি নন্দ।
কাউকে পোড়াতে না পারলে তো
নিজেই নিজের আগুনে জুলেপুড়ে ছাই
হয়ে যাবেন। বিচারক এসে দেখবে
অপরাধী নেই। শান্তিই সার হবে, জীবনে
ক্ষমা আর জুটবে না।

রাজবাড়ির ধ্বংসস্তুপের দিকে
তাকিয়ে রমেনবাবু মন্দ গলায় বললেন,
'তুই এখন যা নন্দ। আমায় একা থাকতে
দে।'

দুই

বর্ষার শুরুতেই ক'দিন বেশ
বৃষ্টিবাদলা হয়ে গেল। শীত আর বর্ষাকে
নন্দর বেশি ভয়। এই সময় রমেনবাবু খুব
কষ্ট পান। এবারও তার ব্যক্তিক্রম হলো
না। অসুস্থ হয়ে পড়লেন রমেনবাবু।

নিদারণ শাসকক্ষে কথা বন্ধ হয়ে
গেল। সারাদিন বাতাসের খোঁজে মানুষটা
ছটফট করেন আর বোবা চোখে চেয়ে
থাকেন দূরে। এ দৃষ্টি নন্দ চেনে।
মৃত্যুপথাত্মী মানুষ মুক্তির জন্য স্টোরকে
ডাকে। রমেনবাবুর স্টোর নেই। শোভেন
আছে। রমেনবাবু ছেলেকে ডাকেন।
একমাত্র সেই পারে অনুশোচনায়
জজরিত মানুষটাকে মুক্তি দিতে।

সোনালদির সবে ধন নীলমণি ডাক্তার
অবনী ঘোষ ভালো করে দেখেশুনে
বলল, ‘আমি ওযুধ দিতে পারি নন্দ, কিন্তু
রোগ সারাতে পারব না। ওটা তোর কাজ

তোকেই করতে হবে।’

নন্দ কিছু বলল না। কারণ কথাটা
নতুন নয়। একবার হঠাতেই সে আজগুবি
এক চিকিৎসা পদ্ধতি আবিষ্কার করে
ফেলেছিল। অবনী ঘোষের নির্দেশে
সেবারই প্রথম অঙ্গিজেনের সিলিঙ্গার
এসেছিল বাড়িতে। কিন্তু দিনরাত নলের
হাওয়া টেনেও রমেনবাবুর বুকের গুমোট
কাটেনি। নেতৃত্বে পড়া বৃদ্ধের বুকে
গরম তেল মালিশ করতে করতে
এমনিতেই নন্দ অনেক কথা বলে। সেদিন
কী হয়েছিল কে জানে, আচমকা বলে
ফেলেছিল, ‘আপনার এরকম বিছানায়
পড়ে থাকা চলবে না। উঠে বসতে হবে।
শোভেনদা এসে যদি আপনাকে এই
অবস্থায় দেখে কত কষ্ট পাবে বলুন তো।’

সেবার এই ঘটনার দুদিন পরেই উঠে
বসেছিলেন রমেনবাবু। ব্যাপার-স্যাপার
দেখে একদম ভ্যাবলা হয়ে গিয়েছিল
নন্দ। এ আবার কী কাণ্ড রে বাবা!
ভোজবাজি নাকি? তার সামান্য একটু
সান্ত্বনায় কী আছে যে রমেনবাবু এরকম
চাঙ্গা হয়ে উঠলেন? অবনী ঘোষ বুবাতে
পেরেছিল রহস্যটা। বুবিয়ে দিয়েছিল
নন্দকে। তারপর রমেনবাবু যতবার অসুস্থ
হয়েছেন অবনী ডাক্তার শুধু ওষুধ
দিয়েছে। আর নন্দ দেখিয়েছে স্বপ্ন। যে
মায়ার বাঁধনে রমেনবাবুর জীবন বাঁধা,
তাতে দিয়েছে গিঁট। গিঁটের পরে নতুন
গিঁট। বাঁধন শক্ত হতেই রমেনবাবুর
শাসকষ্ট একটু একটু করে হাওয়ায়
মিলিয়ে গেছে। উঠে বসেছেন তিনি। সুস্থ
হবার পর যথেচ্ছ গালাগাল দিয়েছেন
নন্দকে। মানুষটাকে মৃত্যুর হাত থেকে
ফিরিয়ে আনতে পারার আনন্দে ভরে
গেছে নন্দর মন।

এইভাবেই চলছে গত পাঁচ বছর।
অবনী ডাক্তার চলে যাবার পর নন্দ
কাজে লেগে পড়ল। এই শরীরে
রমেনবাবুর স্নান করা চলে না। কিন্তু দাঢ়ি
কামিয়ে দিতে হবে। নয়াতো খেতে

পারবেন না। নন্দ বসল দাঢ়ি কামাতে।
তারপর রাত্তা। গলা ভাত আর জিরে
পাঁচফোড়ন দিয়ে বানানো চারা মাছের
চোল। মা যেভাবে সন্তানকে খাওয়ায়,
সেইভাবে খাওয়াতে খাওয়াতে নন্দ শুরু
করল তার ডাক্তারি, ‘শোভেনদার জন্য
আমার দৃঢ়খ হয়। আপনাকে কী দেখে
গিয়েছিল আর এবার এসে কী দেখবে!
মনে আছে, একসময় আপনি ঘোড়ায়
চড়তেন? তখন এ তল্লাটে গাঢ়ি ছিল না।
আপনার শুধু একটা সাদা রংয়ের ঘোড়া
ছিল। বাপ রে, সে ঘোড়ার কী তেজ!
হাওয়া কেটে তিরের মতো ছুটত।
শোভেনদার ঘোড়ায় চড়ার খুব শখ ছিল।
আপনি শিখিয়ে দিয়েছিলেন। শোভেনদা
ফিরে এসে যদি দেখে আপনি...’

আচমকা থেমে গেল নন্দ। ভালো
করে দেখল রমেনবাবুকে। আশ্বস্ত হলো
দেখে। দৃষ্টিটা আগের থেকে জীবন্ত।
ঠোঁটের কোণে অল্প একটু হাসির আভাস।
অর্থাৎ ডাক্তারিতে কাজ দিয়েছে।
এইভাবে চালাতে হবে দুর্তিনিন। তবে
রমেনবাবু কথা বলবেন। এই ব্যাপারটা
নন্দ ভালো বোঝে না। হাঁপের রংগি তো
সে কম দেখেনি। সোনালদিতেই তো
দুজন আছে। টান উঠলে তাদের কারও
কথা বন্ধ হয় না। কিন্তু রমেনবাবুর হয়।
অবনী ডাক্তারকে জিজেস করলে বলে,
'তোর অত জানার দরকার কী বাপু। তুই
যেমন ডাক্তারি করিস, করে যাবি। দেখবি
চলে যাওয়া কথা আবার ফিরে এসেছে।'

তা, ফিরে আসে বটে। কিন্তু কেন চলে
যায় জানতে পারলে নন্দ কখনো যেতেই
দিত না। রমেনবাবুর ঠোঁটের কোণে
হাসির ঝিলিকটুকু দেখতে দেখতে নন্দ
ফিরে গেল ডাক্তারিতে, ‘আমার কথা
শুনে হাসি পাচ্ছ বুঝি! কেন, হাসি
পাচ্ছ কেন? শোভেনদা কি ফিরবে না?
সময় হয়ে গেছে। না এসে যাবে
কোথায়?

দুর্দিন পর রমেনবাবু সুস্থ হলেন।

সাধারণত রোগভোগের পর কথাবার্তা কর বলেন। কিন্তু এবার কথা ফিরে আসা মাত্র হাঁকড়াক শুরু করে দিলেন। নন্দকে ডেকে বললেন, ‘পশ্চিতকে একবার খবর দে।’

কথাটা নন্দর পছন্দ হলো না। পশ্চিত মানে শশধর মুখোপাধ্যায়। হাড়ে হারামজাদা শয়তান একটা।

জ্যোতিষীগিরির নাম করে লোক ঠকায়। নন্দ দুঁচক্ষে দেখতে পারে না। কিন্তু রমেনবাবুর খুব বিশ্বাস। প্রত্যেকবার অসুখ থেকে ওঠার পর একবার ডাকবেনই। কাজ কিছুই না। শোভনের ঠিকুজিটা এগিয়ে দিয়ে জিজ্ঞাসা করবেন, ‘কবে আসবে বলে মনে করছ?’ শশধর বানু মাল। হাবিজাবি নানান অঙ্ক কর্যে বলবে, ‘আজ্জে, এ বছরই একটা এসপার-ওসপার হয়ে যাবে কর্তা। আপনি কিছু ভাববেন না।’ তারপর পপগশ টাকা ট্যাঁকে গুঁজে চাটিতে ফটাস ফটাস আওয়াজ করে পিঠাটান দেবে।

নন্দ বেজার মুখে বলল, ‘ওকে আবার কেন? যা বলে কিছুই তো মেলে না।’

রমেনবাবু চটে গেলেন, ‘তুই থামবি! ফলিত জ্যোতিমের কী বুবিস তুই? বাজে না বলে এখনই যা। বল, খুব জরুরি দরকার। আজই যেন একবার আসে।’

শশধর এলো বিকেলে। রোগা সিডিসে চেহারা। মাথাটা শরীরের তুলনায় বড়ো। বয়স যাটের ওপরেই হবে। নাকের ডগায় নেমে আসা চশমাটা পিছনে ঠেলে দিয়ে সে ঠিকুজি পরীক্ষা করতে বসে গেল।

‘কেমন আছে সেটা কি বলা যাবে?’
রমেনবাবু জিজ্ঞাসা করলেন।

শশধর অমায়িক হেসে বলল, ‘ছেলে আপনার ভালোই আছে কর্তা। ভালো চাকরি করছে। ছেলেপুলে পরিবার নিয়ে তার বেশ সুখের জীবন।’

রমেনবাবু বেশ উৎফুল্প হয়ে উঠলেন, ‘তাই নাকি! তা, সেটাই তো জীবনে

দরকার। সুখ না থাকলে জীবনে আর কী থাকল! সোনালদিতে কবে আসবে কিছু দেখতে পাচ্ছ?’

‘রথযাত্রার আগে আপনার বাড়িতে একটা পুত্র সমাগম যোগ আছে। তবে একটা কথা কর্তা। অভয় দেন তো বলি।’

‘হ্যাঁ, হ্যাঁ, বলো না—’

শশধর চশমার কাঁচ মুছে বলল, ‘যোগ যা আছে তা আছে। কিন্তু শুধু যোগে তো কাজ হয় না। তাকে কাজে লাগাতে গেলে কিছু উদ্যোগ আয়োজন করতে হয়।’

‘হেঁয়ালি রাখো পশ্চিত। যা বলার স্পষ্ট করে বলো।’

‘আজ্জে কর্তা, গাছের আম গাছ তো আর আপনার হাতে দিয়ে যায় না। গাছের ডাল থেকে পাড়তে হয়। আমার কথার গ্যারিন্টি যদি চান তা হলে একটা পুত্রমঙ্গল যজ্ঞ করে ফেলুন। দেখবেন, পরের দিনই ছেলে আপনার বাবা বলে এসে পেমাম করবে।’

দু'দিন ধরে চিন্তা করলেন রমেনবাবু। শশধর এ প্রস্তাব আগেও দিয়েছে। তখন তিনি রাজি হননি। কিন্তু এবার পুত্রসমাগম যোগ রয়েছে। এই সময় যজ্ঞটা যদি করে নেওয়া যায় তা হলে হয়তো সত্যিই কাজ হবে।

একটা সুখের মুহূর্ত তৈরি হলো বটে, কিন্তু বেশিক্ষণ স্থায়ী হলো না। টাকার চিন্তা বড়ো হয়ে উঠল। যজ্ঞ করার টাকা পাবেন কোথায়? জমিদার বাড়ির ছেলে বলে জীবনে চাকরি-বাকরি করেননি।

ব্যবসাবুদ্ধিও ছিল না। পূর্বপুরুষের রেখে যাওয়া সম্পত্তি ভেঙে চালিয়েছেন চিরকাল। সুখ-অসুখ, পালা-পার্বণ, বারব্রত থেকে শুরু করে শোভনের লেখাপড়া পর্যন্ত সবই হয়েছে সংধর্য ভেঙে। এখন থাকার মধ্যে আছে বিঘে তিনেক ধানজমি, এই রাজবাড়ি আর ব্যাঙ্কে কয়েক হাজার টাকা। এ হেন কুবেরের পঁজি ভাঙলে দুটি প্রাণীর চলে কী করে!

সিদ্ধান্ত নিতে না পারলে রমেনবাবু উত্তেজিত হয়ে পড়েন। অঘপূর্ণার কথা মনে পড়ে। আজ সে যদি থাকতো তা হলে পরামর্শ করতে পারতেন। সবাই তাকে এই ধ্বংসুপে একলা রেখে কেটে পড়েছে। অভিমানে রমেনবাবুর চোখের পাতা ভিজে গেল।

সঙ্গে নামতে আর বিশেষ দেরি নেই। পূর্বদিকের মহলের হেলে পড়া বারান্দার দিকে অন্যমনস্ক ভঙ্গিতে তাকিয়ে ছিলেন রমেনবাবু। হঠাতে কে যেন বলল, ‘আমাকে কেন দোষ দিচ্ছ বাবা? আমি তো তোমাকে ছেড়ে যাইনি। তুমই আমাকে চলে যেতে বলেছিলে।’

চমকে উঠলেন রমেনবাবু। কে কথা বলল? শোভন ফিরে এলো নাকি? ঘরের ভেতর পাতলা অন্ধকার। নন্দ বোধহয় বাইরে গেছে। আলো জ্বালা হয়নি। হরিশচন্দ্রের পালকে বসেই রমেনবাবু হাঁক দিলেন, ‘শোভন এলি? কোথায় তুই বাপ! আমার সামনে আসছিস না কেন?’

কেউ সাড়া দিল না। অন্ধকারে নিজেকে ছাড়া আর কাউকে খুঁজে পেলেন না রমেনবাবু। শোভন আসেনি। তিনি ভুল শুনেছেন। এরকম আজকাল হয়। বাস্তব আর কল্পনায় কেনো পার্থক্য থাকে না।

কিন্তু শোভন না আসুক, যে কথা রমেনবাবু শুনলেন সেটা কি মিথ্যে? শোভন তো তারই কথায় বাড়ি থেকে চলে গিয়েছিল। রমেনবাবু পুরের মহলের দিকে তাকালেন। কিন্তু কিছুই দেখতে পেলেন না। অন্ধকারে সব ডুবে গেছে।

তিন

রাজবাড়ির ভাঙা বারান্দা অন্ধকারে ডুবে যায় বটে, কিন্তু অতীত ডোবে না। সে তার নিজস্ব আলো জ্বলে ঠিকই

ভেসে থাকে। অনুশোচনায় দক্ষ হন্দয় বারবার সেই আলোর সামনে নতজানু হয়।

রমেনবাবু নিজেকে প্রশ্ন করেন, ‘আজ আমি এই রাজবাড়ির মতো ধূলো হয়ে গেছি। কিন্তু সেদিনও কী তাই ছিলাম?’

না, সেদিন তিনি অন্যরকম ছিলেন। বিপরীতও বলা যায়। তার জেদ ছিল। অহংকার ছিল। বংশগৌরব ছিল। কিন্তু সাহস ছিল না। সেই মারাত্মক অসংগতি দেকে রাখার জন্য তিনি গ্রামের মেঠো রাস্তায় ধূলো উড়িয়ে ঘোড়ায় চড়ে ঘুরে বেড়াতেন। রাইফেল কাঁধে নিয়ে শিকারে যেতেন। জমিদারি প্রথা বিলুপ্ত করে দিয়েছিল সরকার। সংস্কারের আভাবে রাজবাড়িও একটু একটু করে ভেঙে পড়ছিল। তবুও তিনি বাইরের ঠাঁট বজায় রেখেছিলেন।

প্রায় অচল হতে বসা সংসারটা একার হাতে আগলে রেখেছিলেন অন্নপূর্ণ। না, অলস কমবিমুখ স্বামীর পূর্বপুরুষের রেখে যাওয়া সম্পত্তি ভেঙে মাছের মুড়ে খাওয়ার প্রতিবাদ তিনি কখনো করেননি। তার স্ত্রী-ধর্মে স্বামী দেবতা। দেবতার অপরাধ উপেক্ষণীয়। স্বাভাবিক ভাবেই শোভনের লেখাপড়ার জন্য তাকে অনেকবার গয়নার বাক্সে হাত দিতে হয়েছে। শোভন প্রতিবাদ করলে হেসে বলতেন, ‘এত গয়না আমার কী হবে ভানু! ওই সাতনির হার আর কক্ষন চারটে থাকলেই হলো। ওগুলো দিয়ে আমি তোর বউয়ের মুখ দেখব।’

শোভন কিছু বলত না। অন্নপূর্ণ বউয়ের প্রসঙ্গ তুলেই সে মনে মনে একটা মুখের ছবি আঁকত। কৃষকলি এক তরঙ্গীর মুখ। আয়ত চোখ। কোমর ছাপানো চুল। শরীরের গড়ন খাজুরাহোর যক্ষিণীর মতো। নাম রূপমতী। সাঁওতাল পল্লির মেয়ে রূপমতী। তার অঙ্গে অঙ্গে বারনার উচ্ছাস। হাসিতে মহয়ার নেশা। চুলে করোঞ্জ ফুলের বুনো গন্ধ।

রূপমতীকে ছাড়া অন্য কাউকে বউ করার কথা ভাবতে পারত না শোভন।

অন্নপূর্ণির কথায় সে তার অনাগত সুখের কল্পনায় বুঁদ হয়ে থাকত।

পঁচিশ বছর আগের কথা। সোনালদির পশ্চিম দিকে তখন দুর্ভেদ্য জঙ্গল। এ দিককার লোকে বলে শালোপাড়ার জঙ্গল। শালগাছের প্রাচুর্যের কারণে এরকম নাম হয়ে থাকতে পারে।

রমেনবাবুর প্রায়শই শালোপাড়ার জঙ্গলে যেতেন পাখি শিকার করতে। সঙ্গে অ্যাসিস্ট্যান্ট নন্দ। গাছের ডালে বসা পাখি গুলি খেয়ে মাটিতে পড়লেই রমেনবাবু বলতেন, ‘নিরীহ পাখি মারতে আর ভালো লাগে না। বাঘ-ভালুক না মারলে আর কীসের শিকারি।’

নন্দ মনে মনে হাসত। মুখে কিছু বলত না।

রমেনবাবুর মৃগয়াক্ষেত্র ছিল লোনাপানির খাল পর্যন্ত। খাল পেরিয়ে ওপারে যাওয়ার সাধ্য রমেনবাবুর ছিল না। ওপারে সাঁওতালদের প্রাম। গ্রামের নাম খালের নামে। লোনাপানি। খালপাড় দাঁড়িয়ে রমেনবাবু বলতেন, ‘আর ওদিকে নয় নন্দ। এবার ফিরে চল।’

এই সীমালঞ্জন না করার পিছনে একটা ইতিহাস আছে। সাঁওতালরা সাধারণত শান্তশিষ্ট প্রকৃতির হয়। লোনাপানির সাঁওতালরাও তাই ছিল। নির্বিরোধী, শান্তিপ্রিয় আর প্রভুভুক্ত। শাসকের সঙ্গে তারা কোনোদিন বিশ্বাসঘাতক করেনি। দায়ে দরকারে জীবনপণ করে রক্ষা করেছে জমিদারকে। সেইসময় জমিদারদের নিজস্ব লেঠেল বাহিনী থাকত। দুর্বিনীত প্রজাদের মেরে ধরে বাগে আনাই ছিল তাদের কাজ। অনেক সময় আশপাশের অন্য জমিদারদের বাড়িতে ভাকাতির কাজেও ব্যবহার করা হতো লেঠেলদের। তবে সোনালদির লেঠেলদের প্রজাপীড়ন ছাড়া অন্য কোনো কাজ ছিল না।

প্রতাপচন্দ্রের আমলে কাজের পরিধি বাড়ল। প্রতাপচন্দ্র ছিলেন যেমন অত্যাচারী তেমনই লম্পট। বিশ্টা গ্রাম নিয়ে তার জমিদারি। নিজের জমিদারিতে কোনো সুন্দরী যুবতীর সন্ধান পেলে তার আর রক্ষে ছিল না। লেঠেলরা গিয়ে তাকে তুলে নিয়ে আসত। মেয়েটির বাবা, মা, ভাই— যেই বাধা দিক তার গঙ্গাযাত্রা ছিল অবধারিত। তারপর বাবুর শখ মিটে গেলে মেয়েটিরও ঠাঁই হতো লোনাপানির জলে। প্রজাকে মানুষ ভাবার শিক্ষা প্রতাপচন্দ্রের ছিল না। বরং তাদের কাঁটপতঙ্গের মতো অকিঞ্চিতকর ভেবে তিনি বেশ আমোদ অনুভব করতেন।

সাঁওতাল মেয়েদের ওপর প্রতাপচন্দ্রের নজর প্রথমেই কেন পড়েনি সেকথা বলা মুশকিল। তবে প্রথমে না পড়লেও একসময় পড়ল। আর একবার পড়ার পর পড়তেই থাকল। আনপড় জংলি সাঁওতালদের অনুনয় বিনয় প্রার্থনায় কান দেবার লোক প্রতাপচন্দ্র নন। তিনি জমিদার। প্রজার সঙ্গে তার খাদ্য-খাদক সম্পর্ক। তিনি ভেবেছিলেন এইভাবেই চলবে। কিন্তু চলল না। কখন সাঁওতালদের চাপা ক্ষেত্র বিদ্রোহে রূপান্তরিত হয়েছে, আর কখনই বা কেষ্টঠাকুরের মতো বাঁশি বাজিয়ে ফেরা সাঁওতাল যুবক সন্নাতন টুড় সেই বিদ্রোহের নায়কে পরিণত হয়েছে— প্রতাপচন্দ্র তার কোনো খবরই রাখতেন না। খবর পেলেন তখন, যখন তার অষ্টমবর্ষীয় পুত্র বিলাসচন্দ্র অপহৃত হলো। এবং যখন খাস দরবারে এসে সন্নাতন তার সামনে দাঁড়িয়ে বলল, ‘বিলাসবাবু আমাদের কাছে আছে বটেক। যদি তুই আমাদের কুনো মেইয়াছ্যালের ক্ষতি করিস তা হলে আমরা উয়ারে কেটে ভাসায়ে দুবো।’

প্রতাপচন্দ্র একমাত্র সন্তানের কথা ভেবে বিচলিত হয়ে পড়লেন। নিরীহ

সাঁওতালরা যে এমন কাণ্ড ঘটাতে পারে তিনি স্বপ্নেও কখনো ভাবতে পারেননি। বিলাসকে অক্ষত অবস্থায় ফিরিয়ে আনাই তখন তার প্রধান দায়িত্ব। তিনি প্রতিশ্রুতি দিলেন সাঁওতাল মেয়েদের কোনো ক্ষতি হবে না। কিন্তু সনাতন টুড়ু এবং তার দলবল মুখের কথায় বিশ্বাস করতে রাজি হলো না। তাদের সাফ কথা, অন্তত দু'বছর বিলাস লোনাপানিতে জামিন হিসেবে থাকবে। এর মধ্যে প্রতাপচন্দ্র যদি প্রতিশ্রুতি ভঙ্গ না করেন তা হলে সাঁওতালরা বিলাসকে মুক্তি দেবার কথা ভাববে।

দরবারের সবাইকে হতভম্ব করে দিয়ে সনাতন টুড়ু বিদ্যায় নিল।

সেই রাতেই শালোপাড়ার জঙ্গল মুখর হয়ে উঠল। দশজন বাছাই করা লেঠেল আর চারজন বন্দুকবাজ রণন্ধন দিল লোনাপানির দিকে।

সিদ্ধান্তটা কিছুটা হঠকারী। রাতের জঙ্গলে সাঁওতালদের তিরধনুকের সঙ্গে মাত্র চারটে বন্দুক নিয়ে লড়াই করা বেশ কঠিন। লাঠি এ ক্ষেত্রে ধর্তব্যের মধ্যেই পড়ে না। প্রতাপচন্দ্র হিতাহিত জ্ঞানশূন্য হয়ে পড়েছিলেন। বিলাসচন্দ্রের জন্য দুর্বিস্থ তো ছিলই। তার সঙ্গে ছিল অপমানের জ্বালা। অজ্ঞাতকুলশীল এক সাঁওতালের বিদোহ তিনি যদি দমন করতে না পরেন, তা হলে রায়চৌধুরীদের মানমর্যাদা বলে আর কিছু থাকবে না। জমিদারি রক্ষা করাই দায় হয়ে উঠবে।

পরিকল্পনা অবশ্য খাটল না। রাত্রি তৃতীয় প্রহরে চারটে ডিঙি নৌকো ঘাটে এসে লাগতেই ছুটে এলো ঝাঁকে ঝাঁকে তির। লেঠেলদের সদর গগেশ মণ্ডল ‘মাগো’ বলে পড়ে গেল লোনাপানির জনে। বন্দুকধারীরা গুলি ছুঁড়ল বটে, কিন্তু কাকে লক্ষ্য করে ছুঁড়ল তারাই জানে। প্রতাপচন্দ্র যে বামেলা বাঁধাবেন, সনাতন আগেই বুবাতে পেরেছিল। সে আর তার

সঙ্গীরা ডেরা বেঁধেছিল গাছের ডালে। খেলা শেষ করতে তাদের আধষ্টণ্টাও লাগল না।

পরেরদিন খবরটা হাওয়ার চেয়েও দ্রুত গতিতে ছড়িয়ে পড়ল।

প্রতাপচন্দ্র ভেতরে ভেতরে ভেঙ্গে পড়েছিলেন। বিলাসকে কী করে ফিরিয়ে আনবেন সেই ভাবনা ছাড়া তিনি অন্য কিছু ভাবতে পারছিলেন না। বৃদ্ধ নায়ের রাধামোহনকে পাঠালেন সনাতনকে বুবিয়ে সুবিয়ে নিরস্ত করার জন্য। কিন্তু সনাতনকে টলানো গেল না।

রাধামোহনকে সাঁষ্টাঙ্গে প্রণাম করে সনাতন বলল, ‘তু বড়ো ভালো লোক ঠাকুর। তুর পায়ের ধূলো মাথায় ঠেকাইলে জীবনটা ধন্য হইয়ে যায়। কিন্তু তু রাজারে বিশ্বাস লাই। উয়ারে বলে দিস, যে কথা কইয়া দিছি তার লড়চড় হবেক লাই। বিলাস জামিন থাইকবেক।’

তখন ব্রিটিশ আমল। আর কোনো উপায় না দেখে প্রতাপচন্দ্র ব্রিটিশ সরকারের শরণাপন্ন হলেন।

ম্যাজিস্ট্রেটের নির্দেশে পুলিশ সুপার মার্টিন হাইটম্যান নিজে এলেন তদন্ত করতে। সনাতনের ভাগ্য ভালো জাতে ব্রিটিশ আর কর্মসূত্রে পুলিশ অফিসার হলেও মার্টিন হাইটম্যান স্বভাবে ছিলেন ভদ্রলোক। না হলে সনাতনের ফাঁসি কেউ ঠেকাতে পারত না। প্রতাপচন্দ্র সেরকম প্রস্তাবই করেছিলেন। শুধু বিলাসকে ফিরে পেলে তার কাজ চলে না। জমিদারের মর্যাদাও ফেরত পাওয়া দরকার। তার জন্য সনাতনের গলায় দড়ি বেঁধে গাছের ডালে বুলিয়ে দেওয়াই সব থেকে ভালো উপায়। কিন্তু প্রতাপচন্দ্রের এক লক্ষ টাকা উৎকোচ গ্রহণের প্রস্তাব সবিনয়ে প্রত্যাখ্যান করে মার্টিন হাইটম্যান বললেন, ‘টেন সনাতন উইল বি বৰ্ন ফলোইং দা দেথ অব ওয়ান সনাতন। ইউ ওয়ান্ট বি এব্ল টু বাই টেন মোৰ লাইভস বাবু! উতনা রংপেয়া তুমহারে

পাশ নেহি হ্যায়। তার চেয়ে হামাকে কাম করিতে দাও।’

সনাতনকে ডেকে পাঠানো হলো। উনবিংশ শতাব্দীর শেষ দিকে ব্রিটিশ পুলিশ অফিসারের ডাক উপেক্ষা করা তত সহজ ছিল না। সনাতনও সে দুঃসাহস দেখালো না। মার্টিন হাইটম্যান বললেন, ‘হাম তুমহারা পিতা সমান হ্যায়, মাই বয়। কোনো অন্যায় ঘটিলে সোজা হামার কাছে আসিবে। আয়াম আ ক্যাথলিক ক্রিশ্চান। আই সোয়ার ইউ, নাথিং রং উইল হ্যাপেন।’

সনাতন ভাষা বুবাল না বটে, কিন্তু ভাব বুবাল। হাইটম্যান সাহেবের মধ্যস্থতায় স্থির হলো, রায়চৌধুরী বংশের কেউ লোনাপানির খাল পেরিয়ে সাঁওতালদের প্রামের দিকে যাবে না। নায়ের রাধামোহন যেতে পারবেন। তার হাতেই খাজনা তুলে দেবে সাঁওতালরা।

বাবার হাত ধরে বিলাস ফিরে এলো। কিন্তু জমিদারের ভয়ে বাঘে আর গোরতে এক ঘাটে জল খাওয়ার হাড় হিম করে দেওয়া প্রবাদটা আর তত ভয়ঙ্কর থাকল না।

তারপর অনেকগুলো দশক কেটে গেছে। সোনালদি প্রামের অনেকটাই পরিবর্তন হয়েছে। কিন্তু একটা ব্যাপার অপরিবর্তনীয় থেকে গেছে। প্রতাপচন্দ্রের পর রায়চৌধুরী বংশের আর কোনো পুরুষ হাইটম্যান সাহেবের টেনে দেওয়া লক্ষণেরখে পেরিয়ে লোনাপানি প্রামে যাওয়ার সাহস দেখাননি। বস্তুত তারা ছেটবেলা থেকেই একটা ভয়কে সংক্ষারে মতো লালন-পালন করতেন। যেন সাঁওতাল পল্লী একটা বর্জিত এলাকা। সেখানে গেলে মানুষ আর ফেরে না। কালক্রমে রায়চৌধুরীদের জমিদারির ভিত্তি আরও দুর্বল হয়েছে। এবং তার সমান ও বিপরীতমুখী প্রতিক্রিয়ায় সংক্ষারের ভিত্তি হয়েছে



আরও মজবুত।

সেই মজবুত ভিত্তে শোভেন প্রথম
আঘাত হেনেছিল। কারণ রূপমতী
সনাতন টুড়ুর বৎশের মেয়ে। শোভেন
তাকে ভালোবাসে জানার পর রূপমতী
খোলসা করেই তার পরিচয় দিয়েছিল।
শোভেন বিন্দুমাত্র বিস্মিত হয়নি। যে
কোনো মানুষের একটা পারিবারিক
অতীত থাকবে। পরিচয়ও থাকবে।
এমনই স্বাভাবিক বিশ্বাসে বলেছিল,
'আমি তোমাকে ভালোবাসি রূপা। বিয়ে
করতে চাই। তাই অতীতকে ভয় করে
চলার কোনো দায় আমার নেই।'

বাড়িতে এই সম্পর্কের কথা জানত
একমাত্র নন্দ। বেশ কয়েকবার সে
শোভেনের দৃতের কাজ করেছে। কিন্তু
রমেনবাবু বা অন্নপূর্ণাকে বিন্দুবিস্র্গ

বুবাতে দেয়নি।

তবু রমেনবাবু একদিন জানতে
পারলেন। সেদিন খবরের কাগজ নেবেন
বলে রমেনবাবু ছেলের ঘরে
তুকেছিলেন। টেবিলের ওপর একটি
মেয়ের পেন্সিল ক্ষেত্র দেখে তার পা
আচমকাই থেমে গেল। ছোটবেলা থেকে
শোভেনের ছবি আঁকার হাত দারণ। এই
ছবিও তারই আঁকা। কিন্তু মেয়েটি কে?
পুরু ঠেঁটি আর খোঁপায় করৌঁজ ফুলের
বাহার দেখে রমেনবাবুর মনে হলো
মেয়েটি সাঁওতাল।

শোভেন বাড়িতে ছিল না। ফিরতেই
রমেনবাবু জিজ্ঞাসা করলেন, 'মেয়েটি কে
ভানু?'

কিছুক্ষণ চুপ করে দাঁড়িয়ে রইল
শোভেন। সন্তুষ্ট আসন্ন মুক্তিযুদ্ধের জন্য

নিজেকে প্রস্তুত করল। তারপর
আগাগোড়া সব কথা খুলে বলল।
এমনকী, সে যে রূপমতীকে বিয়ে করতে
চায় সে কথাও গোপন করল না।

হতবাক হয়ে গিয়েছিলেন রমেনবাবু।
ভয়, দুর্ভাবনা, দুশ্চিন্তার একটা মিশ্র
অনুভূতি তাকে অনেকক্ষণ কথা বলতে
দেয়নি। কিন্তু তিনি রমেন রায়চৌধুরী।
বিলীন হয়ে যাওয়া অভিজাতত্ত্বের
জীবন্ত প্রতিনিধি। চিরকাল মন আর
মুখের মধ্যে অপার ব্যবধান রক্ষা করে
এসেছেন। অপ্রস্তুত ভাব কাটিয়ে উঠেই
তিনি রাগে ফেটে পড়েছিলেন, 'তোমার
সাহস তো কম নয় ভানু! একটা খুনির
বৎশের মেয়েকে তুমি এ বাড়ির বউ
করতে চাও?'

শোভেন শান্ত সংযত ভঙ্গিতে

বলেছিল, ‘আমরা লস্পট বলেই ওরা খুনি বাবা !’

কথাটা তিরের মতো রমেনবাবুর বুকে বিঁধেছিল। মুহূর্তের জন্য তিনি শোভনের মধ্যে সনাতন টুড়ুকে দেখতে পেয়েছিলেন। দৈত্যকুলে প্রহ্লাদ প্রবাদ বাক্যটির কথা তিনি শুনেছিলেন। কিন্তু এ তো প্রহ্লাদের কুলে দৈত্য। বেজায় ভয় পেয়েছিলেন রমেনবাবু। সেদিন আর কোনো কথা বলেননি।

পরেরদিন থেকে শুরু হয়েছিল পাখি পড়ানো। রায়চৌধুরী বংশ বহু প্রাচীন বংশ। স্বয়ং বাদশাহ উরঙ্গজেব রায়রায়ান খেতাব দিয়েছিলেন। সেই দলিল এখনও আছে। রূপমতীর কোনো বংশমর্যাদা নেই। অর্ধসভ্য অর্ধশক্ষিত সমাজে তার জন্ম। সে এই বাড়ির বউ হয়ে এলে লোকে ছিঃ ছিঃ করবে। ইত্যাদি।

শোভন শুধু একটা কথাই বলেছিল, ‘আমি শুধু মানুষ মানি বাবা। রূপাও আমার কাছে শ্রেফ একজন মানুষ। তার বংশমর্যাদা নিয়ে আমি কী করব বলুন তো।’

তিনি মাস কেটে গেল, কিন্তু কোনো মীমাংসা হলো না। রমেনবাবু মেয়েদের সঙ্গে পরামর্শ করাকে পুরুষের হানি বলে মনে করতেন। কিন্তু এ ক্ষেত্রে তাকে অঘূর্ণনার শরণাপন্ন হতে হলো। তিনি রূপমতীর ব্যাপারে এমনিতে অঘূর্ণনার কোনো আগতি ছি না। ছেলে সুখী হলেই তিনি সুখী। কিন্তু গোল বাঁধল স্তৰী-ধর্মে। তিনি রমেনবাবুর কথাগুলোই ছেলের কাছে উগারে দিলেন। শোভন অবাক হলো না। এরকম যে হবে সে জানত। প্রতাপচন্দ্র মারা যাবার পর দুটো বিশ্বযুদ্ধ হয়ে গেছে। ভারত স্বাধীন হয়েছে। দেশভাগ হয়েছে। কিন্তু মেয়েদের প্রতি এ বাড়ির পুরুষদের দৃষ্টিভঙ্গী বিন্দুমাত্র বদলায়নি। পুরুষের প্রতি মেয়েদের দৃষ্টিভঙ্গীও থেকে গেছে একই জায়গায়। অবশ্যে রমেনবাবু প্রয়োগ করলেন

তার ব্রহ্মাস্ত্র। তিনি ভেবেছিলেন শোভন বি-এ পাশ করলেও এখনও চাকরি পায়নি। টাকাপায়সার ব্যাপারে ছেলে তার ওপর নির্ভরশীল। সুতরাং এই একটি পথেই শোভনকে ফেরানো সম্ভব। একদিন বেশ গভীর হয়ে বলেনেন, ‘তুমি যখন ওই মেরোটিকে বিয়ে করবেই তখন আমারও একটা কথা তোমার শুনে রাখা দরকার। এ বাড়িতে ওসব হবে না। বিয়ে করতে হয় বাড়ি থেকে বেরিয়ে গিয়ে করো।’

অঘূর্ণনা আর্তনাদ করে উঠলেন। কিন্তু রমেনবাবু পাত্রা দিলেন না। তিনি নিশ্চিত ছিলেন আলাদা সংসার পাতার পুঁজি যখন শোভনের নেই, তখন সে বাড়ি থেকে বেরিয়ে বিয়ে করার ঝুঁকি নিতে পারবে না। কিন্তু তাকে অবাক করে শোভন বলেছিল, ‘ভেবেছিলাম পূর্বপুরুষের পাপের প্রায়শিক্ষণ করার একটা সুযোগ আপনি আমায় দেবেন। কিন্তু আপনি যখন চান না তখন তাই হবে। আমি বাড়ি থেকে বেরিয়ে গিয়েই রূপমতীকে বিয়ে করব।’

পরেরদিন একবন্দ্রে গৃহত্যাগ করেছিল শোভন। অঘূর্ণনার কাতর অনুনয় তাকে ফেরাতে পারেনি।

মর্মাহত অঘূর্ণনা পাঁচ বছর পর তার অসহনীয় স্তৰী-ধর্ম থেকে মুক্তি পেয়ে বিদ্যায় নেন।

থেকে যান শুধু রমেনবাবু।

চার

ধুলো -ধুলো - ধুলো

রাজবাড়ি ক্রমশ তলিয়ে যাচ্ছে ধুলোর নীচে। সময় নিপুণ শিল্পীর মতো মুছে দিচ্ছে সব পাপ। জড়ো হওয়া অতীতের জঞ্জল বাতাসের আঘাতে ছাড়িয়ে পড়ছে দিকদিগন্তে।

রমেনবাবু নাকে একটা কাপড়ের টুকরো জড়িয়ে নিলেন। এই ধুলো যদি

বুকের ভেতর সেঁধিয়ে যায় তাহলে কাশতে কাশতে দম বেরিয়ে যাবে। তারপর হয়তো হাঁপের টান উঠে তাকে ঠেসে ধরবে বিছানায়। আজকাল অসুখের ভাবনায় কাবু হয়ে পড়েন রমেনবাবু। মনের মধ্যে ভয় খলবল করে ওঠে। ভাঙ্গচোরা শরীর নিয়ে তিনি আর কতদিন এই ভয়ক্র অসুখের মোকাবিলা করবেন? এরপর যখন টান উঠবে তখন যদি বুকের সব কলকজা খারাপ হয়ে যায়। জোর করে শোভনের মুখটা মনে করার চেষ্টা করলেন রমেনবাবু। এটা একটা ঔষধ। শোভনের মুখ বাতাসে ভেসে উঠলেই ভয় কেটে যায়। বিশ্বাস ফিরে আসে। শোভন আসবে। নিশ্চয়ই আসবে। রমেনবাবু ছেলের হাত ধরে বলবেন, ‘অনেক কষ্ট পেয়েছি বাপ! এবার আমায় ক্ষমা করে দে।’

দেখতে দেখতে কাপড়টা ধূলোয় ভরে গেল। এ ভাবে হবে না। রমেনবাবু হাঁক পাড়লেন, ‘নন্দ! অ্যাই নন্দ! জানালাটা বন্ধ করে দিয়ে যা।’

নন্দ ব্যস্ত ছিল। আজ শনিবার। আজই নাকি পুত্রমঙ্গল যাজ্ঞ করার সেরা দিন। পাঁজি দেখিয়ে বুঁধিয়ে গেছে শশধর পণ্ডিত। কালকেই যজ্ঞের বাজার করে এনেছে নন্দ। এখন সেসব গুছিয়ে রাখছিল। এক ধাক্কায় সাতশো টাকা গচ্ছা গেছে বলে মেজাজ একটু তিরিক্ষে। জানালা বন্ধ করে বলল, ‘যজ্ঞই যখন করবেন তখন কলকাতার কোনো ভালো পণ্ডিতকে বললে পারতেন।’

রমেনবাবু ভুঁক কুঁকচে বললেন, ‘কেন, আমাদের পণ্ডিত খারাপ কীসে?’ ‘ভালো খারাপ বুঁধি না। তবে এতদিন ধরে টাকা নিয়ে কাজ তো কিছু করতে পারেনি।’

‘একদম বাজে কথা বলবি না। হারামজাদা। টাকা নেয় তো কী হয়েছে? ও যখন বলেছে শোভন ফিরবে, তখন ফিরবেই।’

নন্দ কিছু বলল না। বয়স যত বাড়ছে
রমেনবাবু ততই আবেগপ্রবণ হয়ে
পড়ছেন। এমন একজন মানুষকে যুক্তি
দিয়ে কিছু বোঝানো অসম্ভব।

শশধর পঞ্চিত এলো ঠিক দশটার
সময়। রমেনবাবু বিছানায় শুয়ে কড়িকাঠ
গুণচিলেন। মাথাটা সামান্য ঝাঁকিয়ে
শশধর বলল, ‘পেন্নাম হই কর্তা। সব
কুশলমঙ্গল তো?’

কী হলো কে জানে। রমেনবাবু
আচমকা বলে ফেললেন, ‘বড় ধূলো
পঞ্চিত। কী করা যায় বলো তো?’

শশধর ভ্যাবাচাকা খেয়ে চুপ করে
গেল।

রমেনবাবুর ঘরেই যজ্ঞ হবে। ঘরটা
ছোট। হরিশচন্দ্রের বিয়ে পালন্ত আর
মেহগনি কাঠের একটা পেঁলাই
আলমারির জন্য আরও ছোট দেখায়।
অপরিসর মেঝেতে নন্দ যজ্ঞের সব
জিনিসপত্র এনে রাখল। নিজের হাতে
সব সাজিয়ে গুছিয়ে নিয়ে যজ্ঞ শুরু করল
শশধর। প্রথমে যজ্ঞপতির আবাহন। এই
যজ্ঞের অধিপতি স্বয়ং মহাদেব। তাকে
তুষ্ট করতে চেষ্টার ক্ষটি করল না
শশধর। তার সামনের পাতির ভাঙ্গা
দাঁতের ফাঁক দিয়ে এলিয়ে পড়া সংস্কৃত
উচ্চারণ শুনে মনে মনে তারিফ করলেন
রমেনবাবু। ভাবলেন, যোগ্য ঋত্বিকের
হাতেই যজ্ঞের ভার অর্পণ করেছেন।
আগেকার কাল হলে মোটা পারিতোষিক
দিনেন। এখন আর সেটা সম্ভব নয় বলে
দীর্ঘশ্বাস ফেললেন রমেনবাবু।

ওদিকে যজ্ঞের শেষ লগ্নে হঠাতে উঠে
দাঁড়িয়ে শশধর অশ্বিকুণ্ডের চারপাশে
প্রদক্ষিণ শুরু করল। রমেনবাবু অবাক
হয়ে বললেন, ‘ও কী করছ পঞ্চিত।’

‘আজে, মহাদেবের চারপাশে বাঁধন
দিচ্ছ।’

রমেনবাবুর বিস্ময় আরও বাঢ়ল,
‘বাঁধন দিচ্ছ! মহাদেবকে? উনি কী বাঁধন
পড়বেন?’

‘আজে, পড়বেন। এক মাসের মধ্যে
আপনার ছেলেকে ফিরিয়েও আনবেন।
এই মাস্তর কথা হলো কি না।’

আড়াইশো টাকা দক্ষিণা নিয়ে শশধর
বিদায় নিল।

একমাস। মানে তিরিশ দিন।
রমেনবাবুর মনে দারণ ফুর্তি। এই কটা
দিন তিনি হেসেখেলে কাটিয়ে দেবেন।
শশধর প্রতিক্রিতি দিয়েছে। এক মাসের
মধ্যে মহাদেব শোভেনকে ফিরিয়ে
আনবেন। একজন নিষ্ঠাবান ব্রাহ্মণ
চাইলে কী না করতে পারে! এমনকী
মহাদেবের সঙ্গে কথাও বলতে পারে।

শশধরকে অবিশ্বাস করেন না
রমেনবাবু। শোভেনের ফিরে আসার
কথায় সায় দিলে কাউকেই অবিশ্বাস
করেন না। যে ছেলে পঁচিশ বছরে
একবারও বাবার খোঁজ নেয়নি, একটা
চিঠি পর্যন্ত কখনো লেখেনি— সে
কোথায় আছে, কেমন আছে, আদৌ
বেঁচে আছে কিনা!... এসব প্রশ্ন
রমেনবাবুর মাথায় আসে না। অনুশোচনা
যত তাকে জীর্ণ করে তিনি ততই
শোভেনের ফিরে আসার কল্পনাকে
আঁকড়ে ধরেন। তার অপরাধী মন
সন্তানের কাছে ক্ষমাভিক্ষার জন্য গুমরে
ওঠে। বাপসা হয়ে যায় দুচোখ। ধূলো
হয়ে যেতে থাকা শোভেনের মুখটা বুকে
টেনে নিয়ে আচম্বিতে বলে ওঠেন, ‘আর
যে পারি না বাপ! একবার আয়। আমায়
মুক্তি দিয়ে যা।’

তবে আর কোনো চিন্তা নেই। বাঁধা
পড়েছেন মহাদেব। তিনি কথা দিলে যে
কথার নড়চড় হবার তো নেই।

আজ সকাল থেকেই আকাশের মুখ
ভার। বৃষ্টি এখনও নামেনি বটে, কিন্তু
কিছুক্ষণের মধ্যেই নামবে। নন্দ গিয়েছিল
মাঠে। বিঘে তিনেক ধানজমি এখনও
বেঁচেবর্তে আছে বলে সারা বছরের
খোরাকিটা জুটে যায়। না থাকলে কী

হতো ভগবানই জানেন। মাঠ থেকে
ফেরার সময় ছুইমুদ্দির সঙ্গে দেখা হয়ে
গেল।

সাইকেল থেকে নেমে ছুইমুদ্দি বলল,
‘ছালাম আলেকুম নন্দদা। খবর সব
ভালো তো?’

‘চলে যাচ্ছে রে। তোরা কেমন
আচিস?’

‘ব্যাস আল্লার মেহেরবানি। রাজাবাবু
কেমন আছেন?’

‘ভালো আছেন।’

ছুইমুদ্দি উদাস গলায় বলল, ‘বড় কষ্ট
পাচ্ছেন গো। আল্লা যদি নিয়ে নেন
মানুষটা বেঁচে যায়।’

হাওয়ার বাপটায় নন্দ টাল খেল।
চোখ তুলে চেয়ে দেখল মেঘের ভারে
ঝুলে পড়েছে আকাশ। চপ্পল হয়ে উঠল
নন্দ। উদাস ছুইমুদ্দিকে রাস্তায় দাঁড়
করিয়ে রেখে হনহন করে হাঁটা দিল
বাড়ির দিকে।

আসলে নন্দ পালিয়ে গেল ছুইমুদ্দির
কাছ থেকে। রমেনবাবুর মৃত্যুর কথা
শুনলে তার ভয় করে। রমেনবাবু তার
ছাদ। তার দেওয়াল। তার শেকড়। নন্দের
স্ত্রী-পুত্র-পরিবার নেই। আঢ়ীয়া-স্বজন
নেই। বন্ধু নেই। থাকার মধ্যে আছে এক
রাজবাড়ির ধৰ্মসন্তুপ। আর আছেন
রাজহীন নিঃসঙ্গ এক রাজা।

সোনাপাড়ার মোড়ে বৃষ্টি নামল।
বানড়াকানো বৃষ্টি। মুহূর্তের মধ্যে
উলোঝুলো হয়ে গেল চারপাশ। নন্দ
মনে হলো, সে বৈধহয় আর কখনও
রাজবাড়িতে ফিরতে পারবে না। তাকে
দেখতে না পেয়ে রাজাবাবু... ফুঁপিয়ে
ফুঁপিয়ে কাঁদতে লাগল নন্দ।

কিছুক্ষণ পর বৃষ্টি একটু কমল।
ততক্ষণে নন্দ নিজেকে অনেকটাই
সামলে নিয়েছে। মুখে বোকা বোকা
হাসি। ছুইমুদ্দির কথা শুনে মাথাটা হঠাত
পাগলাটে হয়ে গিয়েছিল। তার কাছেও
যে অস্ত্রশস্ত্র আছে সে কথা মনেও

পড়েনি। এবার থেকে সে আরও ভালো ডাক্তারি করবে। শোভেনদাকে এমন জীবন্ত করে দেবে যে নন্দ নিজেই মিথ্যটা ধরতে পারবে না। কার বুকের পাটা আছে রাজাবাবুকে নিয়ে যাক তো দেখি!

পাঁচ

আমাবস্যার দিন সোনালদিতে সাজো সাজো রব পড়ে যায়। এমনিতে এ তল্লাটে দেখার কিছু নেই। আছেন শুধু মা ভবতারিণী। প্রত্যেক অমাবস্যায় ধূমধাম করে মাঝের পুজো হয়। মেলা বসে। রায়টোধূরীদের আদিপুরুষ সদাশিবচন্দ্র মন্দির প্রতিষ্ঠা করেছিলেন। তত্ত্বাচার্য কালীকিঙ্কর চক্রবর্তী ছিলেন প্রথম সেবায়েত। এখনকার সেবায়েত রামতারক তারই বৎশধর।

আজ অমাবস্যা।

নন্দ ঘরে ঢুকে দেখল রমেনবাবু আলমারি খুলে শোভেনের পুরনো জামাকাপড় ঘাঁটছেন। বিরক্ত হলো সে। এই এক নতুন বাতিক হয়েছে। সকালে ঘুম থেকে উঠে বলেন, ‘আমায় খাট থেকে নামিয়ে দে।’ তারপর আলমারি খুলে জামাকাপড় ঘাঁটতে বসে যান। জিজ্ঞাসা করলে বলেন, ‘শোভেন এসে কী পরবে আগে থাকতে ঠিক করে রাখতে হবে না?’

মুশকিল হলো নন্দ ডাক্তারি করে অসুখ সারাতে পারে কিন্তু বাতিক সারাতে পারে না।

গলা খাঁকারি দিয়ে নন্দ বলল, ‘বলছিলুম কী আজ তো অমাবস্যা। বাড়ি থেকে সিদ্ধে যাবে তো না কি?’

আগে মন্দিরের খরচপত্তরও রাজবাড়ি থেকেই যেত। পুজোর সময় রাজা উপস্থিত থাকতেন। প্রতাপচন্দ্র থেকে হরিশচন্দ্র—সবাই নিজের হাতে পাঁচা বলি দিতেন বলে শোনা যায়। সেসব দিন

আর নেই। তাও অন্নপূর্ণা যতদিন ছিলেন মাঝের আলতা সিঁড়ুর আর একটা ভালো শাড়ি পাঠাতেন। রমেনবাবুর আমলে শুধু সিদ্ধে যায়।

জামাকাপড় সরিয়ে রমেনবাবু কাঁচুমাচু মুখে বললেন, ‘সেটা কি ঠিক হবে নন্দ? এখন তো মহাদেবের আশ্রয়ে আছি, ভবতারিণীকে সিদ্ধে পাঠালে তিনি যদি রেগে যান?’

‘সে আবার কী কথা! মহাদেব আর ভবতারিণী আলাদা নাকি?’

‘আলাদা নয় বলছিস? বেশ তবে দিয়ে আয় সিদ্ধে। আর বেটিকে একটু বলিস, বড় ধুলো। ধুলোয় আমার কষ্ট হয়।’

সন্ধ্যে হতেই বেরিয়ে পড়ল নন্দ। পুজো দ্বিতীয় প্রহরে। নন্দ তখন থাকতে পারবে না। এখন রামতারক চক্রবর্তীর জিরেনের সময়। নন্দ একান্তে তাকে কিছু বলতে চায়।

সেদিন বৃষ্টির মধ্যে মাথাটা ধাঁধিয়ে যাবার পর থেকেই কথাটা নন্দের মনে হচ্ছে। ছুইমুদ্দির আগে কত লোকই তো রমেনবাবুর রোগভোগের কথা বলেছে। মরণ হলে মানুষটা যে মুক্তি পাবে সে কথাও তো নতুন কিছু নয়। সেসব কথায় ভয় নন্দ অবশ্যই পেয়েছে। তেমন তেমন লোক হলে আগ বাড়িয়ে ঝাগড়াও করেছে। কিন্তু সেদিনের মতো ভেঙে পড়েনি। ধাঁধিয়ে যায়নি তার

ইহকাল-পরকাল। এর কারণও বের করে ফেলেছে নন্দ। বয়স যত বাড়ছে তার আঘাতবিশ্বাস কমে যাচ্ছে। তার মন একটা মিথ্যেকে আর সত্যি ভাবতে পারছে না। বানানো সত্যের জায়গায় দিনদিন প্রথর হয়ে উঠছে প্রকৃত সত্য। অনিশ্চিত ভবিষ্যতের সত্য। কোথায় যাবে সে? শেষ জীবনটা কি ভবতারিণী মন্দিরের চাতালে বসে ভিক্ষে করে কাটবে?

না, তা হতে পারে না। নন্দ মনে মনে চিন্তা করল। তার শক্তি চাই। মিথ্যেকে

সত্যি বানাবার শক্তি। তাকে ডাক্তারি করতে হবে। শোভেনের ফিরে আসার কল্পনাকে বাঁচিয়ে রাখতে হবে। আরও অনেকদিন, অনেক বছর রমেনবাবুকে মাতাল করে রাখতে হবে।

রামতারক তান্ত্রিক মানুষ। কত গুহ্যবিদ্যা জানেন। নন্দের ধারণা, তার পায়ে একবার কেঁদে পড়লে তিনি তাকে ফেরাবেন না। তিনি আশীর্বাদ করলেই নন্দের মন আবার তরতাজা হয়ে উঠবে।

মন্দিরের চাতালে ম্যারাপ বাঁধা। বর্ষাকাল বলে এই ব্যবস্থা। রাত একটু বাড়লে ভঙ্গরা আসতে শুরু করবে। মাঝের পুজোর সময় চাতালে এত ভিড় হয় যে তিলধারণের জায়গা থাকে না।

ভিখু গয়লানি চাতালে ঝাঁট দিচ্ছিল। ওকে দেখে নন্দের মনটা উদাস হয়ে গেল। কত বয়েস হবে ভিখুর? চালিশ-বিয়ালিশ তো বটেই। শরীরের গড়ন এখনও বেশ ভরাট। ছেলেবেলায় শোভেনদা যখন ঘোড়ায় চড়ে কোশাকুশির মাঠ পেরিয়ে জঙ্গলের দিকে চলে যেত, নন্দ বসে থাকত গাছের নীচে। অপেক্ষা করত শোভেনদার জন্য। ভিখুর বাবা মদনকাকার বাড়ি ছিল কাছেই। নন্দকে একা বসে থাকতে দেখে ভিখু ছুটে এসে বলত, ‘আমার সঙ্গে পুতুল খেলবে নন্দদা?’ কতদিন ভিখুর সঙ্গে পুতুল খেলেছে নন্দ। পুতুলের বিয়ে দিয়েছে দুঁজনে। পুতুল-কন্যে শশুরবাড়ি চলে যাওয়ার পর একেবারে আসল বাবা-মা’র মতো দুঃখ পেয়েছে। একটা পরিপূর্ণ সংসারের ছবি সেই বয়সেই ভিখু এঁকে দিয়েছিল। খেলা ভেবে নন্দ ছবিটা তুলে রাখেনি। রোদেজলে সেই ছবি নষ্ট হয়ে গেছে।

এতদিন পর আজ হঠাৎ নন্দের নিজের ওপর করণা হলো। ভাগ্য করে সে একটা মানবজীবন পেয়েছিল। কিন্তু কিছু করা হলো না।

নন্দ ভেবেছিল ভিখুর সামনে যাবে না। কিন্তু কী এক আশ্চর্য আকর্ষণে চলে গেল। ভিখু তাকে দেখতে পায়নি। নন্দ বলল, ‘ভালো আছিস ভিখু?’

ভিখু অকৃত্রিম আনন্দে হেসে বলল, ‘ওমা, নন্দদা যে! কদিন পর দেখা হলো। এক গেরামে থাকি কে বলবে!’

নন্দ আবার প্রশ্নটা করল। মুহূর্তের মধ্যে ভিখুর হাসিটা পালটে গেল, ‘কী জানি কেমন আছি। তুমি কেমন আছ নন্দদা?’

‘বিয়ে করলি না কেন ভিখু?’

ভিখু অবাক হয়ে কিছুক্ষণ তাকিয়ে রইল নন্দর মুখের দিকে। তারপর মাথা নীচু করে বলল, ‘কী জানি কেন করলুম না।’

রামতারক নিজের ঘরে বসে কী একটা বই পড়ছিলেন। মন্দিরের পুরোহিত হলেও নানা বিষয়ে তাঁর আগ্রহ। সম্পূর্ণ ব্যক্তিগত উদ্যোগে গ্রামে একটি লাইব্রেরি করেছেন। মাঝে মাঝে সেখানে গিয়েও পড়াশোনা করেন।

নন্দ ঘরে ঢুকে বলল, ‘রাজবাড়ি থেকে সিধে এনেছি তারক ঠাকুর।’

রামতারক বই থেকে মুখ তুলে নন্দকে দেখে বললেন, ‘ও তুই! ওই টেবিলে থালাটা রাখ। তারপর, রাজবাবুর কী খবর?’

‘আজ্জে ভালোই আছেন।’ কথাটা বলেই নন্দ রামতারকের পা জড়িয়ে ধরে বলল, ‘আমার বড়ো বিপদ তাকরঠাকুর। দয়া করে একটা উপায় বলে দ্যান।’

রামতারক নন্দকে সেহ করেন। গ্রামের আর পাঁচজনের মতো তিনিও বিশ্বাস করেন, অল্পপূর্ণ মারা যাবার পর নন্দ যেভাবে রামেনবাবুকে বুক দিয়ে আগলে রেখেছে তার জন্য কোনো প্রশংসাই যথেষ্ট নয়। কিন্তু রামেনবাবু যদি ভালো থাকেন তাহলে নন্দ কোন বিপদের কথা বলছে? রামতারক বুরো উঠতে পারলেন না।—‘আরে হতভাগা

পা ছাড়। সব কথা খুলে বল। কী হয়েছে তোর?’

নন্দ কিছুক্ষণ চুপ করে থেকে বলতে আরম্ভ করল। এসব কথা সে আগে কখনো কাউকে বলেনি। অবনী ডাঙ্কার মানা করে, ‘খবরদার এ কথা পাঁচকান করিসনি নন্দ। লোকে জানতে পারলেই ব্যাগড়া দেবে। ইহকাল পরকালের বচন বাড়বে। একটা মান্যগন্য লোককে বাঁচিয়ে রাখার জন্য তুই কটা মিথ্যে কথা বলছিস, এতে অন্যায় তো কিছু নেই।’

নন্দও জানে অন্যায় নেই। তবে স্বার্থ আছে। অবনী ডাঙ্কারের স্বার্থ দু'পয়সা রোজগার। এদিকে নন্দকে দিয়ে ডাঙ্কারি করায় আর ওদিকে নিজের ডাঙ্কারখানায় বসে বলে, ‘আমার চিকিৎসাতেই তো রাজবাবু সুস্থ আছেন। কথাটা সত্যি কি না একবার নন্দকেই জিজ্ঞাসা করে দ্যাখো না।’—এসব কথা শুনে ভিন গাঁ থেকে রঞ্জিতা এসে ভিড় করে। নন্দর কানে সবই আসে। সে রো কাড়ে না। তার নিজের স্বার্থও তো বড়ো কম নয়।

সব কথা বলার পর নন্দ বলল, ‘আমার মনের জোর ফিরিয়ে দ্যান তারক ঠাকুর। যাতে আমি আরও ভালোভাবে ডাঙ্কারি করতে পারি।’

রামতারক হেসে বললেন, ‘তুই বুঝি ভাবছিস তোর ডাঙ্কারির জন্য রাজবাবু বেঁচে আছেন?’

‘আজ্জে, অবনীবাবু তো তাই বলেন।’
‘মিথ্যে কথা বলে অবনী ডাঙ্কার। মা রেখেছেন বলে রাজবাবু আছেন। যেদিন মা টেনে নেবেন সেদিন তোর ডাঙ্কারি কিস্যু করতে পারবে না।’

এ তল্পাটে রামতারককে সবাই বাকসিদ্ধ বসে মানে। তিনি যা বলেন, তাই ফলে যায়। নন্দ পাথরের মতো নিশ্চল হয়ে দাঁড়িয়ে রইল। একটা কথাও বলতে পারল না।

রামতারক বললেন, ‘ভবিষ্যৎ নিয়ে তোর খুব চিন্তা না রে? ভয় কী!

রাজবাবু যখন থাকবেন না তখন মায়ের মন্দিরে এসে থাকিস। মায়ের কাজ করবি আর দুবেলা প্রসাদ পাবি।’

‘জীবন এত সহজ নাকি গোঠাকুর?’
কথাগুলো নন্দ মনে মনে বলল। মুখে কিছু বলতে পারল না। চোখের দৃষ্টি থমকে রইল রামতারকের পায়ে। তার আশ্রয় এত কাছে ছিল সে জানতে পারেনি। জানলে তাকে ডাঙ্কার সাজতে হতো না। কান্না পাঁচিল নন্দর। কষ্ট হচ্ছিল রামেনবাবুর জন্য। তার কষ্ট রামেনবাবুকে মিথ্যে স্নেকবাক্য বলার জন্য নয়। সন্তানকে ভোলাবার জন্য মা তো কতই ছল করেন। কিন্তু সেই ছলনায় যথন্ত স্বার্থ এসে মেশে তখন আর মা হয়ে ওঠা হয় না। নন্দ পারেনি মা হতে। কান্নায় ভেঙে পড়ল সে। রামতারকের পায়ের কাছে বসে বলল, ‘এখন আমি কী করব বলে দ্যান।’

রামতারক তার মাথায় হাত বুলিয়ে বললেন, ‘আমায় কিছু বলতে হবে না। সময় হলে মা-ই তোকে সব বলে দেবেন।’

ছয়

শশধর পঞ্জিতের দেওয়া এক মাস সময়ের অর্ধেক কেটে গেল। এখনও শোভনের দেখা নেই। রামেনবাবু দিন-দিন ক্ষিপ্ত হয়ে উঠছেন। উঠতে বসতে নন্দকে গালাগাল দেন। নন্দ বিশেষ সাড়শব্দ করে না। মুখ বুজে কাজ করে যায়। আগেও সে বেশি কথা বলত না, সেদিন মন্দির থেকে ঘুরে আসার পর থেকে আরও চুপচাপ হয়ে গেছে। ফাঁক গেলেই ভবিষ্যতের ভাবনায় তলিয়ে যায়। তারক ঠাকুর তাকে মায়ের কাজ করার কথা বলেছেন, কিন্তু কী কাজ বলেননি। মন্দিরে কত কাজই তো থাকে। বাজারহাট, রামাবাসা, বাসনপত্র মাজাধোওয়া— ভাবতে ভাবতে নন্দর

মন ঘুরে যায় ভিখুর দিকে। আর ঠিক তখনই ধূলোয় ভরে যাওয়া তার মনের আনাচেকানাচে মাথা তোলে দু-একটা কচি চারা। সবুজ পাতারা হাওয়ায় দেল থায়। ফুল ফোটে। নন্দ মুখ ফিরিয়ে নিতে চায় কিন্তু পারে না। স্পষ্ট শুনতে পায়, ভিখুর গলা, ‘আমার সঙ্গে পুতুল খেলবে নন্দদা?’ আধবুড়ো নন্দ ফিসফিস করে বলে, ‘খেলব’।

শ্বাবণ মাস পড়তেই নন্দর নির্নিমেষ প্রশাস্তিতে বাধা পড়ল। টানা চারদিন উথালগাতাল বৃষ্টি। সঙ্গে ঝোড়ো হাওয়া। কত মাটির ঘর যে ভেঙে পড়ল আর কত টিনের চাল যে উড়ে গেল তার ঠিক নেই। রাজাবাড়ির অবস্থাও খুব খারাপ। নোনা ধরা দেওয়ালে জলের দাগ। জানলার পাল্লার ফাঁকফোকরে বৃষ্টি ছাঁচ। রমেনবাবুর ঘরে দুর্দণ্ড দাঁড়ালে হাত-পা ঠাণ্ডা হয়ে যায়।

বিপদ আঁচ করে নন্দ কম্বল বের করল। গলা পর্যন্ত কম্বলে ঢেকে রমেনবাবু বললেন, ‘এটা ভালো করেছিস। বড় শীত করছিল।’

নন্দ কিছু না বলে চলেই আসছিল, রমেনবাবু ডাকলেন, ‘নন্দ। তুইও কি আমার মতো চতুর্দিকে ধূলো দেখেছিস?’

দীর্ঘদিনের অভ্যেসবশত নন্দ ডাঙ্কারি শুরু করতে যাচ্ছিল, শেষ মুহূর্তে নিজেকে সামলে নিল। রামতারক তাকে ডাঙ্কারি করতে বলেছেন। সে তাই করবে। রমেনবাবুর মাথায় হাত বুলিয়ে নন্দ বলল, ‘কোথাও তো ধূলো নেই বাবু। ওসব আপনার মনের ভুল। ঘুমিয়ে পড়ুন দেখবেন সব ঠিক হয়ে যাবে।’

রমেনবাবু ঘুমিয়ে পড়লেন। কিন্তু নন্দর চোখে ঘুম এলো না। মাথায় দুর্শিষ্টর পাহাড়। রমেনবাবু অসুখে পড়বেনই। তখন সে কী করবে? চুপচাপ হাত গুটিয়ে বসে থাকবে? সহ্য করতে

পারবে মানুষটার কষ্ট? বিদ্রোহ করে উঠল নন্দর মন, ‘তা হয় না। আমি পারব না ঠাকুর। একটা বাপ-মা মরা অনাথ ছেলেকে ওই মানুষটা আশ্রয় দিয়েছিল। মা বলত, শোভেন আমার বড়ো আর তুই ছেট। মায়ের জন্য কিছু করতে পারিনি কিন্তু ওই বুড়ো লোকটা যদি আমার কটা মিছে কথা শুনে চাঙ্গা হয়, তাতে দোষ কী ঠাকুর।’

দোষগুণের বিচার হলো না। নন্দও কিছুক্ষণ পর অনুভব করল তার বিদ্রোহী মন কখন যেন শান্ত হয়ে গেছে। বিশ্বাসের সেই জোর নেই। উৎসাহ নেই। মন যেন বলতে চায়, ‘মিছে কথা বলে কাজ নেই। তারক ঠাকুরের কথাই ঠিক। বাবুর আয় আছে বলেই এখনও টিকে আছেন। তোমার ডাঙ্কারিতে বাবু সেরে যায়, এসব তোমার অহঙ্কার।’ নন্দ জোর করে বলতে চাইল, ‘একটা মানুষ যদি সুস্থ হয়ে ওঠে তো অহঙ্কারই সই।’ কিন্তু বলা হলো না। চোখের সামনে ভিখুর সুন্দর মুখটা দেখে নন্দর কথা আটকে গেল।

নন্দর অনুমান মিথ্যে নয়। পরের দিনই রমেনবাবু অসুখে পড়লেন। প্রবল কাশি আর হাঁপের টান। এই দুই শক্তির সঙ্গে নন্দর পরিচয় আছে। কিন্তু এবার রমেনবাবু জ্বরও বাধিয়ে বসলেন। গায়ে হাত দিলে হাত পুড়ে যায় এমন জ্বর।

অবনী ডাঙ্কার রংগি দেখে দায়সারা ভাবে বলল, ‘ওযুধে আর রাজাবাবুর কাজ হবে না। যা করার তোকেই করতে হবে।’

‘তা হয় না ডাঙ্কারবাবু। আপনি যদি না পারেন আমাকে তাহলে সদরে বড়ো ডাঙ্কারবাবুর কাছে যেতে হবে।’

গেঁয়ো অশিক্ষিত একটা চাকরের কাছে অবনী ডাঙ্কার এই জবাব আশা করেনি। তার চেয়েও বড়ো কথা, রমেনবাবুর নাম ব্যবহার করে সে বিস্তর

রোজগার করেছে। এখন যদি সদরের ডাঙ্কার এসে গৃড় খেয়ে বেরিয়ে যায়, তিনি গাঁয়ের লোক আর তাকে মানবে না। সঙ্গাব্য লোকসানের কথা চিন্তা করে অবনী ডাঙ্কার হেসে বলে, ‘আহা আমি পারব না সেকথা কখন বললুম। সর, দেখি কী করতে পারি।’

রমেনবাবুর জ্ঞান নেই। কথা আছে না নেই ঠিক বোঝা যাচ্ছে না। অবনী ডাঙ্কার নতুন প্রেসক্রিপশন লিখল। যাবার সময় বলে গেল, ‘ওযুধগুলো এখনই নিয়ে এসে খাওয়াতে শুরু কর। আর কান্তিকের ওযুধের দোকানে আমি বলে দিচ্ছি, একটু পর গিয়ে একটা অক্সিজেন সিলিন্ডার নিয়ে আসবি। দুঁশা, দুঁশা।’

সিলিন্ডার এলো। নন্দ এসব জানে। হাওয়ার কল খুলে যত্ন করে রমেনবাবুর নাকে লাগিয়ে দিল নলদুটো। তারপর বুকে কান ঢেকালো। হাঁ, ধুকপুক করে চলছে বটে হৃদয়টা। একটু আগেও রমেনবাবু খাবি খাচ্ছিলেন। বিদ্যুটে ঘড়ঘড় শব্দটা শুনতে শুনতে নন্দ ভাবছিল, মানুষ তার শরীরে জল ধরে রাখতে পারে, খাবার ধরে রাখতে পারে, কিন্তু হাওয়া কেন পারে না। এখন আর সেই ঘড়ঘড় শব্দটা নেই। ঘরের ভেতর কোনো শব্দই নেই। বাইরে শুধু বাড়ের সোঁ সোঁ শব্দ।

দুর্দিন পর রমেনবাবু কথা বললেন। নন্দ রংটি সেঁকছিল। হঠাতে কানে এলো রমেনবাবুর গলা, ‘তোমাকে তো বললুম শোভেনের হাতে জল না খেয়ে আমি কোথাও যাব না। তুমি এখন যাও বড়ো বড়।’

চমকে উঠল নন্দ। উন্নুন থেকে চাটুটা নামিয়ে ঘরে গিয়ে দেখল রমেনবাবুর চোখ বন্ধ। কিন্তু ঠোঁট নড়ছে। তিনি জড়িয়েমড়িয়ে একই কথা বলে চলেছেন। নন্দ কপালে হাত দিয়ে জ্বর

দেখল। জুর এখনও আছে। তবে কলের হাওয়ার গুণে শ্বাসকষ্টটা নেই। কিন্তু জুর যদি আরও বাড়ে? এত রাতে নন্দ কার কাছে যাবে? অবনী ডাঙ্কার শিশুরবাড়ি গেছে। ফিরবে পরশু। ভয়ে নন্দর মুখ শুকিয়ে গেল। রমেনবাবুর কানের কাছে মুখ নামিয়ে বলল, ‘বাবু! ও বাবু! আমার কথা শুনতে পাচ্ছেন?’

‘কে? কে রে?’

‘আজ্জে, আমি নন্দ।’

‘তুইও বুঝি আমাকে নিয়ে যেতে এসেছিস? শালা তোকে বলিনি, আমি কোথাও যাব না।’

নন্দ কান্না চেপে বলল, ‘আপনাকে কোথাও যেতে হবে না। আপনি এখানেই থাকবেন।’

রমেনবাবু খুশি হয়ে বললেন, ‘তা হলে যা। শোভন তার ঘরে আছে। ওকে পাঠিয়ে দে। গিয়ে বল, বুড়ো বাপ ক্ষমা চাইবে বলে বসে আছে। ওর ক্ষমাই যে আমার গঙ্গাজল।’

নিজের ঘরে এসে নন্দ আর নিজেকে ধরে রাখতে পারল না। লুটিয়ে পড়ল বিছানায়। এখন সে কী করবে? কোথা থেকে নিয়ে আসবে শোভনকে? শিশুর মতো কাঁদতে কাঁদতে সে বলল, ‘বাবুকে আর কষ্ট দিসনি মা। সময় যদি হয়ে গিয়ে থাকে এবার নিয়ে নে।’

রাত বাড়তে থাকল। রাতের সঙ্গে পাল্লা দিয়ে বাড়ল রমেনবাবুর বিলাপ। ছেলের কান্না শুনে বললেন, ‘রেলগাড়ি ভেঙে গেছে তো কী হয়েছে গোপাল।

আবার আমি কিনে দেব।’ ছেলে ঘুমের মধ্যে রূপকথার রাক্ষসকে দেখে ভয় পেয়েছে। রমেনবাবু বললেন, ‘রাজপুত্র আবার কাঁদে নাকি! সে তো তলোয়ারের এক কোপে রাক্ষসের গলা কেটে ফেলবে।’

রমেনবাবুর কথা ভালো বোঝা যায় না। তবুও নন্দ কান খাড়া করে রইল। যদি ঘোর কাটে। যদি রমেনবাবু তাকে ডাকেন। কিন্তু সেরকম কিছু ঘটল না। নন্দর মনে হলো, আর কোনো ঘটনা ঘটবে না। রমেনবাবুর জীবনের ঘটনাশ্রেষ্ঠ থেমে গেছে। শেষ বাঁধনটা যদি কেউ খুলে দেয় তা হলে খড়ির দাগ বোধহয় আজ রাতেই মুছে যাবে।

ঘরের ভেতর অন্ধকার নিশ্চল হয়ে



দাঁড়িয়ে রইল অনেকক্ষণ। রমেনবাবুর চেতনা পুরোপুরি লুপ্ত হয়নি। ধূলোয় ঢাকা একটা পর্দা পেঙ্গুলামের মতো দুলছে। হালকা হলুদ একটা আলো। সনাতন টুড়ুর অটুহাসি। রূপমতীর প্রেম! শোভনের গৃহত্যাগ। রমেনবাবুর ঠেট নড়ে উঠল, ‘একবার আয় না বাপ।’ তুই না এলে আমি কেমন করে যাই?’

এই মিনতি রমেনবাবু অনেকবার করেছেন। কেউ সাড়া দেয়নি। কিন্তু এবার ঘরের নিশচল অন্ধকারে কীভাবে যেন মৃদু সাড়া পড়ল। দূরে কোথাও বাজ পড়ার শব্দ মিলিয়ে গেল একটু একটু করে। জানলার ফাঁক দিয়ে আচমকা ঢুকে পড়া ঠাণ্ডা হাওয়ায় নিভে গেল লঞ্ছনের শিখ। আর ঠিক তখনই রমেনবাবুর কানে আচড়ে পড়ল ছোট একটা ডাক, ‘বাবা!’

রমেনবাবু ঝগ্ন। দুর্বল। জ্বরের ঘোরে আচছন্ন। ডাক একটা শুনেছেন কিন্তু কার ডাক বোঝেননি। ভাবলেন, মরণ কি জীবনকে বাবা বলে ডাকে? কে জানে মরণ জীবনের সন্তান কি না! চারপাশটা এমন হলুদ হয়ে গেল কী করে? হলুদের ওপারে ওই যে তোরণ দেখা যায়, ওটাই কি স্বর্গ? ‘একবার ছেলেটাকে দেখতে চেয়েছিলুম। তাও দিলে না ঠাকুর?’

‘বাবা, আমি শোভন।’

রমেনবাবু যেন ঝুবতে ঝুবতে ভেসে উঠলেন। হলুদ পৃথিবীটা দপ্ত করে নিবে গেল। অনন্ত অন্ধকারে ভাসতে ভাসতে বললেন, ‘কে? সনাতন? তোমাদের মেয়েকে আমার ছেলে ভালোবাসে সনাতন। ওকে মেরো না।’

‘আমি সনাতন নয় বাবা। শোভন। আপনার ভানু।’

‘ভানু এইচিস? এত দেরি করলি কেন বাপ?’

‘আজ সকালেই খবর পেলাম। তাই আসতে দেরি হয়ে গেল।’

‘আমাকে ক্ষমা করেছিস তো? বুড়ো

বাপের অপরাধ মনে রাখতে নেই সোনা। এবারকার মতো ক্ষমা করে দে।’

‘কীসের ক্ষমা বাবা! আপনার তো কোনো দোষ ছিল না। ভাগ্যের দোষে যা হবার হয়েছে।’
রমেনবাবুর চেতনা আবার দিশা হারাল। শুধু শোভনের ক্ষমার জন্য রমেনবাবুর চেতনা বাসায় ফিরেছিল। সারা জীবনের তপস্যার ফসলে নৌকো বোঝাই হওয়া মাত্র নোঙ্র উঠল। রমেনবাবু স্থলিত স্বরে বলে উঠলেন, ‘আমি এমন ধূলো হয়ে যাচ্ছি কেন রে ভানু! আমাকে ধর তুই। ধরে রাখ।’
শোভন হাত বাড়াবার আগেই রমেনবাবু বিদায় নিলেন।

সেজেছিলাম। আমারই মিছিমিছি ক্ষমায় খুশি হয়ে আপনি সগাগে গেছেন। তার জন্য যে শাস্তি আমার পাওনা হয় দ্যান। যদি আপনার থেকেও আমার কষ্টের মরণ হয় তো তাই সই। কিন্তু বিশ্বাস করল, এবার অন্তত আমি নিজের স্বার্থে আপনাকে ঠকাইনি। আপনার কষ্ট সইতে পারিনি বলে বাঁধন খুলে দিয়েছি।’

বেলা একটু বাড়লে নন্দ বাইরে বেরিয়ে একজনকে বলল, ‘কাল রাতে রাজবাবু মারা গেছেন। গাঁয়ের সবাইকে খবরটা একটু দাও তো ভাই।’

লোকটা পড়ি কি মরি হয়ে গ্রামের দিকে ছুটল।

খোলা আকাশের দিকে তাকাল নন্দ। একটা মুখ খোঁজার চেষ্টা করল। ভিখুর মুখ। বালমল করে উঠল ভিখু। দুদিন আগেও ভিখুর কথা ভেবে, রামতারকের দেওয়া আশ্রয়ের কথা ভেবে নন্দ কত খুশি হয়েছে। কিন্তু আজ এই মন কেমন করা সকালে আকাশে ভিখুর মুখ দেখে তার কিছু মনেই হলো না। যেন ভিখুকে সে চেনেই না। যেন ভিখুর কথা ভেবে এই বুড়ো বয়সে ঘরদুয়ারের স্বপ্ন সে দেখেইনি।

অবাক হলো নন্দ। আকাশের ভিখুর দিকে ছত্তিয়ে দিল দুঁহাত। হাত কোথাও পৌঁছলো না। নতুন এক ভয় ঘিরে ধরল নন্দকে। সে ঠগ। প্রতারক। যদি সে ভিখুর ওপরেও ডাঙ্কারি করে ফেলে? যদি ধূলোয় ধূলোয় ভরে দেয়ে ভিখুর চেখ? যদি মিথ্যে স্বপ্ন দেখিয়ে ভিখুকেও বেঁধে ফেলে কোনো অবাস্তর প্রতিজ্ঞায়? বেড় কষ্ট পাবে ভিখু। স্বর্গের ডাক আসবে, কিন্তু নরক ছেড়ে যেতে পারবে না। নন্দ আকাশের দিকে তাকিয়ে বলল, ‘তা হয় না রে ভিখু। পুতুলখেলা আমার ভাগ্যে নেই। থাকলে ঠিক খেলতুম।’

কিছুক্ষণের মধ্যে গোটা সোনালাদি গ্রাম ভেঙে পড়ল রাজবাড়ির সামনে। কিন্তু নন্দকে কোথাও দেখা গেল না। ■



এক ঘোন্ধা সন্ন্যাসী

বিজয় আড়া

মাননীয় মটুদা,

আমি উত্তরকাশী যাচ্ছি। কখন ফিরব জানি না। আপনাদের পরিচালনায়
কল্যাণ আশ্রমের কাজের শ্রীবৃন্দি হোক ঈশ্বরের কাছে প্রার্থনা জানাই।

— নবকুমার সরকার

এক-দু লাইনের ছেট্ট চিঠি। চিঠিটা পড়ে বলরামদার ঢোখের কোণ দুটো চিক
চিক্ করে উঠল।

১৯৭৮ সাল। তখন পশ্চিমবঙ্গ তথা উত্তর-পূর্বাঞ্চলে অধিল ভারতীয় বনবাসী
কল্যাণ আশ্রমের কাজ সদ্য শুরু হয়েছে। রাষ্ট্রীয় স্বয়ংসেবক সঙ্গের বরিষ্ঠ প্রচারক
শ্রদ্ধেয় বসন্তরাও ভট্ট তখন এই কাজের দায়িত্বে ছিলেন। তাঁরই প্রেরণায় এই বছরে
নবকুমার সরকার পূর্বাঞ্চল কল্যাণ আশ্রমের পুরাণিয়া জেলার বাগমুণি প্রকল্পের কাজে
যোগ দেন। বাগমুণি ব্লকের অযোধ্যা পাহাড়ের বিভিন্ন গ্রামের চতুর্থ শ্রেণী উন্নীর্ণ
ছাত্রদের নিয়ে একটা ছাত্রাবাস গড়ে তোলা হয়েছে। তবে আর পাঁচটা ছাত্রাবাসের
মতো এটা নয়। বিদ্যালয়ের পাঠ্য পুস্তকের পড়াশোনা ছাড়াও এখানে রয়েছে শারীরিক
শিক্ষা, ভারতবর্ষের সংস্কৃতি ও নেতৃত্ব শিক্ষারও ব্যবস্থা। এই কাজের জন্য চাই
অনুভবী ও শিক্ষিত যুবক। যাঁরা এই কাজকে ব্রত হিসাবে গ্রহণ করবেন। বাগমুণিতে

এই কাজে এগিয়ে এলেন প্রথমে দু'জন যুবক— নবকুমার সরকার ও বর্ধমানের মদন মিত্র। মাস চারেক পর তাদের সঙ্গে যোগ দিলেন বাঁকুড়ার বড়জোড়ার বলরাম সাঁতরা মানে মটুদা।

হগলী জেলার আরামবাগ মহকুমার হরিণখোলা নদীর ধারে ভুঁয়েড়া গ্রাম। ১৯৫১ সালের ১১ নভেম্বরে এই গ্রামেই নবকুমারের জন্ম। বাবা গান্ধী অনুরাগী স্বর্গীয় বিভূতিভূষণ সরকার। মা প্রমীলা দেবী। মা-র বয়স এখন প্রায় নববই ছুই ছুই। বিভূতিবাবু প্রফুল্ল চন্দ্র সেনের নেতৃত্বে স্বাধীনতা সংগ্রামে অংশগ্রহণ করেছিলেন। আরামবাগের প্রিসিদ্ধ ব্যবসায়ী বি কে রায়ের ফার্মে তিনি চাকরি করতেন। বদলির চাকরি। তাই কখনো কোলাঘাট, কখনো তারকেশ্বর, কখনো বা আরামবাগ। শেষমেষ বালিবেলা গ্রাম হয়ে কামারপুর। সাত ভাই। সাত ভাইয়ের মধ্যে নবকুমার দ্বিতীয়। বড়ো ভাই সুকুমার সরকার একসময় সঙ্গের প্রচারক ছিলেন। কোলাঘাট ইউনিয়ন হাইস্কুলে সপ্তম শ্রেণী পর্যন্ত পড়াশোনা; সেসময় সাইকেল চালাতে গিয়ে পড়ে গেলে নবকুমারের বাম হাতটা ভেঙে যায়, সেই হাত এখনও ঠিক সোজা হয়নি। এরপর কালীপুর স্বামীজী হাইস্কুল থেকে উচ্চমাধ্যমিক, কামারপুরুর কলেজ ও পরে বর্ধমান বিশ্ববিদ্যালয় থেকে পদার্থ বিদ্যায় এম এস সি।

এই সময়কার অর্থাৎ স্বামীজীর ছোটবেলাকার কিছু ঘটনা যা তাঁর ভাইবি স্বাগতা সরকার স্বামীজীর কাছ থেকে শুনে লিখে রেখেছিলেন, তা এইরকম— স্বামীজীর বয়স তখন দু'বছর। দাদার পিছু পিছু পুকুরপাড় দিয়ে হাঁটতে হাঁটতে হঠাৎ আর দাদাকে দেখতে পেলেন না। পরিবর্তে যা দেখলেন তা শুনে আমাদেরও গা শিউরে উঠবে। একটা সাপ স্বামীজীর দিকে ফণা তুলে দাঁড়িয়ে রয়েছে। তবে একটু পরেই সাপটা নিজে থেকেই সরে গেল। ছোটবেলাকার কথা বলতে গিয়ে স্বামীজী জানিয়েছেন, মা হাতে করে দু-গাল খাইয়ে দিলে তবেই ঘুমতে যেতেন।

যখন তিনি কলেজের ছাত্র, ১৯৭১-এর শেষের দিকে, সহপাঠি নির্মলচন্দ্র মাইতির সঙ্গে আরামবাগের বটতলার (থানার) কাছে পাঁচুবাবুর বাড়ির নীচতলার এক কুঠুরিতে স্থানীয় সঙ্গ (আর এস এস) কার্যালয়ে গেছিলেন। সেই কুঠুরিতে একটাই জানালা— বাড়ির ভেতরের দিকে। কোনো লম্বা মানুষ হাত তুললে কড়িকাঠে ঠেকে যায়। একটা জোগাড় করা ছোট স্ট্যান্ড ফ্যান আছে বটে, তবে সেটাকেই মাঝে মাঝে হাওয়া দিতে হয়। সেই কার্যালয়ে সঙ্গের একজন প্রচারক থাকেন, বছরখানেক হলো তিনি কাটোয়া থেকে বদলি হয়ে এখানে এসেছেন। নির্মলের সঙ্গী বন্ধুটির সঙ্গে পরিচয় হলো। বুশ শার্ট আর ফুলপ্যান্ট পরা এক যুবক। খুব শাস্ত। খুব আস্তে আস্তে কথা বলে। শহরের পাশে বালিবেলা গ্রামে তার বাড়ি। সেই পরিচয় ক্রমে ঘনিষ্ঠ হয়েছে। বালিবেলা গ্রামে শাখা শুরু হয়েছে। তাদের পরিবারের সব ভাইয়েরাই ক্রমে সঙ্গের

সঙ্গে যুক্ত হয়েছে। তিনি নিজে সঙ্গের দ্বিতীয় বর্ষ ও অন্যান্য ভাইয়েরাও সঙ্গ শিক্ষা গ্রহণ করেছেন। পুরো পরিবারই সঙ্গময় হয়ে গিয়েছে। জরুরি অবস্থার সময় (১৯৭৫-১৯৭৭) এই পরিবারই ছিল একটা আশ্রয়স্থল। নবকুমার নিজেও বর্ধমানে সত্যাগ্রহে অংশগ্রহণ করে কয়েক মাস কারাবন্দি ছিলেন। এরপর কয়েক মাস বর্ধমান মিউনিসিপ্যাল হাইস্কুলে শিক্ষকতাও করেন।

'The Caravan' পত্রিকা ১ ফেব্রুয়ারি, ২০১৪ তারিখের সংখ্যায় লীনা গীতা রঘুনাথ-এর 'Swami Aseemanand's radical service to the Sangha' শীর্ষক এক প্রতিবেদন প্রকাশ করেছিল। প্রতিবেদনটি স্বামী অসীমানন্দের সঙ্গে সাক্ষাৎকারের ভিত্তিতে লেখা। ২০১১ সালের জানুয়ারির প্রথমদিকে আশ্বালার সেন্ট্রুল জেলে নেওয়া এই সাক্ষাৎকার প্রসঙ্গে লেখিকা নিজেই জানিয়েছেন যে, গত দু-বছরেরও বেশি সময়ে তিনি যে চারটি সাক্ষাৎকার নিয়েছেন এটি তার প্রথম সাক্ষাৎকার "This was the beginning of the first of four interviews..".

কলকাতায় এসে স্বাস্থিকার তৎকালীন সম্পাদক বিজয় আচ্য-র সঙ্গে সাক্ষাৎকারের প্রসঙ্গ উল্লেখ করে এই প্রতিবেদক জানিয়েছেন, অসীমানন্দ ও তাঁর পরিবার শ্রীরামকৃষ্ণ মঠ ও মিশনের অনুগামী ছিলেন। তাঁর গান্ধীবাদী পিতৃদেব আর এস এসের বিষয়ে সতর্ক করে দিলেও "The balance of Aseemananda's beliefs tilted dramatically during his twenties, under the mentorship of two Sangha members"। তাঁদের একজন সঙ্গের পশ্চিমবঙ্গ প্রান্তের তৎকালীন প্রাপ্ত প্রচারক স্বর্গীয় বসন্তরাও ভট্ট। প্রতিবেদকের ভাষায়, ... "fiercely dedicated to the mission of the RSS, but had a soft, disarming charisma"।

স্বামী অসীমানন্দের পরিবার এতটাই শ্রীরামকৃষ্ণদেবের অনুরাগী ছিল যে শ্রীআচ্য নিজেই স্বীকার করেছেন, "It was infact from his house that I read all the major literature on Vivekananda"। এই বাড়ির বইয়ের আলমারিতে একনাথ রানাড়ে সম্পাদিত 'A Rousing call to the Hindu Nation' বইটিও ছিল। অসীমানন্দ তাঁকে বলেছিলেন, রামকৃষ্ণ মিশনের মতে প্রত্যেক ধর্ম সমান। তাঁরা শ্রিস্টমাস, ইদ পালন করে, আমিও তা করি। তখন শ্রী আচ্য তাঁকে বলেছিল, স্বামী বিবেকানন্দ এরকম বলেছিলেন বলে তিনি বিশ্বাস করেন না। রানাড়ের বইটা নিয়ে তিনি স্বামীজীর লেখা সেই উদ্বৃত্তির প্রতি তাঁর দৃষ্টি আকর্ষণ করেন, যেখানে বলা হয়েছিল— "Every man going out of the Hindu pale is not only a man less, but an enemy the more"। প্রতিবেদক জানিয়েছেন, অসীমানন্দ তাকে



না ও গুরুদের সঙ্গে স্বামী অসীমানন্দ।

বলেছিলেন, 'I got a huge shock after reading this'। তারপর বেশ কিছুদিন তিনি চিন্তাভাবনা করেছিলেন। তিনি বুঝেছিলেন, তার সীমিত ক্ষমতায় বিবেকানন্দের শিক্ষাকে অনুভব বা সম্পূর্ণরূপে বিশ্লেষণ করা সম্ভব নয়। কিন্তু তখন থেকেই মনস্থ করেছিলেন 'I will follow it all my life'।

এক বছরের কিছু পরে হঠাতে একদিন বর্ষার সন্ধ্যায় বাগমুণ্ডির ছাত্রাবাসে তিনি ফিরে এলেন। পরনে গৈরিক বসন। না, নবকুমার সরকার নন, এখন তিনি স্বামী অসীমানন্দ। ছাত্রাবাসে আনন্দ আর ধরে না। অনেকদিন পর তাদের প্রিয়জনকে কাছে পেয়েছেন। বলরামদাও খুব খুশি। অনেক জমে থাকা কথা দুঃবন্ধুর মধ্যে হলো। কলকাতা থেকে বেরিয়ে তিনি প্রথমে উত্তরকাশী গিয়েছিলেন। উত্তরকাশীর বিস্তৃত এলাকার পর্বতে অসংখ্য গুহা, কল্দর। সেখানে সব সাধু-সন্তাদের বাস। দুর্শ্র সাধনায় মগ্ন। চারিদিক শাস্ত সমাহিত। এখানে বিচরণ করলে শরীর মনে এক প্রসন্নতা নেমে আসে। এই উত্তরকাশীতেই একদিন এক বঙ্গভাষী সাধকের সঙ্গে তাঁর সাক্ষাৎ হয়। বয়সে যুবক ওই সাধুর নাম পরমানন্দ গিরি। এই সাধকের জীবনেও অনেক অলোকিক ঘটনার সমাবেশ। কিন্তু সেসব অন্য প্রসঙ্গ।

স্বামী পরমানন্দ তাঁর গুরুদেবের গুহায় স্বামী অসীমানন্দকে নিয়ে যান। অতি দুর্গম সেই স্থান। বছরে একবার মাত্র গুরুদেব সেই গুহার বাইরে আসেন। বয়স প্রায় তিনেশা বছর বলে অনুমান।

নগদেই এই গুরুদেব আহার করেন না বলেগৈছে চলে। বায়ু সেবনেই জীবিত থাকেন। শরীরের দিকে কোনো খেয়াল নেই। তাঁর জটা মাটি স্পর্শ করেছে। স্বামী অসীমানন্দ ও স্বামী পরমানন্দ হয়ে উঠলেন পরম্পরের গুরুদ্বারা। পরবর্তীকালে স্বামী পরমানন্দ বর্ধমান জেলার রায়নার কাছে বনগ্রামে পরমানন্দ মিশন নামে এক আশ্রম স্থাপন করেন। অসীমানন্দ তাঁর কাছেই সন্ধ্যাস ধর্ম ধ্রহণ করেন।

সন্ধ্যাস জীবনের পরম্পরা অনুসারে স্বামী অসীমানন্দজী স্থির করলেন, পরিব্রাজক হিসেবে তিনি সারা দেশ পরিভ্রমণ করবেন। দেশের মানুষকে খুব কাছ থেকে জানাই এই পরিব্রাজক জীবনের উদ্দেশ্য। আক্ষরিক অর্থেই কপর্দক শূন্য হয়ে তিনি পথে পা বাড়ালেন। কারও কাছেই নিজের প্রয়োজনের জন্য কোনো কিছুই ছাইবেন না, এমনকী ক্ষুধার অন্ন বা পরিধেয় বস্ত্রও। সমাজের মানুষই তাঁর এই ব্রতের কথা বুঝে নিজেরাই পাথেয় সংগ্রহ করে তাঁকে দেবেন— এই বিশ্বাস তাঁর ছিল। কিন্তু তাঁর এই বিশ্বাস থাকলে কী হবে, পরিব্রাজক সন্ধ্যাসীর জন্য যে কিছু করা দরকার, সমাজের বেশিরভাগ মানুষেরই তেমন ধারণা ছিল না। কোনো কোনো দিন তাই অভুক্তই থাকতে হয়েছে। পরিধেয় বস্ত্রেও ফাটল ধরেছে। সব মিলিয়ে সত্যিই এক করুণ অবস্থা। অনেকটা ভিখারির মতো। কিন্তু এই অবস্থাতেও বিশেষত ওড়িশা আর ঝাড়খণ্ডের বনবাসী অধ্যুষিত এলাকাগুলিতে পরিভ্রমণ করে দেশ ও সমাজের প্রকৃত


অবস্থাটা অনুভব করার চেষ্টা করেছেন। এই পরিবারজন কালে কয়েকজন সাধু-মহাত্মার সঙ্গে তাঁর পরিচয় হয়। তাঁর পরিবারজক জীবনের স্বরূপ উপলক্ষ করে সাধু-সন্তরা তাঁকে এই ব্রত ত্যাগ করে তাঁদের সহযাত্রী হতে বলেছিলেন। কেননা, বর্তমান সমাজ পরিবারজক ব্রতের মাহাত্ম্য বোঝে না। তাই এখন এই ব্রত মেনে চলা খুব কঠিন। তবুও স্বামীজী আপন ব্রতেই অটল রইলেন। সাধু-সন্তদের পরামর্শের সারবন্ধ বুঝেও তিনি পরিবারজক ব্রত থেকে বিরত হলেন না এবং শেষপর্যন্ত তা সম্প্রসারণ করলেন।

এই পরিবারজনের সময় অমরকণ্ঠকে বাবা কল্যাণদাসজী মহারাজের সঙ্গে স্বামীজীর সাক্ষাৎ হয়েছিল। পরিবারজক ব্রত শেষ হতেই স্বামী অসীমানন্দ অমরকণ্ঠকে কল্যাণদাসজীর আশ্রমে উপস্থিত হলেন। নিজের পরিচয় প্রসঙ্গে পশ্চিমবঙ্গের বনবাসী ছাত্রদের ছাত্রাবাস পরিচালনার অভিজ্ঞতার কথাও জানালেন। কল্যাণদাসজী তখন নিজেদের আশ্রমের সেই ছাত্রাবাস পরিচালনার দায়িত্ব অসীমানন্দজীকে দিলেন। এই আশ্রমে আরও অনেক সাধুসন্ত থাকতেন। আহারের সময় আশ্রমের সাধুসন্তরা আলাদা পঙ্কজিতে বসতেন। স্বামীজী কিন্তু বিষয়টা নিয়ে প্রশ্ন তুললেন।


স্বত্বাবতই এ নিয়ে কথা উঠল।

কল্যাণদাসজীও স্বীকার করলেন, ভোজনের সময় সাধুসন্তরা যে আলাদা বসেন তাতে কোনো অন্যায় নেই। তাঁরা আলাদা বসতেই পারেন। এই বিধান দিলেও কল্যাণদাসজী নিজে কিন্তু বনবাসী বালকদের পঙ্কজিতে গিয়ে বসলেন। তাঁর এই আচরণেই স্পষ্ট হয়ে গেল সাধুসন্তদের জন্য আলাদা কোনো পঙ্কজির প্রয়োজন নেই।

স্বামীজী অত্যন্ত কুশলতার সঙ্গেই আশ্রমের কাজ দেখভাল করছিলেন। ছাত্রদের প্রিয় হয়ে উঠেছিলেন। এই সময় একদিন উজ্জয়নীর শ্রীরামকৃষ্ণ আশ্রমের সন্ন্যাসী স্বামী ভাস্করানন্দজীর কল্যাণদাসজীর আশ্রমে এলেন। স্বাভাবিকভাবেই ভাস্করানন্দজীর সঙ্গে স্বামীজীর পরিচয় ঘটল। পরিচয়সূত্রে স্বামীজী একথাও জানালেন যে, এই অমরকণ্ঠকেই রায়পুরের শ্রীরামকৃষ্ণ মঠ ও মিশনের সন্ন্যাসী স্বামী আত্মানন্দজীর সঙ্গেও তাঁর পরিচয় হয়েছে।



পরমানন্দ গিরি



বসন্তরাও ভট্ট

ছত্তিশগড়ের বস্তার জেলার অবুঝামাড়, নারায়ণপুর এলাকার বনবাসীদের সেবার জন্য রামকৃষ্ণ মিশনের পক্ষ থেকে তখন উদ্যোগ নেওয়া হচ্ছিল। আত্মানন্দজী অবুঝামাড়ে সেবা কাজের জন্য স্বামীজীকে যেতে অনুরোধ করলেন। আত্মানন্দজীর পরামর্শ মতেই স্বামীজী ও ভাস্করানন্দজী অবুঝামাড়ের উদ্দেশে রওনা দিলেন। সত্য বলতে কী, নারায়ণপুরে মিশনের কাজ তখন সবে শুরু হয়েছে। থাকার ব্যবস্থাও ঠিকমতো হয়ে ওঠেনি। গ্রামের বনবাসীদের ঝুপড়ির মধ্যেই থাকতে হতো। অবুঝামাড়ের বনবাসীদের ভাত রান্না করে খাওয়ার অভ্যাস তখনও হয়নি। জঙ্গলে যে ফলমূল বা অন্য যা কিছু পাওয়া যায়, তা খেয়েই তারা জীবন ধারণ করত। যেখানে স্বামীজীরা থাকতেন, তাদেরই একটি মেয়ে তাদের ভাত রান্না করে দিত। বাস্তবে মেয়েটি ভাত রান্না করতেও জানত না। কেননা, ওই দরিদ্র বনবাসীদের সংসারে ভাত খাওয়াটাও ছিল একরকম বিলাসিতা। একটা পাত্রে জল ঢেলে সে উন্ননে বসাত আর জলটা যখন ফুটত তখন তাতে চালগুলো ঢেলে দিত। ভাত এভাবেই রান্না করতে হয় বলে তার মনে হয়েছিল। তারপর তা স্বামীজীদের দিয়ে বলতো, এটা আপনাদের, আমি খাব না। অনেকভাবে বোঝানোর পর শেষপর্যন্ত মেয়েটি খেতে রাজি হলো। কীভাবে ভাত রান্না করতে হয় স্বামীজীরা তাকে শিখিয়ে দিয়েছিলেন।

একদিন বীজাপুর যাওয়ার সময় মেয়েটি স্বামীজীর কাছে পয়সা চাইল। স্বামীজী ভাবলেন, রান্না ইত্যাদি কাজ করে দেওয়ার জন্য বোধ হয় সে পয়সা চাইছে। স্বামীজী মেয়েটিকে দশটা টাকা দিলেন। একী! স্বামীজী দেখলেন, মেয়েটি বাজার থেকে একটা মাটির ঘড়া কিনে নিয়ে এসেছে। স্বামীজী জিজাসা করলেন, ঘড়া নিয়ে কী করবে? মেয়েটি বলল, এই ঘড়ায় করে আপনাদের জন্য জল আনব। আর পাঁচটা টাকা ফেরত দিয়ে বলল, এটা বেঁচেছে। স্বামীজী জিজাসা করলেন, তুমি নিজের জন্য কী এনেছ? মেয়েটি বলল, বাজার গিয়ে আমার জন্য আবার কী আনব? আপনাদের ঘড়া কেনার জন্যই তো বাজারে গিয়েছিলাম।

অবুঝামাড়ে বনবাসীদের মধ্যে একশ্রেণীর মানুষ ছিলেন, যাদের

গায়ের রং ফস্রা। এদেরই সঙ্গে স্বামীজীর একবার দেখা হলো। তাদেরই একজন এগিয়ে এসে স্বামীজীর সঙ্গে করমার্দন করে ইংরাজিতে জিজ্ঞাসা করল— হাউ ডু ইউ ডু ? স্বামীজী খুব আশ্চর্য হয়ে গেলেন। স্বামীজী তাকে জিজ্ঞাসা করলেন, তুমি কোথা থেকে ইংরাজি ভাষা শিখলে ? লোকটি বলল, এক ইংরেজ সাহেব এখানে এসেছিলেন। সে আমাকে অসমে নিয়ে গিয়েছিল। অসমে তার চা-বাগান ছিল। আমি সেখানে অনেকদিন কাজ করেছি। সাহেব যখন নিজের দেশ বিলেত যাচ্ছিল তখন আমাকেও নিয়ে গেল। স্বামীজী তাকে জিজ্ঞেস করলেন, তুমি সেই দেশে এই পোশাকে গিয়েছিলে ? সে বলল, না সাহেব, এভাবে যাইনি, জামাপ্যান্ট পরে গেছিলাম। স্বামীজী তাকে জিজ্ঞাসা করলেন, সেই দেশে থাকলে না কেন ? সে বলল, নিজের দেশই ভালো সাহেব। স্বামীজী আবার জিজ্ঞাসা করলেন, তুমি জামাপ্যান্ট পরছ না কেন ? সে বলল, নিজেদের লোকেদের সামনে ওই পোশাক পরতে ভালো লাগে না। নিজেদের পোশাকই (ল্যাঙ্ট) পরতে ভালো লাগে।

এইসময় বস্তারে নকশালদের কাজ শুরু হয়েছে। বনবাসীরা অত্যন্ত সরল হলেও পুলিশের ঝুট ঝামেলা থেকে নিজেদের বাঁচাতে তারা এক উপায় বার করেছিল। তাদের অবস্থা ছিল অনেকটা শাঁখের করাতের মতো। একদিকে নকশাল, অন্যদিকে পুলিশ। যেদিকেই যাক না কেন, দুদিকেই বিপদ। পুলিশ এসে নকশালদের খবরাখবর জিজ্ঞাসা করলে নকশালরা বাঁ দিকে গেলে তারা ডানদিকে গেছে বলত। নিজেদের প্রাণ বাঁচানোর জন্য আজও তারা এরকমই সব উপায় অবলম্বন করে আছে।

একবার পুলিশ আসার খবর পেয়ে গ্রামের সব লোক পালিয়ে গেল। স্বামীজী কিন্তু গ্রামেই থেকে গেলেন। স্বামীজী পুলিশের কাছে নিজের পরিচয় জানালেন। পুলিশ চলে যাওয়ার পর আবার সব লোক গ্রামে ফিরে এলো। স্বামীজী তাদের জিজ্ঞাসা করলেন, তোমরা পুলিশ দেখে পালিয়ে গেলে কেন ? বনবাসীরা জানায়, পুলিশ গ্রামে এসে তাদের খুব মারধর করে।

একবার এই অঞ্চলের এক গ্রামে এক ব্যক্তির সঙ্গে স্বামীজীর দেখা হলো। বনবাসীদের মতোই খালি গায়ে ও ল্যাঙ্ট পরে আছে। সে স্বামীজীকে জিজ্ঞাসা করল— আপনি কে ?

আমি এখানকারই একজন।

কিন্তু আপনি তো এখানকার নন ?

স্বামীজী বললেন, আমি দিল্লি থেকে এসেছি। বনবাসীদের জীবন ভালোভাবে জানার জন্য এখানে আমার আসা। এটাই আমার গবেষণার বিষয়।

স্বামীজী বস্তারের অবুবামাড়ে প্রায় দু'বছর ছিলেন। সেখানে একবার ম্যালেরিয়া রোগে গুরুতরভাবে অসুস্থ হয়ে পড়েন। এই রোগ সারাতে গিয়ে তাকে যে ওষুধ খেতে হলো, তার সাইড

এফেক্ট-এ তিনি মোটা হয়ে গেলেন। নারায়ণপুর রামকৃষ্ণ আশ্রম দু'বছর থাকার পর তিনি আবার সুস্থ জীবন ফিরে পেলেন। নারায়ণপুর শ্রীরামকৃষ্ণ আশ্রমকে ঘিরে তখন নানা কর্মদ্যোগ শুরু হয়েছে। বিদ্যালয়, চিকিৎসালয়, ছাত্রাবাস, অতিথি নিবাস, অধিকারী ও পদাধিকারীদের নিবাস তৈরি হয়েছে। তখন বস্তারের কালেক্টর ছিলেন বি ডি শৰ্মা। তাঁর সঙ্গে কর্মরত প্রশাসনিক অধিকারী ও কর্মচারীদের আবাসে যেসব বনবাসী মেয়েরা কাজ করত, এদের সংস্পর্শে এসে তাদের অনেকেই সন্তানসন্ত্বার হয়ে পড়েন। কালেক্টর শৰ্মাজী এইসব সন্তানসন্ত্বাদের আইন মোতাবেক বিবাহের বন্দোবস্ত করেন। কিন্তু ঘটনা হলো, এইসব সরকারি কর্মচারীদের যখন স্থানান্তর হতো তখন তারা স্ত্রী ও সন্তানকে ছেড়ে দিয়ে চলে যেত। এর ফলে সরকারি প্রাথমিক বিদ্যালয়ে সন্তানদের ভর্তি করাতে গিয়ে এইসব বনবাসী মায়েদের সমস্যার মধ্যে পড়তে হতো। সরকারি বিদ্যালয়ে ভর্তির জন্য পিতার নাম লেখা বাধ্যতামূলক ছিল। একজন ভর্তি হতে এসে কিছুতেই পিতার নাম বলতে পারল না। ফলে সমস্যা তৈরি হলো। তখন স্বামীজী নিজেই এগিয়ে এসে শিশুটির পিতার নামের স্থানে নিজের নাম লিখে দিলেন। বিদ্যালয়ে শিশুটির ভর্তির পথ সুগম হলো।

প্রায় বছর পাঁচেক বস্তার এলাকায় থাকার পর আবার তাঁর মনে বনবাসী কল্যাণ আশ্রমের কাজ করার ইচ্ছা জাগলো। কলকাতায় এসে স্বামীজী মাননীয় বসন্তরাও ভট্টর সঙ্গে দেখা করলেন। মাননীয় বসন্তদা দীর্ঘ ১৭ বছর বাংলায় সঙ্গের প্রাপ্ত প্রচারক ছিলেন। জরুরি অবস্থা উঠে গেলে বনবাসী কল্যাণ আশ্রমের বাংলা-সহ সমগ্র উত্তর-পূর্ব ভারতের সংগঠন সম্পাদকের দায়িত্ব তাঁকে দেওয়া হয়। সেই সূত্রেই মাননীয় বসন্তদার সঙ্গে দেখা করে তিনি নিজের ইচ্ছার কথা জানালেন। এইসময় আন্দামান-নিকোবরে বনবাসী কল্যাণ আশ্রমের কাজের বিস্তারের বিষয়ে ভাবনাচিন্তা চলছিল। আন্দামান-নিকোবরে তখন ছত্রিশগড়, রায়গড়, সরগুজা, রাঁচি, গুমলা, লোহারংগাঁ থেকে বহু জনজাতি মানুষ শ্রমিক হিসেবে গিয়েছিল। আন্দামান-নিকোবরে এদের রাঁচিওয়ালা বলা হতো এবং এদের বস্তিগুলোকে রাঁচি বস্তি নামে পরিচিত ছিল। এছাড়া অন্ধ্রপ্রদেশের আদিলবাদ, সিরকাকুলাম থেকেও বহু শ্রমিক সেখানে কাজ করতে গিয়েছিল। ইতিমধ্যে মাননীয় বসন্তদা আন্দামানে গিয়ে সেখানকার বনবাসী সমাজের স্থিতি সরেজমিনে দেখে এসেছিলেন। তিনি অনুভব করেছিলেন, আন্দামানে বনবাসীদের মধ্যে সেবাকাজের জন্য কাউকে পাঠাতে হবে। তিনি এই কাজের জন্য স্বামীজীকে আন্দামানে যেতে বললেন। এই কাজের প্রস্তুতির জন্য বনবাসী কল্যাণ আশ্রমের কেন্দ্র যশপুরে স্বামীজীকে পাঠালেন। যশপুরে স্বামীজী এক বছর ছিলেন। আশ্রমে ছাত্রদের বালকদের পড়ানোর দায়িত্ব

তাঁকে দেওয়া হয়েছিল। অধ্যাপনার সঙ্গে সঙ্গে তিনি রামায়ণও গভীরভাবে অধ্যয়ন করলেন। নিজের কথা ও ব্যবহারের কারণে স্বল্প দিনের মধ্যেই তিনি বালকদের প্রিয় হয়ে উঠলেন। ছাত্রদের পড়াশোনার মানও এতে অনেকটা উন্নত হলো।

যশপুর আশ্রমে একবছর থাকার পর পরিকল্পনামতো তিনি আন্দামানে পৌঁছালেন। আন্দামানে রাঁচি বন্ধুরা অচ্ছৃত ছিলেন। সমাজের এক ধারে তাদের ঠাই ছিল। কারও সঙ্গে তাদের সম্পর্ক ছিল না। তাই তাদের মধ্যে কাজ করার দরকার ছিল। স্থানীয় লোকেদের ধারণা, রাঁচির জনজাতিরা খ্রিস্টান। তারা হিন্দু নয়। কেননা, তারা হিন্দুদের কোনো উৎসব পালন করে না। তাদের বসতিতে কোনো মন্দিরও ছিল না। তারা রবিবার দিনে চার্চে যায়, খ্রিস্টানদের মতো ২৫ ডিসেম্বর দিনটিকে বড়দিন হিসেবে পালন করে। নিজেদের ছেলেমেয়েদের নামও খ্রিস্টানদের মতো রাখে। এইরকম এক পরিস্থিতির মধ্যে স্বামীজী রাঁচি এলাকা থেকে আসা জনজাতিদের মধ্যে কাজ শুরু করলেন। দৈনিক বা সাপ্তাহিক ভজন-কীর্তন শুরু হলো। কাজ শুরুর সময় অনেকরকম অসুবিধার মুখোমুখি হতে হলো। একদিন বিকেলে রাঁচি বসতির একজনের ঘরে তিনি পৌঁছালেন। জঙ্গলের ধারেই সেই ঘর। সেই ঘরের বাসিন্দাদের সঙ্গে তাঁর আগে থেকে পরিচয় ছিল না। সন্ধ্যা হয়ে আসছে। জঙ্গলের পথ দিয়ে চলার সময় কখন যে জামাকাপড়ে জোঁক ঢুকে গেছে তা টের পাননি। পরে জামাকাপড়ে রক্ত দেখে টের পেয়েছিলেন তার শরীর থেকে রক্ত বের হচ্ছে। সেই ঘরে তখন এক মহিলা ছিলেন। তিনি জানালেন, ঘরের পুরুষ মানুষটি এখন নেই। একটু পরে ফিরবে। মহিলার কথাটা বুঝতে স্বামীজীর অসুবিধা হলো না। স্বামীজী ঠিক কী করবেন বুবো উঠতে পারছেন না। অনেকটা পথ হেঁটে এসেছেন। আবার সন্ধ্যাও নামছে। ভাগ্য ভালো বলতে হবে, এমন সময় ঘরের পুরুষ মানুষটি ফিরে আসায় সেই ঘরে আশ্রয় মিলল। যেখানে কোনো পরিচিতি নেই সেখানে সম্পর্ক স্থাপনের জন্য এরকম ঝুকি নেওয়া ছাড়া অন্য আর কী বা উপায় আছে?

আর একদিনে ঘটনা। স্বামীজী রাঁচি বসতির কোনো এক গ্রামে যাচ্ছিলেন। এবারে অবশ্য যেখানে যাচ্ছেন তার নাম ঠিকনা ছিল। যিনি তাঁকে যেতে বলেছিলেন তিনিও সেখানে পরে যাবেন বলে জানিয়েছেন। কথামতো স্বামীজী বিকেলের দিকে সেই ঘরে পৌঁছালেন। কিন্তু সেই ঘরের যিনি কর্তৃ ছিলেন তিনি একটু ভয় পেয়ে গেলেন। এই দূর গ্রামে সাধু-সন্তরা কখনো আসে না। যারা আসে তারা সাধুর বেশে বাজে লোক। ঠিকিয়ে চুরি করে নিয়ে পালায়। স্বামীজী নিজের ও যিনি তাঁকে পাঠিয়েছেন তার কথা বললেও মহিলার মন থেকে ভয় গেল না। অগত্যা স্বামীজীকে অন্য আর এক গ্রামে এক পরিচিতির বাড়ি যেতে হলো। একটু

পরে স্বামীজীকে যিনি পাঠিয়েছিলেন, তিনি উপস্থিত হলে সেই মহিলা বললেন, তিনি তাকে তাড়িয়ে দিয়েছেন। কেননা, সবাই এরকমই বলে। মহিলা যেন একাজ করেছেন বলে একটু আত্মপ্রসাদই লাভ করলেন।

তিনি লক্ষ্য করলেন, খ্রিস্টান মিশনারিরা আন্দামান-নিকোবরের বনবাসীদের সরলতার সুযোগ নিয়ে তাদের ধর্মান্তরণ করছে। তিনি ছির করলেন, এদের আবার স্বধর্মে ফিরিয়ে আনতে হবে। এজন্য শতকষ্ট হলেও এই বনবাসীদের মধ্যেই থাকতে হবে। সংকল্প মতো কাজও শুরু করলেন। ধীরে ধীরে তাদের মন জয় করলেন। দীর্ঘ তিন বছরের চেষ্টায় তাদের একাংশ পরম্পরাগত ধর্মে ফিরে এলো। বনবাসী পরিবারগুলি থেকে বালকদের নিয়ে পোর্ট রেয়ারের একটি ছাত্রাবাস প্রতিষ্ঠা করলেন। এর আগে হিন্দু সম্যাসীরা আন্দামানে গেছেন, কিন্তু দর্শক হিসাবে। অথচ খ্রিস্টান মিশনারিরা সবসময় বনবাসীদের সঙ্গে সম্পর্ক রেখে চলেছে। স্বামী অসীমান্ত সাড়ে চার বছর আন্দামানে ছিলেন। এরকম অত্যাধিক পরিশ্রমের ফলে মায়াবন্দরে তিনি খুব অসুস্থ হয়ে পড়লেন। এজন্য তাঁকে স্থানীয় সরকারি হাসপাতালে ভর্তি করানো হয়।

স্বামীজীর এই সম্পর্কের ফলে রাঁচি বসতিতে রামনবমী, কৃষ্ণজন্মাষ্টমী, রক্ষাবন্ধন, হোলি, দীপাবলী, বসন্ত পঞ্চমী প্রভৃতি উৎসব ক্রমশ শুরু হলো। রাঁচি জনজাতিদের পরম্পরাগত উৎসব করমা, জিতিয়া হতে লাগল। আন্দামান-নিকোবরের রাঁচি বসতিতে যে জনজাতিরা রয়েছে, তারা যে হিন্দুই তা ক্রমশ স্থানীয় মানুষরা বুঝতে পারল। রাঁচি বসতির এইসব উৎসবে অন্ধ, তামিলনাড়ু, বিহার, উত্তরপ্রদেশ, কর্ণাটক, কেরল থেকে আসা জনজাতিরাও ক্রমশ শামিল হতে শুরু করল। পোর্ট রেয়ার, রঙ্গত, বকুলতলা, মায়াবন্দর, ডিগলিপুর, লিটল আন্দামানের মতো প্রমুখ স্থানগুলিতে হনুমানজয়স্তী বিপুল উৎসাহে জাঁকজমকের সঙ্গে হতে লাগল। ভজন, কীর্তন, শোভাযাত্রা হতে লাগল। পোর্ট রেয়ারে প্রথমবার রামনবমী উপলক্ষে বিশাল মিছিল বের হলো। প্রায় দশ হাজার মানুষ সেই মিছিলে যোগ দিয়েছিলেন। সেখানকার হিন্দু সমাজকে সংগঠিত করার জন্য স্বামীজী পোর্ট রেয়ারে সন্মিলন কক্ষ-সহ একটি মন্দির নির্মাণের ব্যবস্থা করলেন। সেই সঙ্গে বনবাসী কল্যাণ আশ্রমের আন্দামান শাখার একটি বিধিবন্দন সমিতিও গঠিত হলো।

আন্দামান নিকোবরে স্বামীজীর কাজের পরিণাম দেখে তাঁর উপর বনবাসী কল্যাণ আশ্রমের অধিল ভারতীয় শ্রদ্ধা জাগরণ প্রমুখের দায়িত্ব দেওয়া হলো। তিনি তখন থেকে সমগ্র দেশে বনবাসী অধ্যুষিত অঞ্চলগুলিতে গিয়ে শ্রদ্ধা জাগরণ কাজের বিভাগ করতে লাগলেন। উত্তর-পূর্বাঞ্চলের ডিমাসা, কার্বিয়াংলঙ, উফু, উমরাংসু, হাফলং, নায়বাংগ প্রভৃতি অঞ্চলগুলিতে বনবাসীদের সঙ্গে সম্পর্ক স্থাপন করলেন। সেইসঙ্গে ত্রিপুরার বনবাসী

অঞ্চলগুলিতেও পরিভ্রমণ করলেন। ডিমাসা জনজাতির আরাধ্য দেবতা শিবরায় (ভগবান শিব)-এর ভজন সংগ্রহ করে কয়েকটি গ্রামে দৈনিক বা সাপ্তাহিক ভজন-কীর্তন শুরু করলেন। অসমে শ্রদ্ধা জাগরণের কাজের সময় এক মহিলা তাঁর সঙ্গে কাজ করতে চাইলেন। স্বামীজী ওই মহিলাকে অনেকবার বোঝানোর চেষ্টা করলেন যে এভাবে কাজ করা তাদের পদ্ধতি নয়। কিন্তু কিছুদিনের মধ্যেই ওই মহিলার উদ্দেশ্য ফাঁস হয়ে গেল। আর কোনো উপায় না দেখে ওই দুষ্ট মহিলা স্বামীজীর কাছে ক্ষমা চেয়ে বিদায় হলো।

স্বামীজী এরপর দক্ষিণের প্রদেশগুলিতে পরিভ্রমণ শুরু করলেন। অন্ধ্রপ্রদেশের আদিলবাদ, সিরকাকুলম, মহবুবনগর-সহ বিশাখাপট্টনাম জেলায় মাসাধিককাল ধরে বনবাসী সমাজের সঙ্গে সম্পর্ক স্থাপন করলেন। ভজন-কীর্তন ও রামায়ণ গানের মাধ্যমে জাগরণের কাজ চলতে লাগল। খুঁটি ও সিমডেগা জেলাতেও গেছিলেন। যশপুর ও গুমলা জেলার পাশে বারাবনী, মোফরাগ্রামে লাবা ও শঙ্খ নদীর সংগমস্থলে শঙ্খেশ্বর মহাদেবের মন্দির নির্মাণ করে মহাশিবরাত্রিতে মেলার আয়োজন করলেন। যশপুর ও সিমডেগা — এই দুই জেলারই কাছাকাছি জায়গায় সারদা ধাম প্রতিষ্ঠা করে সারদা উৎসব শুরু করলেন। এইসব এলাকার বেশিরভাগ মানুষই মজদুর ও অবহেলিত শ্রেণীর। তবুও তাদের মধ্যে দেবদৈবীর প্রতি, মা গঙ্গার প্রতি ভক্তির কোনো অভাব ছিল না। পশ্চিমবঙ্গের পুরকলিয়া, বাঁকুড়া, দিনাজপুর জেলার গ্রামে গ্রামে প্রমণ করে শ্রদ্ধা জাগরণ কেন্দ্র স্থাপন করেছিলেন। উত্তরবঙ্গের শিলিঙ্গড়ি, কোচবিহার, আলিপুরদুয়ার জেলার চা-বাগানগুলিতে সম্পর্ক স্থাপন করে শ্রদ্ধা জাগরণ কেন্দ্রের কাজ শুরু করেছিলেন। ছত্রিশগড়ে বস্তার জেলার সঙ্গে স্বামীজীর সম্পর্ক আগে থেকেই ছিল। এই সময় বস্তার জেলা পরিভ্রমণের সময় তিনি ‘ফিসচুলা’ রোগে আক্রান্ত হয়ে পড়েন। হাসপাতাল থেকে ছুটি পেয়ে নারায়ণপুর রামকৃষ্ণ আশ্রমের অতিথি নিবাসে কিছুদিন থাকেন। স্বামীজী চলে যাওয়ার পর একদিন একটি মেয়ে স্বামীজীর খোঁজ করতে সেই হাসপাতালে এলেন। সেখানকার কর্মচারীরা জানায় যে, স্বামীজী কয়েকদিন আগেই হাসপাতাল থেকে চলে গিয়েছেন। একথা শুনে ওই মেয়েটি কেঁদে ফেলল। বলল, স্বামীজী আমার পিতাজী। আমি তো এতদিন পিতাজী হিসেবে স্বামীজীর নামই বলে এসেছি। কর্মচারীরা তখন মেয়েটিকে নিয়ে অতিথি নিবাসে যায়। স্বামীজীর সঙ্গে মেয়েটির সাক্ষাৎ হলো। মেয়েটি বলল, ইতিমধ্যে সে দ্বাদশ শ্রেণীতে উত্তীর্ণ হয়েছে। তাঁর মা এক মুসলমানকে বিবাহ করেছে। সে নিজেও এখন মায়ের কাছে রয়েছে। তার বিবাহ বেনারসে হচ্ছে। স্বামীজী এসেছেন শুনে সে দেখা করতে এসেছে।

মধ্যপ্রদেশের মণ্ডলা, বেতুল, খরগোন, খাণ্ডওয়া, ধার, বাবুয়া,

আলিরাজপুর ইত্যাদি বনবাসী অধ্যুষিত জেলাগুলিতে স্বামীজী শ্রদ্ধা জাগরণ কাজের বিস্তার ঘটাতে লাগলেন। বনবাসীরা তাকে অত্যন্ত শ্রদ্ধার সঙ্গে আদরযন্ত্র করতেন। শ্রদ্ধা জাগরণের কাজে এরপর তিনি মহারাষ্ট্রের নগডওয়ার, নাসিক, ধুলে, জলগাঁও, ভুসওয়াল অঞ্চলের বনবাসী গ্রামগুলিতে পরিভ্রমণ করেন। পাশাপাশি গুজরাতের ডাংস, ধরমপুর, বলসাড় জেলা, কণ্টকের কুর্গ, সোলুগা, মহীশূর জেলাতেও যান। সিদ্ধি, গৌলী জনজাতিদের সঙ্গেও সম্পর্ক স্থাপন করেন। তামিলনাড়ুর উঠি, সেলম, কেরলের ওয়ানাডে, কুরচা, কুকেসা জনজাতিদের গ্রামে বনবাসীদের সঙ্গে সম্পর্ক স্থাপন করেন।

এভাবে সারা দেশের বিভিন্ন এলাকায় বনবাসী অঞ্চলে প্রবাস করে স্বামীজী শ্রদ্ধা জাগরণের কাজে গতি সঞ্চার করেন। এই সময় স্বামীজীর মনে এক ভাবনার উদয় হলো। এরকম নিরন্তর পরিভ্রমণ না করে কোনো একটি নির্দিষ্ট স্থানে বসে শ্রদ্ধা জাগরণের কাজ করাই ভালো বলে তাঁর মনে হলো। স্বামীজী তাঁর ইচ্ছার কথা বনবাসী কল্যাণ আশ্রমের তৎকালীন অধিল ভারতীয় সংগঠন সম্পাদক ভাস্কররাওজীকে জানালেন। স্বামীজী নিজের পরিকল্পনা মতো গুজরাতের ডাংস জেলায় গেলেন। গুজরাত বনবাসী কল্যাণ পরিষদের উদ্যোগে ওয়াঘাইতে বালকদের ছাত্রাবাস ছিল। স্বামীজী সেখানেই নিজের কেন্দ্র স্থির করলেন। সেটা ১৯৯৬ সাল। গুজরাতের দক্ষিণে ডাংস একটা ছোট জেলা। লোকসংখ্যা খুব বেশি হলে ২ লাখ। বেশিরভাগই মানে ৯৩ শতাংশই জনজাতি। বিটিশ আমল থেকেই সামাজিক ও রাজনৈতিক কাজকর্ম নিষিদ্ধ। খ্রিস্টান মিশনারিদের রমরমা। তারা ডাঙসকে ‘পশ্চিমের নাগাল্যাণ্ড’ বলত। দেশের উত্তর-পূর্বাঞ্চলের মতো এখানেও কাজ করা ছিল খুব বিপজ্জনক।

ডাংস জেলার ভীল, কোক্ষণা জনজাতি অধ্যুষিত গ্রামে গ্রামে গিয়ে তিনি তাদের সঙ্গে সম্পর্ক স্থাপন করতে লাগলেন। ওইসময় কোনো সম্পন্ন গৃহস্থের বাড়িতেই সবাই ওঠাবসা করতেন। স্বামীজী কিন্তু ভীল বনবাসীদের ঘরে থাকতেই পছন্দ করতেন। বলতেন, তোমরা যা খাও তাই খাবো। নাগলী রুটি আর বরী-র ভাত তাদের সঙ্গে বসেই খেতেন। আর রাতে ঘরের পাশে খোলা জায়গায় খাটিয়া পেতে শুতেন।

তিনি দেখলেন, ওই জেলাতে খ্রিস্টান মিশনারিরা ব্যাপকভাবে তাদের কাজের জাল বিস্তার করেছে। সেখানকার বনবাসী সমাজকে ভুল বুঝিয়ে পরিবারের মধ্যে বিভেদ সৃষ্টি করেছে। কোনো বনবাসী পরিবারের চাই ভাইয়ের দুই ভাইকে ভুল বুঝিয়ে ধর্মস্মরিত করে বিভেদ সৃষ্টিতে সক্ষম হয়েছে। তাদের পিতার স্বর্গবাস হলে হিন্দু দুই ভাই দাহ করতে চাইলে অন্য দুই ভাই কবর দিতে চায়। এই পারিবারিক বাগড়া ক্রমে ব্যাপক আকার নিয়েছে। স্বামীজী তাই

বনবাসীদের মধ্যে থেকেই তাদের মন জয় করতে শুরু করলেন। ডাঙস জেলাকে খ্রিস্টান জেলাতে পরিবর্তিত করার যে ষড়যন্ত্র খ্রিস্টান মিশনারিয়া করেছিল, তা ব্যর্থ হলো। এজন্য অবশ্য স্বামীজীকে প্রচণ্ড পরিশ্রম করতে হয়েছিল। সেসময় খুব ভোরে উঠে স্বামীজী স্নানাদি সেরে নিতেন। সামান্য কিছু মুখে দিয়ে বনবাসীদের সঙ্গে সম্পর্কের জন্য বেরিয়ে পড়তেন। বনবাসী থামে দুপুরবেলা সবাই কাজকর্মের জন্য বাইরে চলে যেত। তাই দুপুরের আহারের কোনো ঠিক ছিল না। যদি পাওয়া যেত তো খেতেন, নচেৎ রাতে যেখানে থাকতেন সেখানেই খেতেন। খাওয়া-দাওয়ার এই অনিয়মের জন্য গেটের অসুখ শুরু হলো। তবে তাতে শ্রদ্ধা জাগরণের কাজে কোনো ছেদ পড়ল না। থামে থামে গিয়ে ভজন-কীর্তনের মাধ্যমে শ্রদ্ধা জাগরণের কাজ চলতেই লাগল। এইসময় ঘরে ঘরে হনুমানজীর ফটো টাঙ্গানো, গলায় হনুমানজীর ছবি যুক্ত লকেট পরানোর কাজ শুরু হলো। যে থামে রাত্রিবাস করতেন সেখানে ভজন-কীর্তন, হনুমান চালিশা পাঠ, আরতি ও কথকতা হতো।

এক কথায়, আনন্দমানের মতো এখানেও তিনি একই পদ্ধতিতে কাজ করেছিলেন। আশ্রমের ছাত্রাবাসে ফুলচাঁদি বাবলো নামে এক ছাত্রকে তাঁর সহায়ক হিসেবে বেছে নিয়েছিলেন। কোন থামে গেলে তাদের কাজ সহজে করা যায় এবং তাদের কাজের কিছু সহযোগীও পাওয়া যাবে—এই বিষয়ে ফুলচাঁদের পরামর্শ খুব কাজে লাগত। তিনি ও তাঁর স্বেচ্ছাসেবক বাহিনী প্রত্যন্ত থামে গিয়ে সপ্তাহখানকে থাকতেন এবং গ্রামবাসীদের সঙ্গে মিশে যেতেন। হিন্দু ধর্মের কথা বলতেন, হুমানজীর লকেট দিতেন, হনুমান চালিশার কপি দিতেন। ভজন গাইতেন। আর খ্রিস্টান ধর্ম যেন কখনো গ্রহণ না করে এ বিষয়ে সাবধান করে দিতেন। যারা খ্রিস্টান থেকে হিন্দু হতে চায় তাদের তালিকা তৈরি করতেন। যখন তিনি ও তার সঙ্গীরা অন্য থামের দিকে আবার পা বাঢ়াতেন, তখন তারা এক রকম নিশ্চিত থাকতেন এই থামের কুটিরগুলিতে গেরুয়া পাতাক উড়তে থকবে।

বনবাসী কল্যাণ আশ্রমের প্রতিষ্ঠাতা শ্রদ্ধেয় বালাসাহেব দেশপাণ্ডের জন্মদিন উপলক্ষ্যে ১৯৯৮ সালের ২৬ ডিসেম্বর গুজরাতের ডাঙস মহকুমার ডোলদাতে এক বিরাট হিন্দু সম্মেলনের আয়োজন করা হয়েছিল। কোলাপুর থেকে করবীর শংকরাচার্য এই সম্মেলনে এসেছিলেন। প্রায় তিন চারশো খ্রিস্টান ধর্মবিহীন দুষ্কৃতী এই সম্মেলন বানাচাল করে দেওয়ার জন্য হামলা চালায়। ফলে এক উন্নেজনাকর পরিস্থিতির সৃষ্টি হয়। ১৪৪ ধারা জারি হয়। স্বামীজী মধ্যে থেকে বারবার সবাইকে শাস্তি থাকার অনুরোধ জানান। সভা শেষ পর্যন্ত সম্পন্ন হলেও সংবাদ মাধ্যম ঘটনার বিকৃত সংবাদ পরিবেশন করে। প্রচার করা হয়, খ্রিস্টান ধর্মবিহীন ও চার্চের উপর আক্রমণ করা হয়েছে। কংগ্রেসের তৎকালীন

সভাপতি সোনিয়া গাংধী ডাঃসে আসেন। কিন্তু তিনি শুধু সেখানকার চার্চে যান এবং তাদের কথা শুনেই সংবাদ মাধ্যমকে জানান যে খ্রিস্টান ধর্মবিহীনের উপর প্রবল অত্যাচার হয়েছে।

তৎকালীন প্রধানমন্ত্রী দেবেগোড়া ও লালপ্রসাদ যাদবও ডাঙসে যান। তাঁরা শুধু খ্রিস্টান ধর্মবিহীনের প্রতি সমবেদনা ব্যক্ত করে ফিরে আসেন। এর কিছুদিন পর ভারতীয় জনতা পার্টির সভাপতি অটলবিহারী বাজপেয়ীও বিষয়টি খতিয়ে দেখার জন্য ডাঙসে আসেন। ওইসময় সুপরিচিত সর্বোদয়ী নেতা ধেনুভাই স্বামী অসীমানন্দের প্রশংসা করে বলেন, বনবাসী মানুষদের সেবা করার জন্য তাঁর মতো মানুষ এর আগে এখানে কখনো আসেননি। কেউ অসুস্থ হয়েছে জানতে পারলে তিনি গাড়ির ব্যবস্থা করে তাকে হাসপাতালে পাঠাতেন। পুরো এলাকার মানুষের সুখ দুঃখের সঙ্গে তিনি একাই হয়ে গিয়েছিলেন। ডাঃস পরিবর্মণ করে এসে মাননীয় অটলজী খ্রিস্টান মিশনারিদের কাজকর্মের বিষয়টি জাতীয় স্তরে তুলে ধরলেন। আসল সত্যটা জানতে পেরে সারা দেশ হতবাক হয়ে গেল। সেবার আড়ালে খ্রিস্টান মিশনারিয়া যে আদতে হিন্দুদের ধর্মস্তর করে চলেছে, তা প্রকাশ্যে এসে গেল। যাদের প্রেপ্তার করে মালমা দায়ের করা হয়েছিল তা প্রমাণের অভাবে মিথ্যা বলে প্রমাণিত হলো। এরপর ১৯৯৯ সালে হলগুড়িতে যে হিন্দু সম্মেলনের আয়োজন করা হয়েছিল, স্থানীয় প্রশাসন অবশ্য তার সুরক্ষার ব্যবস্থা পুরোপুরি করেছিল। এইভাবে একের পর এক হিন্দু সম্মেলনের সাফল্য অসীমানন্দের সাংগঠনিক নৈপুণ্যকেই তুলে ধরে। সুপ্ত হিন্দুরের জাগরণের জন্য তাঁর বক্তব্য ছিল অত্যন্ত প্রভাবশালী। ১৯৯৯-র জানুয়ারি সংখ্যায় The Week পত্রিকায় প্রকাশিত এক সাক্ষাৎকারে অসীমানন্দ জানিয়েছেন, 'দারিদ্র্য দূরীকরণ বা উন্নয়নের বিষয় নিয়ে বেশি মাথা ঘামাতে চান না, বরং "We are only trying to uplift the tribals spiritually"'।

অসীমানন্দ ডাঃস-কে ভারতের অন্যতম একটা সুন্দর জায়গা বলে মনে করতেন। "You should see it during the monsoon". Aseemananda told me in Ambala Jail"। একসময় যে ডাঙস ছিল ধূসর, ফাঁকা বনাঞ্চল, আজ "miles and miles of world class highways carved into the mountains. These were built by the government of Aseemanand's most political patrons, Narendra Modi".।

গুজরাটের ডাঃসের পর মহারাষ্ট্রের নন্দওয়ার, নাসিক, ধুলে জেলার বনবাসী অধ্যুষিত জায়গাগুলিতে স্বামীজী নিজের কাজকর্মকে কেন্দ্রীভূত করলেন। এইসময় স্বাধীনতা সংগ্রামী অবারে গুরুজীর সঙ্গে স্বামীজীর সাক্ষাৎকার হয়। কথাপ্রসঙ্গে স্বামীজী



নরেঞ্জ মোহীর সঙ্গে প্রাণিপৎজ্ঞান অনুষ্ঠানে।

জানান, চার্চের স্কুলগুলিতে ১৫ আগস্ট ও ২৬ জানুয়ারি সাধারণত দ্঵িস পালন করা হয় না। অবারে গুরজী কিন্তু স্বামীজীর কথা বিশ্বাস করতে চাইলেন না। স্বামীজী তখন কিছু না বললেও পরে একদিন অবারে গুরজীকে সঙ্গে নিয়ে চার্চ পরিচালিত একটি স্কুলে গেলেন। স্কুলের অধিকারীর সঙ্গে বিভিন্ন বিষয়ের কথাবার্তার পর অবারে গুরজী জিজ্ঞাসা করলেন, এই স্কুলে ১৫ আগস্ট বা ২৬ জানুয়ারি পালন করা হয় কিনা? ওই স্কুলের অধিকারী বললেন, না, আমরা তা পালন কেন করব? এ তো খ্রিস্টানদের উৎসব নয়। স্কুলের অধিকারীর কথা শুনে অবারে গুরজীর চোখ খুলে গেল। তিনিও স্বামীজীর কাজের সহযোগী হলেন। স্থানে স্থানে বনবাসী সম্মেলনের আয়োজন হতে লাগল। খ্রিস্টান মিশনারিরা এতদিন বনবাসী অধ্যয়িত অঞ্চলগুলিকে নিজেদের জায়গির ভেবে এসেছে। এখন হিন্দু সংগঠনগুলি সেই এলাকায় কাজ শুরু করেছে। তাই খ্রিস্টান মিশনারিদের বিরোধিতা শুরু হলো। এক এক সময় এই বিরোধিতা প্রবল আকার ধারণ করে। যেমন ডাঃস। কিন্তু এতে পরিণাম ভালো হয়েছে। ছিন্দওয়াড়া, উপমওয়াড়া, নওয়াপুর ইত্যাদি নানা এলাকায় হিন্দু সমাজ জাগরিত হয়েছে। বিশাল সংখ্যায় হিন্দুর উপস্থিতিতে জাঁকজমকের সঙ্গে হিন্দু সম্মেলন হয়েছে।

এই সময়েই গুজরাটের সুবীর নামে এক গ্রামে স্বামীজী গিয়েছেন। সেখানে এক পরিচিত বনবাসী এসে স্বামীজীকে বলল,

অল্প কিছু দূরে একটা টিলা আছে। এখানকার লোকে ওই টিলাকে চমক ডোগরী বলে। সেখানে শবরী মাতা ভগবান শ্রীরামচন্দ্রকে ফল খাইয়েছিলেন। কখনো কখনো একটা জ্যোতি ওই টিলার থেকে উপরে যেতে দেখা গেছে। প্রচলিত বিশ্বাস, শবরী মাতা জ্যোতি হয়ে স্বর্গে গিয়েছেন। এই কারণে লোকে ওই ডোগরিকে চমক ডোগরি বলে। বনবাসী বন্ধুটির কথা শুনে স্বামীজী তারই সঙ্গে চমক ডোগরিতে গেলেন। সেই টিলার উপর তিনটে শিলাখণ্ড রয়েছে। জনশ্রুতি হলো, এই তিনটি শিলাখণ্ডের একটিতে শ্রীরাম ও দ্বিতীয়টিতে লক্ষ্মণ বসেছিলেন। আর তৃতীয় শিলাখণ্ডে শবরী মাতা বসে শ্রীরাম ও লক্ষ্মণকে ফল খাইয়েছিলেন। স্বামীজী এই পবিত্র স্থলে একটি মন্দির নির্মাণের সংকল্প করলেন। শবরী মাতার একটি মৃত্যি তৈরি করে প্রতিষ্ঠা করা হলো। পূর্জাচনা শুরু হলো। ভক্তরা যাতে বহু সংখ্যায় মন্দিরের সম্মুখে সমবেত হতে পারে তার জন্য টিলা কেটে সমতল তৈরির চেষ্টা হলো। ২০০২ সালে সেইখানে মুরারিবাপুর রামকথা গানের আয়োজন হলো। টিলার নীচে পাঁচ হাজার লোকের থাকা-থাওয়ার ব্যবস্থা হতে পারে এমন কাঠামো তৈরি হলো। সন্ত ভূর বাপু ও তাঁর গোষ্ঠীর উপর ভোজন ব্যবস্থার দায়িত্ব দেওয়া হলো। সব মিলিয়ে শবরী ধাম এক তীর্থক্ষেত্র হয়ে উঠল।

মহারাষ্ট্র ও গুজরাটের পর স্বামীজী এবার মধ্যপ্রদেশের দিকে

মন দিলেন। বিশেষত, মধ্যপ্রদেশের ধার, বাবুয়া, আলিরাজপুর জেলার বনবাসী এলাকাগুলিতে। ওইসব গ্রামের মানুষের সঙ্গে তিনি মাসাধিককাল থেকেছেন। বাবুয়া অঞ্চলের প্রামণগুলিতে তিনি ঘরে ঘরে মন্দির তৈরির পরিকল্পনা করেন। ঘরে ঘরে হনুমানজীর ছবি লাগানো হয়। হনুমানজী বা অন্য দেবদেবীর ছবি সংবলিত লকেট মানুষের মধ্যে বিতরণ করা হয়। ইন্দোর শহরের প্রায় পাঁচশো যুবক-যুবতীকে এই লকেট বিতরণের জন্য বনবাসী প্রামণগুলিতে পাঠানোর পরিকল্পনা করা হয়। এইসব প্রামে একাকীই যেতে হবে। বনবাসী পরিবারগুলির সঙ্গে কথা বলে সম্পর্ক স্থাপন করতে হবে। এইরকম যথন কথাবার্তা চলছে তখন একজন কলেজ ছাত্রী তাদের সুরক্ষা নিয়ে প্রশ্ন তুলল। সেইসময় বাবুয়াতে এক মিশনারি নানকে ধর্ষণ করা নিয়ে খুব শোরগোল চলছিল। স্বামীজী তখন বলেছিলেন, বনবাসী অঞ্চলে সম্পর্ক স্থাপনের ক্ষেত্রে সুরক্ষার গ্যারান্টি তিনি নিজেই দিচ্ছেন। আপনার কিছুই হবে না। স্বচ্ছদেই যেতে পারেন। তবে ইন্দোর শহরে আপনার সুরক্ষার গ্যারান্টি অবশ্য তিনি দিতে পারবেন না। স্বামীজীর এই তেজোদৃশ্প প্রত্যুত্তরে কর্মীদের মনোবল অনেকটাই বেড়ে গেল। তারা দ্বিগুণ উৎসাহে বনবাসী প্রামণগুলিতে গিয়ে শুদ্ধা জাগরণের কাজ করতে লাগলেন। বাবুয়া জেলার প্রায় সব পরিবারেই হনুমানজীর ছবি শোভা পেতে লাগল। ২০০৪ সালে বাবুয়াতে বিরাট হিন্দু সম্মেলনের আয়োজন করা হয়েছিল। প্রায় ৫ লক্ষ বনবাসী এই সম্মেলনে অংশগ্রহণ করেছিলেন। এই সভায় প্রধান বক্তা ছিলেন আর এস এসের তৎকালীন সরসঞ্চালক কে এস সুর্দৰ্ণ।

আমাদের দেশের বনবাসী অধ্যুষিত এলাকাগুলিতে মানুষের দারিদ্র্য ও অঙ্গতার সুযোগ নিয়ে স্পিস্টান ও মুসলমানরা তাদের নিজেদের ধর্মে ধর্মান্তরিত করছিল। এই ধর্মান্তরণের লক্ষ্য ছিল শুধু ধর্মান্তরিতদের উপাসনা পদ্ধতিরই পরিবর্তন নয়, সেই সঙ্গে তাদের জাতীয়তারও পরিবর্তন। অর্থাৎ এদেশের মানুষকেই ধর্মান্তরণের মাধ্যমে দেশের শক্তি পরিণত করা। এই ধর্মান্তরণ তাই অবিলম্বে বন্ধ হওয়া দরকার বলে হিন্দু সমাজের সচেতন মানুষেরা মনে করেছিলেন। আর তার প্রতিরোধের জন্য ২০০৬ সালের ফেব্রুয়ারির দ্বিতীয় সপ্তাহে গুজরাটের ডাঙ্স জেলার সুবীর প্রামে শবরী ধামে শবরী কুন্তের আয়োজন করা হয়েছিল। তিনদিন ধরে চলা এই কুন্তে প্রায় ১০ লক্ষ মানুষ এসেছিলেন। এটা ছিল হিন্দুর অধিকার রক্ষার স্বার্থে হিন্দু ঐক্যের প্রদর্শন।

সামাজিক ক্ষেত্রের বিশিষ্ট ব্যক্তি, সাধু-সন্তরা এই কুন্তে যোগ দিয়ে মিশনারিদের ধর্মান্তরকরণের বিরুদ্ধে রুখে দাঁড়াতে বলেছিলেন। যারা ধর্মান্তরিত হয়েছে তাদের আবার স্বধর্মে ফিরিয়ে আনার অর্থাৎ ‘ঘর বাপসী’র পরামর্শ দিয়েছিলেন। শবরী কুন্তের বিশাল মধ্যের পিছনে ছিল বিশাল চিত্র— যেখানে শ্রীরামচন্দ্ৰ

দশানন রাবণের দিকে শর নিক্ষেপ করছেন। উদ্বোধন অনুষ্ঠানে যোগ দিয়ে গুজরাটের মুখ্যমন্ত্রী হিসাবে নরেন্দ্র মোদী বলেছিলেন, রামের কাছ থেকে বনবাসীদের আলাদা করে দেওয়ার যে কোনো চেষ্টাই ব্যর্থ হবে।

হিন্দু সমাজের সুরক্ষার জন্য তাঁর এই আপোশহীন সংগ্রামের স্বীকৃতি স্বরূপ ২০০৫ সালে কলকাতা বড়বাজার কুমারসভা পুস্তকালয়ের পক্ষ থেকে স্বামী আসীমানন্দজীকে ‘স্বামী বিবেকানন্দ সেবা সম্মানে’ ভূষিত করা হয়। ওই বছরই ১০ ডিসেম্বর জয়পুরে শক্র স্মৃতি সমিতি স্বামীজীকে ‘শ্রীগুরুজী সেবা সম্মান’ দিয়ে সংবর্ধনা জানায়। ফলে সারা দেশে বনবাসী ক্ষেত্রে স্বামীজীর প্রতি এক গভীর শ্রদ্ধার ভাব নির্মাণ হয়। স্বামীজী মনে করতেন, ধর্মান্তরকরণের ভাবনাকে সমূলে বিনষ্ট করে দেওয়া দরকার। তিনি লোকেদের সামনে প্রশ্ন ছুঁড়ে দিয়ে বলতেন, আপনারাই বলুন, যেখানে ১০০ মুসলিম পরিবারের মধ্যে ১টি হিন্দু পরিবার থাকে সেখানে ওই হিন্দু পরিবারটির কি দশা হয়? আর অন্যদিকে তাকিয়ে দেখুন, ১০০ হিন্দু পরিবারের মধ্যে ১টি মুসলিম পরিবার থাকলেও তাদের কোনো অসুবিধা হয় না।

ত্রেতা যুগে ভগবান শ্রীরাম নিজেই রাবণ বধ করেছিলেন। দ্বাপরে শ্রীকৃষ্ণ নিজে অস্ত্র ধারণ করেননি, কিন্তু পাণ্ডবদের সঙ্গে ছিলেন। আর কলিযুগে জগন্মাথদেব নিজে কিছুই করেন না, কেবল তাঁর হাতই তো নেই, তিনি শুধু দৃষ্টা। এমনকী তাঁর চোখের পলকও পড়ে না। আন্দামান-নিকোবর ও গুজরাটের ডাঙ্সে কাজ করায় স্বামীজী নিজেই সমাজ জাগরণ কাজের নেতৃত্ব দিয়েছিলেন। আবার মহারাষ্ট্রের নন্দওয়ার, নাসিক, ধুলিয়া জেলায় সমাজকে সঙ্গে নিয়েই সেই কাজ করেছেন। মধ্যপ্রদেশের বাবুয়াতে সমাজকে সামনে রেখে জাগরণের কাজকে এগিয়ে নিয়ে গেছেন। আর বাবুয়াতে যে বিরাট হিন্দু সম্মেলন হলো, সেখানে তাঁকে কোথাও দেখা গেল না। পাশের থামের একটি দলের সঙ্গে তিনি এসেছিলেন। আবার তাদের সঙ্গে ফিরে গিয়েছেন। শবরী কুন্তের সময় তিনি সমাজকে সামনে রেখে নিজে পিছনে থেকে কাজ করেছেন। শবরী কুন্তের সময়ও কোথাও তাঁকে দেখা যায়নি। বনবাসী সমাজের মধ্যে থেকেই নেতৃত্ব নির্মাণ করে হিন্দু জাগরণের কাজ করে গিয়েছেন।

এদেশে কেন্দ্র সরকারে আসীন ধর্মনিরপেক্ষ শাসক দলগুলি স্বামীজীর কাজকে অনেক চেষ্টা করেও রুখতে পারেনি। বরং ডাঙ্স ও বাবুয়াতে তা করতে গিয়ে তাদের নিজেদের মুখ পুড়েছে। শেষপর্যন্ত পি চিদাম্বরম ও দিঘিজয় সিংয়ের মতো কংগ্রেসীরা ‘হিন্দু সন্ত্রাসবাদ’ ‘গৈরিক সন্ত্রাস’ তত্ত্ব তৈরি করে স্বামীজীকে দমন করার যত্নস্ত্র করেছে। হিন্দু সন্ত্রাসবাদের মাস্টার মাইন্ড হিসেবে স্বামীজীকে চিহ্নিত করা হয়েছে। তাই কংগ্রেস-চালিত ইউ পি এ সরকার গ্রেপ্তার করতে পারে— এই আশংকা তিনি করেছিলেন।

তাঁর আশংকা সত্য হয়েছিল। তাঁর বয়স তখন প্রায় ষাট। অত্যাধিক পরিশ্রমে শরীরটাও তেমন ভালো যাচ্ছে না। একটু বিশ্বামের আশায় তিনি হরিদ্বারের কাছে একটা প্রামে গিয়ে উঠলেন। আর এর কিছুদিন পরেই ২০১০ সালের নভেম্বরে সিবিআই তাঁকে প্রেপ্ত্র করে। তাঁকে রাখা হয় হায়দ্রাবাদ জেলে।

অসীমানন্দের প্রেপ্ত্রের পরিপ্রেক্ষিতে চার্জশিটে যেসব অপরাধের উল্লেখ করা হয়েছিল, তার মধ্যে ছিল খুন, খুনের চেষ্টা, ক্রিমিনাল কম্পিউটেসি, রাষ্ট্রদ্বোহ—

মোট পাঁচটি বোমা বিস্ফোরণের ঘটনা মাতে ১১৯ জন নিহত হয়েছিল। কিন্তু এসবই ছিল অভিযোগ, আইন মাফিক তাকে অভিযুক্ত করা হয়নি (but not yet formally accused)। এসব অভিযোগ প্রমাণিত হলে শাস্তি হতো মৃত্যুদণ্ড।

'Caravan'-এর প্রতিবেদক ২০১৪ সালের জানুয়ারি, স্বামী অসীমানন্দের সঙ্গে তার শেষ সাক্ষাৎকারে একটা মজার ঘটনা উল্লেখ করেছেন। তিনি সাক্ষাৎ করতে গেলে স্বামীজী তাকে চা-খাওয়ার জন্য অনুরোধ করেন। কিন্তু তার উত্তর দেওয়ার আগেই সামান্য অপরাধে বন্দি এক কিশোর প্লাস্টিকের কাপে চা এনে তাঁকে দেয়। অসীমানন্দ সেই কিশোরটিকে বুকে টেনে নিয়ে বলেন, 'এটা আমার ছেলে। ক'দিনের মধ্যেই ও ছাড়া পাবে।' তারপর কিশোর ছেলেটির মুখের দিকে তাকিয়ে হেসে উঠে বলেন, 'এই চা-ওয়ালা একদিন নরেন্দ্র মোদী হয়ে উঠতে পারে।'

সাক্ষাৎকার চলার সময় জেল অফিসার মাঝে মধ্যেই কথাবার্তায় বাধা দিয়ে অসীমানন্দকে বলছিলেন— তিনি কী করছেন? অসীমানন্দ বলছিলেন— 'জেলে থাকার সময় তাঁরা সবাই আমাকে বলছেন যা হয়েছে তা ভালোই হয়েছে ('They all tale me 'Jo hua accha hua')।

দীর্ঘ সাত বছর অকথ্য অত্যাচার সহ্য করেও তিনি নিজের বিশ্বাসে আটল ছিলেন। সত্য একদিন না একদিন প্রকাশ পাবেই, হিন্দু সন্তাস-এর ষড়যন্ত্রের তত্ত্ব ফাঁস হবেই— এই বিশ্বাস তাঁর ছিল। শেষপর্যন্ত সত্য— তাঁর বিশ্বাসেরই জয় হয়েছে। দেশের আদালত তাঁকে সব অভিযোগ থেকে নিঃশর্তে মুক্তি দিয়েছে।



মাঝের মধ্যে।

মুক্তির পর মাত্র একদিনের জন্য তিনি তাঁর মাতৃদেবীকে প্রণাম করার জন্য কামারপুরে এসেছিলেন। মা তাঁকে জানিয়েছিলেন— 'সত্যের জয় হলো। তিনি এবার শাস্তিতে মরতে পারবেন।' তখনই তাঁর সঙ্গে এই লেখকের ফোনে কথাবার্তা হয়েছিল— মুখোমুখি দেখা হয়নি। সেই সময় স্বত্ত্বিকাকে দেওয়া এক সাক্ষাৎকারে তিনি জানিয়েছিলেন— 'হিন্দু বিরোধীদের সর্বশক্তি দিয়ে পরাজিত করতে হবে। যে কাজ গোড়া থেকেই করছি, সে কাজই করে যাব। সন্ধ্যাসী আছি এবং থাকবও' মুক্তির পর কোনো সংবাদমাধ্যমকে দেওয়া তাঁর এই প্রথম সাক্ষাৎকার (স্বত্ত্বিকা, নববর্ষ সংখ্যা, ১৪২৬; ১৫ এপ্রিল, ২০১৯)।

স্বত্ত্বিকা এজন্য তাঁকে ধন্যবাদ জানিয়েছে। এরপরও আর (রিপাবলিক) ভারত, সুদর্শন চ্যানেলে তাঁর সাক্ষাৎকার প্রচারিত হয়েছে। তিনি যে এক আপোশহীন সংগ্রামী ও একই সঙ্গে সন্ধ্যাসী— এইসব সাক্ষাৎকারে সেটাই স্পষ্ট হয়ে উঠেছে। অসীমানন্দ এখন অসীম আনন্দের সন্ধানে এক যোদ্ধা সন্ধ্যাসী।

তথ্যসূত্র :

- ১। পূজ্য স্বামী অসীমানন্দজী মহারাজ এক ব্যক্তিত্ব— জগদেওরাম ওরাঁ, সর্বভারতীয় সভাপতি, বনবাসী কল্যাণ আশ্রম।
- ২। 'The Caravan' পত্রিকা, ১ ফেব্রুয়ারি, ২০১৪।
- ৩। সুকুমার সরকার (সম্পর্কে দাদা)।
- ৪। স্বাগতা সরকার (সম্পর্কে ভাইবি)।
- ৫। স্বত্ত্বিকা, নববর্ষ সংখ্যা, ১৪২৬ (১৫.৪.২০১৯)।
- ৬। বলরাম সাঁতরা (বনবাসী কল্যাণ আশ্রমের প্রাক্তন পূর্ণকালীন কার্যকর্তা)।

*With Best Compliments
from :-*



A
Well
Wisher



মোদী-কে সম্মানিত করছেন হোমে আরবের সুলতান।

ভারতবর্ষের রাজনৈতিক ভবিষ্যৎ

এক জাতি এক দল এক নেতা

সুজিত রায়

ম্যাথে ট্রিম করা দাঢ়ি। চোখে রিমলেস চশমা। আধুনিক শুধু নয়, অত্যাধুনিক মোদী কোট আর ঝকবাকে নিখুঁত ইঞ্চি করা কুর্তা-চোস্তায় সঙ্গিত নরেন্দ্র দামোদারদাস মোদীর মূর্তি ফুটে ওঠে থি ডি প্রযুক্তিতে। সরাসরি ভোটারদের দরজায় পৌঁছে যাচ্ছেন। প্রশ্ন করছেন, ‘আগনারা কি সত্য মনে করেন আমি মৃত্যুর সওদাগর?’ সমবেত কঠে জনগণের জবাব আসছে—‘না’। ফেসবুক, টুইটারে তাঁর অনুগামীর সংখ্যা দু'কোটি। নিজস্ব ওয়েবসাইট, ব্লগ সবই নিয়মিত আপডেটেড। অত্যাধুনিক ডিজিটাল ইন্ডিয়ার স্বপ্নের ফেরিওয়ালার প্রচারে নিয়োজিত মার্কিন জনসংযোগ সংস্থা অ্যাপকে

ওয়ার্ল্ডওয়াইড। আর মোদীর সরাসরি জনসংযোগ হ্যাঁগ আউট। প্রগতির প্রতিরূপ, বলিষ্ঠ নেতৃত্বের প্রতীক, পুরুষকারের উজ্জ্বল নজির নরেন্দ্র মোদী বলছেন—‘সৌগন্ধ মুঝে ইস মিট্টি কি, ম্যাঁয় দেশ নেহি মিট্টনে দুঙ্গা, ম্যায় দেশ নেহি ঝুঁকনে দুঙ্গা?’ ব্র্যান্ড মোদীর বাকবাকে শিলমোহরে মিশছে সুর—‘মেরী ধরতি মুবাসে পুছ রহি, কব মেরা কর্জ চুকাওগে, মেরী অস্বর মুবাসে পুছ রহি, কব আপনা ফর্জ নিভাওগে... হাঁ ম্যাঁয়নে কসম উঠাই হ্যায়, ম্যাঁয় দেশ নেহি বিকনে দুঙ্গা।’ বলিউডের তিন নক্ষত্র প্রসূন যোশী, আদেশ শ্রীবাস্তব আর সুখবিন্দুর সিৎ-এর সৃষ্টিতে বুঁদি মিডিয়া। টেলিভিশন স্ক্রিনে, এফ এম চ্যানেলে, বিলবোর্ড, হোর্ডিং-এ, মোবাইল স্ক্রিনে স্যোশাল মিডিয়ার পাতায় পাতায় একটাই বার্তা—‘আব কি বার, মোদী সরকার।’

বিজেপি নয়, মোদী সরকার। বিজেপির মতো সংগঠিত দল, রাষ্ট্রীয় স্বয়ংসেবক সঙ্গের মতো রেজিমেন্টে একটি সামাজিক সংগঠন—সব কিছু ছাড়িয়ে ছাপিয়ে মাথা উঁচু করে হাত নাড়ছেন নরেন্দ্র মোদীর কাটআউট। গান্ধীজী, বল্লভভাই প্যাটেল, নেহরু, ইন্দিরা, নরসিমা— কেউ নেই কোথাও। অবিশ্বাস্য এবং অবিস্মরণীয়। এমন ৩৬০ ডিগ্রি প্রচারাভিযানে কি চমকে যায়নি কর্পোরেট ব্র্যাণ্ডগুলিও?

হ্যাঁ, ২০১৪ সালের লোকসভা নির্বাচনের চমকটা ছিল এমনই। চাহিদা ছাড়া কোনো প্রোডাক্টের ব্র্যান্ড ইমেজ সাফল্য পায় না। মোদী যদি হন সেই ব্র্যান্ড ক্যাম্পেনের প্রোডাক্ট আর যদি সেই ক্যাম্পেন সাফল্য পায় তাহলে তো মেনে নিতেই হবে— মোদীর সাফল্য তাঁর চাহিদা থেকেই। চমকে গিয়েছিলেন তাঁরাও যাঁরা এতদিন সর্বের মধ্যে ভূত দেখেছেন। যাঁরা এতদিন অঙ্গের মতো বিশ্বাস করে এসেছেন, নরেন্দ্র মোদী ‘মওত কী সওদাগর’। রহস্যটা কোথায়? মোদীর হাতে কি ছিল আলাদিনের কোনো আশ্চর্য প্রদীপ? নাকি কোনো জাদুদণ্ড, যার মায়াবী ছোঁয়ায় ‘বিনাশপুরুষ’ রাতারাতি ‘বিকাশপুরুষ’ হয়ে গেলেন?

না— এ ছিল ‘মোদী ম্যাজিক’ যার পিছনে ছিল মোদীর জীবনের পঞ্চাশ বছরের সাধনা, ভাবনা, ইচ্ছে, সততা আর পরিকল্পনা। সেটাই মোদী ম্যাজিক। এবং এক বাটকায় কুপোকাত এতদিনের ভারতবর্ষের গণতন্ত্রের নামাবলী গায়ে ধর্মনিরপেক্ষতার জপমালাধারী যত্ন সব ভঙ্গ রাজনীতিবিদ এবং রাজনৈতিক দল। কাশ্মীর থেকে কন্যাকুমারী পর্যন্ত। মোদীর ইউ এস পি বা ইউনিক সেলিং প্রোগাজিশন ছিল সেটাই যার স্লোগান ছিল—‘সবকা সাথ, সবকা বিকাশ’। ১৯৯১ আর ১৯৯৬ থেকে একেবারে প্যারাডাইম শিফ্ট। তখন মোদী ছিলেন না। ব্র্যান্ড প্রোডাক্ট ছিলেন রাম। স্লোগান

ছিল—‘আপকা ভোট রাম কে নাম।’ হ্যাঁ, স্লোগান ছিল—‘হাম সৌগন্ধ রাম কী খাতে হ্যাঁয়, মন্দির ওহি বনায়েসে।’ ২০১৪ সালে মোদী বুঝেছিলেন— রামের নাম ভাঙিয়ে আর জনগণকে বশে রাখা যাবেনা। বিশেষ করে তরঙ্গ প্রজন্মকে। তাই আর এস এসের একনিষ্ঠ সেবক হয়েও বলে দিয়েছিলেন—‘দেবালয় সে শৌচাগার জরুরি হ্যায়।’ এখন ভারতবর্ষে দরকার উন্নয়ন। আক্ষরিক অর্থে উন্নয়ন— চাবের ক্ষেত্রে জল, গ্রামের বুকে রাস্তা, চাকরির জন্য কলকারখানা। কলকারখানার জন্য বিদ্যুৎ, শিক্ষার জন্য স্কুল-কলেজ, স্বাস্থ্যের জন্য পরিচ্ছন্নতা, দূষণ বিরোধী শৌচালয় আর রান্ধাঘর, বেঁচে থাকার জন্য আধুনিক দৃষ্টিভঙ্গি আর একজন মডেল— রোল মডেল।

রোড মডেল হয়েই ২০১৪ সালের লোকসভা নির্বাচনের প্রচারে তিনি ভারতবর্ষের সামনে এক বিশ্বাসের জন্ম দিতে পেরেছিলেন— মেলাবেন, তিনি মেলাবেন। মেলাবেন আসমুদ্র হিমাচল উন্নয়নের জোয়ারে। না ভর্তুকির উন্নয়ন নয়, সেই উন্নয়ন যা জীবনকে চিনতে শেখায়। জীবনের পাঠশালায় প্রত্যাশী ছিলেন সকলেই— জোত্দার, জমিদার, কৃষক, শ্রমিক, কারখানা মালিক, খুচরো ব্যবসায়ী, বিদ্যুজন, শিক্ষিত, অশিক্ষিত, বেকার, ছাত্রছাত্রী, গৃহবধু, চাকুরিজীবী, মুটে, মজুর, ধর্মপ্রাণ পুরোহিত, মৌলানা, বিশপও।

যতই চিৎকার হোক না কেন, তাঁর শ্রেণী চিরিত্র এবং গণচরিত্র নাকি ফ্যাসিবাদেরই নামান্তর— হ্যামলিনের বাঁশির সুরে ভেসে গেছে সব চিৎকার, সব স্লোগান, সব অভিযোগ-অনুযোগ। মানুষ ‘আচ্ছে দিন’-এর প্রতীক্ষায় ছিল— সেই ‘আচ্ছে দিন’ মানে শুধু রাজনীতির স্থিতিশীলতাই নয়, অগ্রাসন, কুশাসন, অথনীতির অবনমন, মূল্যবৃদ্ধি, লাগামছাড়া দুর্নীতির চাপে রিক্ত, জর্জিরিত, অবসাদগ্রস্ত দেশকে বিকাশের সুফল পোঁছে দেওয়া।

না, সবটা পূরণ হয়নি। ২০১৪ থেকে ২০১৯— অর্থনৈতিক সংস্কারের পথে আচমকা নোটিশে কোটি কোটি কালো টাকাকে নিঃশেষ করে দেওয়া, কর আদয়ে নতুন চিন্তাভাবনা— জি এস টি-র প্রবর্তন ইত্যাদি ইস্যুগুলিকে হাতিয়ার করে বিরোধী রাজনৈতিক দলগুলি কিছুটা হলেও ফয়দা তুলেছিল। কিন্তু মানুষকে ভুল বোঝানোর কোশল ফুঁকারে উড়ে গেছে। কারণ এ ধরনের যুগান্তকারী অর্থনৈতিক সংস্কারের সুফল আটকে রাখা যায়নি। সত্যটা সামনে আসতেই কেটে গেছে কুহেলিকা। এ বাতাস কী পরম সূর্যকরোজ্জ্বল। স্বপ্নের ফেরিওয়ালার দৃঢ় অঙ্গীকার— প্রায় যতদূর ভালো মানবসমাজ গড়ে দিয়ে যাব, সার্থক হলো।

২০১৪ থেকে ২০১৯ --- টানা পাঁচ বছরের নানা টানাপোড়েনের পর যখন ২০১৯ সালের লোকসভা নির্বাচনের দাকে কাঠি পড়ল, মনে হলো যেন কোনো মন্ত্রপূত জলের ছোঁয়ায়

আচমকা ঘূম ভেঙে জেগে উঠে বসল ভারতবর্ষের সব বিরোধী দল। সেই একই বস্তাপচা শ্লোগন—‘খুনি মোদী আর না’, ‘দাঙ্গাবাজ মোদী আর না’, ‘আদানি-আন্ধানিদের কাছে দেশকে বেচে দেওয়া মোদী আর না’।

ক'দিন আগেই বিজেপি গোহারান হেরেছে হিন্দি বলয়ে— উত্তরপ্রদেশে, মধ্যপ্রদেশে, রাজস্থানে, ছত্তিশগড়ে। বিরোধী শিবির ছবিগুলি হয়েও উজ্জীবিত— এবার মোদীর ব্র্যান্ড ইমেজকে বাঁচায় কে দেখতে চাই। তার ওপর একটার পর একটা অবিশ্বাস্য অভিযোগ— রাফালে দুর্নীতি, পুলওয়ামার সেনা হত্যা, ব্যাক জালিয়াতি এবং জালিয়াতদের ফেরার হয়ে যাওয়া ইত্যাদি। দৃশ্যত ভারতবর্ষ বিভাস্ত। শ্যাম রাখি না কুল রাখি— ভাবতে ভাবতেই ঘোষণা হয়ে গেল নির্বাচনী নির্ণয়। এবং ২০১৪ সালে মোদীর দুরস্ত প্রচার কৌশলকে টেক্কা দিতে বিরোধী শিবির তোলপাড় হয়ে উঠল ভোটব্যাক্সের সমবোতা গড়ে তুলতে। সবচেয়ে বেশি লক্ষ্যব্যৱস্থা করলেন পশ্চিমবঙ্গের মুখ্যমন্ত্রী এবং তৎকালীন কংগ্রেস নেতৃী মমতা বন্দ্যোপাধ্যায়। কারণ তাঁর সখ হলো, এবার তিনি প্রধানমন্ত্রী হবেন আর রাজ্য তার চেয়ারে বসিয়ে যাবেন ভাইপো অভিযোগ বন্দ্যোপাধ্যায়কে। অতএব সপা, বসপা, আর জেডি সহ দেশের যত বিরোধী দল সবাইকে টেনে আনলেন ব্রিগেডের মধ্যে ‘এক সাথে গাহি গান’-এর মন্ত্রে দীক্ষিত হতে। একজোট না হলে এবার মোদীকে হারানো সহজ ছিল না। কারণ নেটোবন্দি, জি এস টি, রাফাল, পুলওয়ামা— কোনেটাই বিরোধীদের অস্ত্রে শান দিতে পারেনি। অতএব টেনিস কোর্টের একদিকে থাকুক মোদী

একা, অন্যদিকে বাকি সবাই। ব্যাপারটা যে জলবৎ তরলং ছিল না— মমতা সেটা বুঝে গেলেন দু-একদিনের মধ্যেই। আর মমতার অক্ষটাও ধরে ফেললেন ধড়িবাজ শরদ পাওয়ার, সপা, আর জেডি-র নব্য কর্ধার তেজস্বী সহ সকলেই। সুতরাং ওপর ওপরে ‘একসঙ্গে আছি’ বাতাটা পৌঁছালেও জনগণ বুঝে নিল শেয়ানে শেয়ানে কোলাকুলিটা হবে না। তার ওপর তখনই ফাটলো মোদী বোমা— ‘সবকা সাথ, সবকা বিকাশ’ শ্লোগানের সঙ্গে জুড়ল আরও দুটি মোক্ষম শব্দ ‘সবকা বিশ্বাস।’

ভোটের আগে থেকেই হাওয়াটা বোঝা যায়নি তা নয়। যদিও এবার ‘ব্র্যান্ড মোদী’ ইমেজের পিছনে ছিল না কোনো বিশেষজ্ঞের হাত। নিজেই ছিলেন নিজের তথা দেশের ভাগ্য নির্ধারক। দলের চেয়ে ব্যক্তি বড় নয়। বিশেষ করে বিজেপির মতো কঠোর সংগঠনে। কিন্তু না। এবার বিজেপির ভোট হয়েছে মোদীর নামে। কংগ্রেস সভাপতি রাষ্ট্র গান্ধীর দেওয়া তকমা ‘চৌকিদার’ নিজের গায়ে সেঁটে সর্বত্র ভোট ভিক্ষা করেছেন মোদীজী। যত প্রার্থী, যত নেতা, যত কর্মী সব রাতারাতি দায়িত্ব নিয়েছেন দেশরক্ষার চৌকিদার হিসেবে। একটা ৭০ বছরের মানুষ এক মাসেরও কম সময়ে এক লক্ষ পাঁচ হাজার কিলোমিটার পরিভ্রমণ করে ১৪২টা নির্বাচনী সমাবেশে পৌঁছে গেছেন এই কঠোর গ্রীষ্মের দাবদাহকে উপেক্ষা করে। কারণ মোদীজী বুঝেছিলেন— বিরোধীদের এবারে নির্বাচনের কৌশল ছিল বিজেপি বিরোধিতা নয়, মোদী বিরোধিতা। মোদীর বিরুদ্ধে প্রচার চালাও। মোদীকে অপমান কর পদে পদে। মানুষের সামনে ২০১৪ সালের আকাশছেঁয়া মানুষটাকে যেভাবে



তিনি তালাক বিরোধী বিল পাশ হওয়ার পর মুসলিমান মহিলাদের আনন্দ।

পারো টেনে হিঁচড়ে নামিয়ে আনো। মাথা নিচু করে দাও। পুরনো স্লোগান ‘মওত কী সওদাগর নরেন্দ্র মোদী’ ধ্বনিকে ফিরিয়ে আনো। মোদীজীর কাছে এটা ছিল চ্যালেঞ্জ। তাই নির্বাচনটা দলের নয়, হলো নিজের নামে। নতুন ব্র্যাণ্ড আইকন। গেরুয়া বাড়ে ভেসে গেল দেশ। বিজেপি একাই ৩০৩। মোদী একাই একশ পেরিয়ে হাজার।

অভাবনীয়। কিন্তু সত্য। উত্তরপ্রদেশের বিধানসভা নির্বাচনে যেখানে বিজেপি প্রায় মুছে গিয়েছিল সেখানে ৮০ আসনের ৫৯টি মোদীজীর দখলে। মধ্যপ্রদেশ, রাজস্থান ফের হাতের মুঠোয়। বাড়খণ্ডে নয় নয় করে ছাঁটা আসন। উত্তর-পূর্ব ভারত প্রায় গোটাটাই। ওডিশাতে, বাংলাতেও অভাবনীয় সাফল্য। যারা এক্সিট পোল সমীক্ষা করেছিলেন তাদেরও সবার মুখ উজ্জ্বল। পশ্চিমবঙ্গের ঘাসফুল মুখ ঘষছে মাটিতে। আর নতুন দিনের ভোরে দীর্ঘ আর পুরুরের জলে জলে হাসছে গেরুয়া পদ্ম। বাংলা ছিল মোদীজীর কাছে এবার সবচেয়ে বড় চ্যালেঞ্জ। মুখ্যমন্ত্রী মমতা ব্যানার্জির অশালীন নির্বাচনী প্রচারের জবাব দিতে তাই মোদীকে বারে বারে আসতে হয়েছে। দলের সভাপতি অমিত শাহকে পাঠাতে হয়েছে বারে বারে। আর মমতার তিক্ত ভাষণের জবাবে ততোধিক তীক্ষ্ণ হয়েছেন মোদীজী। না, ভাষায় নয়। কৌশলে। এবং শেষ পর্যন্ত বাংলার রাজনৈতিক পটচিত্রে ফুটে উঠেছে অন্য ছবি— যে ছবির নাম ‘পরিবর্তন’।

এমন একটা নির্বাচনী ফলাফল যতটা আনন্দের ঠিক তত্খানিই দৃঢ়চিন্তার। দৃঢ়চিন্তার, কারণ মানুষের প্রত্যাশার চাপ। মোদীজী— তোমার কথায়, তোমায় ভোট দিয়েছি অকাতরে। নেটবন্ডি ভুলে গেছি, জি এস টি ভুলে গেছি। কৃষকের আত্মহত্যা ভুলে গেছি। রাফায়েল দুর্নীতি ভুলে গেছি। বিশ্বাস-অবিশ্বাসের দোলায়মান চিন্তকে বগলাচাপা দিয়ে শুধু তোমার কথা শুনেছি। তোমার কথায় দেশকে ভালোবেসেছি। তোমার কথায় সন্ত্রাসবাদ আর সন্ত্রাসবাদের জননী-জর্জের পাকিস্তানকে ঘৃণা করতে শিখেছি। এবার আমাদের চাওয়ার পালা।

এতে অন্যায় কিছু নেই। এটা আবদার নয়। অধিকার। কিন্তু মানুষের এই অধিকারে মোদী সাড়া দেবেন কোন অধিকারে?

উত্তর একটাই ‘এক জাতি, এক দল, এক নেতা’র অধিকারে। একথা বলার কারণ ২০১৯-এর নির্বাচনী ফলাফল ভারতবর্ষের রাজনৈতিক গতিপথের এক নতুন দিশা, এক নতুন নিশান। আগামী দিনে ভারতবর্ষের সমাজ, ভারতবর্ষের রাজনীতি, ভারতবর্ষের সংস্কৃতি হাঁটিবে এক নতুন পথে যে পথে পরম্পরার ঐতিহ্য থাকবে অক্ষুণ্ণ অথচ আধুনিকতাকে বরণ করে নেওয়ায় কোনো

আন্তরিকতার অভাব হবে না। আগামী দিনের ভারতবর্ষ মানে — এক জাতি, এক প্রাণ, এক জাতি, এক আইন, এক দেশ, এক দল এবং অধিকারের ভারতবর্ষ। আরও বড় সত্য— আগামী দিনের ভারতবর্ষ এক জাতি এক নেতার ভারতবর্ষ। ২০১৪ যা পারেনি, ২০১৯ তা পেরেছে। ভারতবর্ষের মানুষের সচেতন ভারতবর্ষ ২০১৯-এ প্রমাণ করেছে— বিস্মিতির অভিশাপ কাটিয়ে ভারতবাসী জাতীয়তাবাদকে ফের চিনে নিতে পেরেছে। নিজস্ব সত্ত্ব হিন্দুত্বকে চিনতে পেরেছে। ভারতবাসী নিজের প্রকৃত স্বরূপকে জানতে পেরেছে। সুতরাং একথা সুনিশ্চিত, আগামী দিনে ভারতবর্ষের মানুষ হাঁটিবে সবাই হাতে হাত ধরে এক লক্ষ পথে। আর হাতে হাত মিলনের সেই জাতীয়তাবাদের মন্ত্রধ্বনিতে ছিটকে যাবে আঝগিলকতাবাদ। মেরিধননিরপেক্ষতা, লঘু এবং সংকীর্ণ ভেটব্যাঙ্ক তৈরির ঘৃণ্য রাজনীতি আর মিথ্যা অধিকারবোধের আঞ্চলিক। এক জাতি এক প্রাণ ভারতবাসী এবার হাঁটিবে একক নেতৃত্বের পায়ে পায়ে আঞ্চলিক, আঞ্চলিক আর আঞ্চলিক অভিশাপ মুক্ত হয়ে। সে নেতার নাম নরেন্দ্র নাম নরেন্দ্র দামোদরদাস মোদী।

কে এই নরেন্দ্র মোদী, যিনি পরপর তিনবার গুজরাটবাসীর হাদয় জয় করে গুজরাটকে উন্নতির শিখরে পৌঁছে দিয়ে ২০১৪ সালে জয় করলেন গোটা ভারতকে। আবার ২০১৯ সালে গোটা ভারতবাসীকে? এই প্রশ্নের সামাজিক উত্তর বলে দেবে সবাই। কিন্তু দর্শনের অর্থে? উত্তর একটাই— আপার বিস্ময়। কারণ মোদীর জীবনের প্রতিটা পৃষ্ঠা, তাঁর মুখের প্রতিটা শব্দ, তাঁর হাঁটার প্রতিটা পদক্ষেপ, তাঁর ভাবনাচিন্তার প্রতিটা সূত্র, ভবিষ্যৎ সম্পর্কে তাঁর প্রায় নিখুঁত ধারণা, তাঁর পাণ্ডিত্য, তাঁর জাতীয়তাবাদের ভাবনা, তাঁর রংচি, তাঁর বিশ্বাস— সবই বিস্ময় জাগায়। জাগায়, কারণ ভারতীয় রাজনীতিতে নরেন্দ্র মোদী এক ব্যতিক্রমী চারিত্ব। কেন ব্যতিক্রমী? কারণ, তিনিই একমাত্র ভারতীয় রাজনীতিবিদ যাঁকে বিরুদ্ধ সমালোচনার তি঱ে বিদ্ধ হতে হয়েছে সবচেয়ে বেশি। অথচ সেই তিনিই সবাইকে পিছনে ফেলে ভারতবাসীর কাছ থেকে স্বর্গহার উপহার পেয়েছেন সবচেয়ে বেশি। কারণ তিনিই একমাত্র ব্যক্তি যিনি অপরাধ না করেও ‘মৃত্যুর সওদাগর হিসেবে চিহ্নিত হয়েছেন, কিন্তু ক্ষমা চাননি। বলেছেন, ‘কিসের ক্ষমা? আমি অপরাধী হলে আমায় ফাঁসিতে ঝোলানো হোক।’ কারণ, তিনিই একমাত্র মানুষ যিনি বলতে পারেন ‘আমার কোনো পরিবার নেই। চুরি করব কার জন্য?’ কারণ, তিনিই সেই ব্যক্তি যিনি রাজনৈতিক গুজবের সবচেয়ে বড় শিকার, অথচ তাঁর জীবনে ঠাঁই পায়নি প্রতিহিংসা, বিদ্বেষ। ‘বিস্ময় পুরুষ’ বলেই তাঁকে বুঝতে ভুল হয়। চিনতে ভুল হয়। রাগ হয়। হিংসা হয়। আর যাঁরা বুঝে যান, তাঁরা বিস্মিত হন। ঠিক যেমনটি হয়েছিল স্বামী বিবেকানন্দের ক্ষেত্রে। কত মিথ্যে রটনা— সম্মানী হয়েও তিনি গোমাংস খান, বেশ্যাবাড়িতে রাত



জি-৭ শীর্ষসম্মেলনে মোদী ও ট্রাম্প।

কাটান, বিদেশনীদের নিয়ে পার্টি করেন, মদে বেহঁশ হয়ে পড়ে থাকেন রাস্তাঘাটে, মঠের নামে বাগানবাড়ি বানালেন— আরও কত কী? স্বামীজী তাঁদের ক্ষমা করে দিয়েছেন। বলেছেন, যীশুখ্রিস্টের সুরেই—‘ প্রভু তাঁদের আশীর্বাদ করুন। আত্মগণ, কোনো ভাল কাজই বিনা বাধায় সম্পন্ন হয় না। কেবল যারা শেষপর্যন্ত অধ্যবসায়ের সঙ্গে লেগে থাকে, তারাই কৃতকার্য হয়।’

নরেন্দ্র মোদীও হেঁটেছেন একই পথে। বলেছেন, 'I am a detached person'। ন্যাংটার আবার বাটিপারের ভয়! তাই ২০১৪ সালের লোকসভা নির্বাচনে আগে কংগ্রেসের প্রধানমন্ত্রী পদপ্রার্থী রাহুল গান্ধী যখন ভোটে হেরে গেলে মোদী কী করবেন বলে প্রশ্ন তুলেছিলেন, মোদী নির্দিষ্য বলতে গেরেছিলেন— ‘আমি তো চা বিক্রি করেই পেটের ভাত জুটিয়ে নেব। আপনি কী করবেন, ভেবে নিন।’ গুজরাটের খাঞ্জি পরিবারের চাওয়ালার অতিতকে লুকোননি মোদী। তাই প্রথমবারে প্রধানমন্ত্রী পদে শপথ নেওয়ার আগে বিজেপি সংসদীয় দলের সভায় নিঃসঙ্কোচে বলতে পেরেছিলেন—‘আমার মতো গরিব ঘরের কেউ যে এখানে এসে পৌঁছাতে পারল এটাই ভারতীয় গণতন্ত্রের মাহাত্ম্য।’ না, মোদী নিজেকে মহান করেননি। মহান করেছেন দেশের গণতন্ত্রকে।

মা বলে সম্মোধন করেছেন নিজের দেশ আর দলকে। প্রধানমন্ত্রীর পদকে ‘পদ’ বলে আখ্যা না দিয়ে বলেছেন, ‘প্রধানমন্ত্রী

কোনো পদ নয়, দায়িত্ব। আমি পদে নয়, দায়িত্বে বিশ্বাসী।’

দায়িত্বে বিশ্বাসী বলেই দ্বিতীয়বার প্রধানমন্ত্রী হিসেবে দলীয়ভাবে সর্বোচ্চ ভোট পেয়েছেন মানুষের। ‘সবকা সাথ, সবকা বিকাশের’ সঙ্গে ‘সবকা বিশ্বাসটা’ও আদায় করে নিয়েছেন সবাইকে পিছনে ফেলে। ভারতবর্ষের ২৪২৫টি ছোট বড় নানা মত নানা পরিধানের রাজনৈতিক দলগুলির মুখে চুনকালি মাথিয়ে মেরুকরণের রাজনীতিকেও পিছিয়ে দিয়েছেন অনেকটাই। হিসাব যেখানে বলছে এনডিএ ৩৫৭, বিজেপি একাই ৩০৩, ইউ পি এ ৯৭, কংগ্রেস এককভাবে ৪৯, তারপর আর ‘মেরুকরণ’ শব্দটা ব্যবহার করা যায় কীভাবে? সুতরাং নিশ্চিত হয়ে গেছে— ভারতবর্ষের রাজনৈতিক ভবিষ্যৎ এক জাতি এক নেতা তত্ত্বের অভিমুখী। অথবা আরও একটু স্পষ্ট করেই বলা যায়— ‘এক জাতি এক নেতা একতা’ তত্ত্বের অভিমুখী।

এমন নেতা কী সত্ত্বেই পেয়েছে ভারতবর্ষ? এর আগে? কখনো? যিনি জোর গলায় বলতে পারেন, আমি গর্বিত। আমি হিন্দু। যিনি জোর গলায় বলতে পারেন, ভারতবর্ষ ভারতবাসীর, অনুপ্রবেশকারীর নয়। যিনি পাক-সন্ত্রাসবাদের জবাব দিতে পাকিস্তানের অভ্যন্তরে ঢুকে গিয়ে বোমা ফেলে সন্ত্রাসবাদের ঘাঁটি ধৰংস করে পাক প্রশাসনের গালে সপাটে থাপ্পড় মারতে পারেন। যিনি চীনকে বাধ্য করেন আন্তর্জাতিক মধ্যে দাঁড়িয়ে পাক সন্ত্রাসবাদী

মাসুদ আজহারকে আন্তর্জাতিক সন্তানবাদী হিসেবে মেনে নিতে। যিনি পারেন গোটা বিশ্বকে সন্তানবাদী পাকিস্তানের বিরুদ্ধে ভারতবর্ষের লড়াইকে সমর্থন জানাতে। যিনি কালোবাজারি রূপতে একরাতেই নিকেশ করে দেন কালো টাকার সব খেলা। যিনি তাঁর বিরুদ্ধে ওঠা রাফাল দুর্নীতির অভিযোগে জবাব দেন, এটা প্রমাণ করেন যে গোটা অভিযোগটাই ছিল সাজানো। যিনি মানুষের মধ্যে বিশ্বাস জাগাতে পারেন, চলতি বছর থেকেই ধাপে ধাপে এগোবে ভারত এবং ২০৩০ সালে ভারত হবে বিশ্বের তৃতীয় বৃহত্তম অর্থনৈতিক শক্তি। যিনি মানুষের মনে নির্ভরতা জাগাতে পারেন, ভারতবর্ষ থেকে দুর্নীতি বিদ্যায় নেবেই। দেশ এগোবে শিক্ষায়, স্বাস্থ্যে, সামাজিক সুরক্ষায়। দেশের মেয়েরাও হয়ে উঠবে দেশের সম্পদ। যিনি সাম্প্রদায়িকতা বিরোধী কিন্তু দেশের স্বার্থে সংখ্যালঘুদের বেআইনি অনুপ্রবেশকে রূপতে কঠোরহস্ত। যিনি মনে করেন, যুবশক্তির উন্নয়ন মানে দেশের বন্ধ্যামুক্তি। সর্বোপরি যিনি হিন্দুত্ববাদী ভাবনার একনিষ্ঠ শরিক হয়েও মনে করেন, দেবালয় নয়, ভারতবর্ষের ঘরে ঘরে দরকার শৌচালয়। তাঁর হাত ধরেই গোটা দেশ জুড়ে চলে স্বচ্ছ ভারত অভিযান, আয়ুস্মান প্রকল্প, উজ্জ্বলা প্রকল্প, মুদ্রা যোজনা, স্টার্ট আপ প্রকল্প। আর মানুষের কাছে পৌঁছে যান 'মন কী বাত' রেডিও অনুষ্ঠানে নিজের বক্তব্যের মাধ্যমে। সরাসরি মানুষের সঙ্গে সম্পর্ক স্থাপনে।

আগামী পাঁচ বছর ভারত হবে একদল (এন ডি এ-র উপস্থিতিকে মান্যতা দিয়েই) এক নেতার প্রশাসন। অন্য দল অন্য নেতৃত্ব ধীরে ধীরে উবে যাবে জলীয় বাস্পের মতো। কারণ, অনেক পরীক্ষা-নিরীক্ষার পর মানুষ বুবে গেছে, এবার পাল্টানো দরকার। গণতন্ত্রের নামে বুজুরুকির শিকার আর হতে চান না মানুষ। এবার 'চলো পাল্টাই' স্লোগান তুলে মানুষ এক দল এক নেতার ওপরেই ভরসা রেখেছে, শুধু বিজেপি এবং মোদীজীর ওপর সম্মান প্রদর্শন করেই নয়, পরোক্ষে মোদীজী এবং তাঁর দলকে এই হঁশিয়ারি বুবিয়ে দিয়েছে যে, মোদীজীই যেমন হবেন পরিবর্তিত ভারতবর্ষের মুখ, তেমনই মোদীজীই বাধ্য থাকবেন মানুষের প্রশ্নের জবাবদি দিতে। একদলীয় এক নেতার প্রশাসনের সেটাই পরম্পরা।

তবে সমালোচকরা কিছুটা সংকুচিত। কারণ, তাঁদের অভিজ্ঞতা বলে, বিশ্বে এমন বহু নজির রয়েছে যেখানে এক দলের এক নায়ক একটা নির্দিষ্ট সময়ের পর শুধুই একনায়ক বা স্বেরতান্ত্রিক প্রশাসনকে পরিণত হয়েছেন। ভারতবর্ষে ধীরে ধীরে 'এক দল এক নেতা' নীতি প্রতিষ্ঠা পেয়ে গেলে সেই সন্তানবানাও স্পষ্ট হয়ে উঠতে পারে।

অনেক সমালোচক আবার ইন্দিরা গান্ধীর উদাহরণ তুলে ধরে বলেন, গণদেবতার প্রত্যাশা পূরণের চাপ নিতে না পেরে নিজের ক্ষমতা কুক্ষিগত করে রাখার জন্য অসামান্য প্রতিভাবান প্রশাসক ইন্দিরা গান্ধীও স্বেরাচারের পথে হেঁটেছিলেন। তার যোগ্য জবাব দিয়েছিল মানুষ।

মোদীজীর ওপর প্রত্যাশার চাপ যথেষ্ট, কারণ এবার ভোটে পরোক্ষ প্রাপ্তি অটেল। এই সমালোচনার জবাব একটাই— ইন্দিরার ভারতের সঙ্গে মোদীর ভারতের আকাশ-পাতাল ফারাক। ইন্দিরার ভারত সমাজবাদের শিকলে আবদ্ধ থেকেও বিশ্ব রাজনীতিতে তার অস্তিত্ব টিকিয়ে রাখার লড়াই লড়েছে। মোদীর ভারত সমাজবাদের বস্তাপচা তত্ত্ব ছুঁড়ে না ফেলেও আজকের বিশ্বায়নের সমাজের পুঁজিবাদকে নস্যাং করে দিচ্ছে না। সুতরাং লড়াইয়ের ময়দানের চেহারাটাই স্বতন্ত্র। যাঁরা মোদীকে চেনেন, জানেন, তাঁরা বলেন, মোদী চিরকালই লম্বা রেসের ঘোড়া। তিনি ভালোভাবেই জানেন জনগণের মন্দিরে 'গণদেবতা' থেকে 'গণশক্তি'তে পরিণত হতে বিশেষ সময় লাগে না। জনগণ বড় বেশি অস্থিরমতি।

তবে তিনি যে বিশ্বাস করেন মানুষকে। তাই বলতে পারেন— 'লোকে মনে করে উন্নয়ন হলো সরকারের দায়িত্ব। আমি মনে করি উন্নয়ন হলো জনআন্দোলন। সাধারণ মানুষই উন্নয়নের রূপরেখা তৈরি করেন। তাঁরাই উন্নয়ন পরিচালনা ও রূপায়ণ করেন।' তিনি বলতে পারেন— 'Each and every citizen of my state is the initiator, creator, implementor; this is what the citizen is doing and because of that reasons we can actually set a goal'।

মানুষের ওপর এমনভাবে বিশ্বাস অর্পণ করে লক্ষ্য নির্দিষ্ট করার কথা আর কোন প্রধানমন্ত্রী বলেছেন কবে? তিনিই তো ২০১৪ সালে বলেছেন— স্বাধীনতার সময়ে ভারতবাসী চেয়েছিল একটা ভালো সরকার। তারপর ৬৭ বছর কেটে গেছে। ...'but people are still asking - why don't we have good governance in our country?'

ভারতবর্ষ নরেন্দ্র মোদীকে পাঁচ বছর ধরে পর্যবেক্ষণ করেছে। তারপর নতুনভাবে নির্ভরতা স্থাপন করেছে। ভারতবাসী পরীক্ষায় বিশ্বসী, সমীক্ষায় বিশ্বাসী। সেখানে মোদীজী সম্মানে উন্নীর্ণ।

২০১৯ সালের ভারতবর্ষ এক নতুন ভারতবর্ষ। নতুন প্রশাসন। নতুন রাজনীতি। নতুন চিন্তাধারা। নতুন ভারতবর্ষের জন্য সুনির্দিষ্ট নীতি একটাই— 'এক জাতি এক নেতা'— অবিচ্ছেদ্য দুটি সত্তা। ভারতীয় এবং নরেন্দ্র দামোদারদাস মোদী।



সনাতন হিন্দুধর্ম ও মহর্ষি দেবেন্দ্রনাথ ঠাকুর

শ্যামাপ্রসাদ চট্টোপাধ্যায়

১৮১৭ সালের ১৬ মে। অমাবস্যার দিন। সূর্যগ্রহণ উপলক্ষ্যে ঠাকুরবাড়িতে যাগাযজ্ঞ চলছে। এইরকম সময় দেবেন্দ্রনাথ ঠাকুরের জন্ম হলো। পিতা পিল্ল দ্বারকানাথ ঠাকুর এক বর্গময় ব্যক্তিত্ব। কার ঠাকুর কোম্পানির সর্বেসর্বা। শিলাইদহের নীলকুঠি, কুমারখালির রেশমকুঠি, রানিগঞ্জের কয়লাখানি আর রামনগরের চিনির কারখানার মালিক। শিক্ষা ও কৃষির উন্নতি, মেডিকেল কলেজ স্থাপন, সৎবাদপত্রের স্বাধীনতা, বিচির জনহিতকর কার্যে তাঁর দেশভক্তির পরিচয় বিধৃত।

মহর্ষি দেবেন্দ্রনাথের জননী দিগন্বরী দেবী ছিলেন পরমাসুন্দরী। তাঁর মুখের আদলে ঠাকুরবাড়ির জগদ্ধাত্রী প্রতিমার মুখমণ্ডল তৈরি হতো। তিনি ছিলেন ধর্মপ্রাণ। ভোর চারটের সময় উঠে গঙ্গাস্নান, তারপর জপমালা নিয়ে এক লক্ষ জপ, সন্ধ্যায় পঞ্চশ হাজার হরিনাম।

সাক্ষাৎ লক্ষ্মীপ্রতিমা দিগন্বরী দেবীর চারিত্রিক দৃঢ়তা এবং ব্যক্তিত্ব ছিল লক্ষ্যণীয়। স্বামী দ্বারকানাথ ব্যবসার প্রয়োজনে সাহেববিদের সঙ্গে পানাহার করতেন। অনেক কাকুতি মিনতি করেও দ্বারকানাথকে নিরস্ত করতে না পেরে দিগন্বরী দেবী তার প্রতিবাদ করেন।

ভোরবেলা নিদিত অবস্থায় স্বামীকে প্রণাম, কখনো কখনো আঘায় স্বজনের দাবি-দাওয়া কিংবা চাকরির উমেদারি করতে স্বামীর কাছে দরবার করা— এছাড়া আর কোনো সম্পর্ক রাখেননি। শোনা যায়, স্বামীর সঙ্গে দেখা করার পর সাতঘড়া গঙ্গাজলে স্নান করে নিজেকে শুন্দ করতেন। এমনকী স্বামী বর্তমান থাকা অবস্থায় একাদশীর ভূত পালন করতেন।

এই পিতামাতার পুত্র দেবেন্দ্রনাথ ঠাকুর। শৈশবে তিনি দিদিমা অলকাসুন্দরীকে খুব ভালোবাসতেন। ছেলেবেলায় দিদিমা ছাড়া আর কাউকে জানতেন না। শোওয়া বসা খাওয়া সব তাঁর সঙ্গে। প্রতিদিন ভোরবেলা গঙ্গাসন্ধান করে শালগ্রাম শিলার জন্য ফুলের মালা গাঁথতেন, সূর্যোদয় আর সূর্যাস্তে পিতামহীর সঙ্গে গলা মিলিয়ে সূর্যার্ঘের মন্ত্র পাঠ করতেন। মাঝে মাঝে সারারাত দিদিমার সঙ্গে হরিবাসরে কীর্তন শুনতেন। অলকাসুন্দরীর স্বহস্তে তৈরি হবিষ্যান্ন ভোজন করতেন। হিন্দু স্থলে যাবার পথে ঠেনঠেনিয়ার কালীমূর্তিকে প্রণাম করতেন। আত্মজীবনীতে তিনি লিখেছেন—‘প্রতিদিন যখন বিদ্যালয়ে যাইবার পথে ঠেনঠেনিয়ার সিদ্ধেশ্বরীকে প্রণাম করিয়া পাঠের পরীক্ষা হইতে উন্নীর্ণ হইবার জন্য বর প্রার্থনা করিতাম, তখন মনের এই বিশ্বাস ছিল যে, ঈশ্বরই শালগ্রাম শিলা, ঈশ্বরই দশভূজা দুর্গা, ঈশ্বরই চতুর্ভূজা সিদ্ধেশ্বরী।’

দিদিমা তাঁকে বলেছিলেন—‘আমার যা কিছু আছে তোমাকেই দেব।’ এই বলে একটি বাক্সের চাবি তুলে দেন দেবেন্দ্রের হাতে। পরে সেই বাক্সের ডালা খুলে তিনি পেয়েছিলেন কয়েকটি মোহর। শুধু এই মোহর কয়েকটি নয়, তিনি দিদিমার কাছ থেকে পেয়েছিলেন আরও অনেক কিছু।

গিতা দ্বারকানাথ তখন অর্থ যশ, প্রতিপত্তির শীর্ষে। ব্যবসার প্রয়োজনে সাহেবমেmdের জন্য বেলগাছিয়ার বাগানবাড়িতে আমোদ প্রমোদের ব্যবস্থা হতো। ছেলে দেবেন্দ্রনাথ স্বাভাবিক ভাবেই ভোগবিলাসে মন্ত হলেন। দ্বারকানাথ ছেলের আচরণে বিচলিত। যশোরের রামনারায়ণ চৌধুরীর কন্যা সারদাসুন্দরীর সঙ্গে পুত্রের বিয়ে দিয়ে দিলেন। কাজের মধ্যে রাখলে ছেলের মতিগতি ফিরবে— এই আশায় ইউনিয়ন ব্যাক্সের ভার দিলেন। শেষমেষ বাড়ির সমস্ত দায়িত্ব বড় ছেলের হাতে তুলে দিয়ে উন্নৰ-পশ্চিম ভারতে প্রবাসে বেরিয়ে পড়লেন। দেবেন্দ্রনাথের বিলাসের প্রমোদে ডুবে থাকার সময়কাল মাত্র তিনি বছর।

১৮৩৬ সাল, দিদিমা অলকাসুন্দরী অসুস্থ হয়ে পড়লেন। বৈদ্য জানালো আর কোনো আশা নেই। রোগীকে আর গৃহে রাখা যাবে না। গঙ্গাতীরে নিয়ে যাবার জন্য সকলে অলকাদেবীকে বাড়ির বাইরে নিয়ে এলো। অলকাদেবী আরও বাঁচতে চান। অন্তর্জলী যাত্রায় যেতে নারাজ। তিনি বললেন, ‘যদি দ্বারকানাথ বাড়িতে থাকিত, তবে তোরা কখনোই আমাকে লইয়া যাইতে পারতিস নে।’ কে কার কথা শোনে। নিমতলা শাশান। গঙ্গাতীরে একটি চালাঘরে দিদিমাকে রাখা হলো। তিন দিন তিন রাত। সঙ্গে নাতি দেবেন্দ্রনাথ। চালাঘরে চাটাইয়ের উপর বসে আছেন। পূর্ণিমার চাঁদের আলোয় জগৎ সংসার প্লাবিত। সারারাত দেবেন্দ্রনাথের চোখে ঘুম নেই। হৃদয়ে এক অপার্থিব আনন্দ জ্যোৎস্না। বিলাসিতার মোহ থেকে মুক্তি। ঐশ্বর্যের বন্ধন থেকে মুক্তি।

দিদিমার শ্বাস উপস্থিত হলো। সকলে ধরাধরি করে দিদিমাকে গঙ্গাজলে নামালো। উচ্চেঃস্বরে সবাই মিলে বলতে লাগল ‘গঙ্গা নারায়ণ ব্ৰহ্মা— গঙ্গা নারায়ণ ব্ৰহ্মা’— দিদিমা ‘হরিবোল হরিবোল’ বলতে বলতে আকাশের দিকে আঙুল ঘোরাতে ঘোরাতে পরলোকে চলে গেলেন। দিদিমা যেমন তাঁর ইহকালের বন্ধু তেমনি পরকালেরও বন্ধু। দিদিমা নাতিকে অন্য পথের নির্দেশ দিয়ে গেলেন। দিদিমার মৃত্যুর পর দেবেন্দ্রনাথ জানমার্গের সাধক। একদিকে গভীর মনোযোগ দিয়ে সংস্কৃত ভাষার চৰ্চা করছেন। অন্যদিকে নেক, হিউম প্রমুখ পাশ্চাত্যের জড়বাদী দার্শনিকদের রচনাবলী পাঠ করছেন। এইসব জড়বাদী দর্শনের মূল কথা হলো—শরীরের সঙ্গে সঙ্গে আত্মার হ্রাসবৃদ্ধি, শরীরের মৃত্যুতে আত্মার লয়। কিন্তু এই মতের সঙ্গে কোনো দিক দিয়েই দেবেন্দ্রনাথের মনের ভাবনার এক্য হচ্ছে না।

অন্যদিকে ঠাকুরবাড়িতে ধুমধাম করে দুর্গাপুজো হচ্ছে। সম্প্রয়াবেলা আরতির সময় পিতা দ্বারকানাথ স্বয়ং ঠাকুরদালানে উপস্থিত। পিতার ভয়ে দেবেন্দ্রনাথ মন্দিরে হয়তো যাচ্ছেন, কিন্তু ডিরোজিওর হিন্দু কলেজে পড়া দেবেন্দ্রনাথ প্রতিমাকে ভূমিষ্ঠ হয়ে প্রণাম না করে চুপচাপ দাঁড়িয়ে থাকছেন। এ এক কঠিন ধর্মসংকট। এ শুধু পিতার সঙ্গে পুত্রের মতামতের বিরোধ নয়; এ শুধু বৃদ্ধত্বের সঙ্গে তারংগ্রে সংঘাত নয়। এ হলো সংস্কারাচ্ছন্ন সমাজধর্মের বিরুদ্ধে দাঁড়িয়ে সনাতন ধর্মের জয় ঘোষণা। প্রথা সংস্কারের নাগপাশে আবদ্ধ হিন্দু ধর্মের সংস্কার মুক্তির সূচনা।

এই অন্তর্দেবুর মুহূর্তে, এই ধর্মসংকটের মুহূর্তে তাঁর হাতে এসে পড়ল ঈশ্বরপুনিয়দের একটি ছিম্পত্র; যাতে লেখা ছিল—

ঈশ্বা বাস্যমিদং সৰ্ববৎ যৎ কিঞ্চ জগত্যাং জগৎ

তেন ত্যক্তেন ভূঙ্গীথা, মা গৃথঃ কস্যমিদ্বানঃ।।

এর মানে কী? তিনি ছুটলেন সংস্কৃত পাণ্ডিত রামচন্দ্র বিদ্যাবাগীশের কাছে। বিদ্যাবাগীশ বললেন—‘সমস্ত ব্ৰহ্মাণ্ড ঈশ্বরের দ্বারা মণ্ডিত। কাজেই সমস্তকিছু ত্যাগ করে এক অপার অনন্ত ঐশ্বরীয় আনন্দ উপভোগ করো।’ তিনি যার সন্ধান করছিলেন, তাই হাতে পেলেন। শুরু হলো রামচন্দ্র বিদ্যাবাগীশের কাছে নিয়মিত উপনিষদ অধ্যয়ন। ধীরে ধীরে উপনিষদের উপর কিছু অধিকার জন্মালো। সমধর্মী বন্ধুদের নিয়ে উপনিষদের আলোচনার জন্য প্রতিষ্ঠা করলেন তত্ত্ববেধিনী সভা। ক্রমে ক্রমে শুরু হলো তত্ত্ববেধিনী পাঠশালা। এই পাঠশালা হয়তো শাস্তিনিকেতনের ব্ৰহ্মচৰ্যাশ্রমের পূর্বরূপ। তারপর ব্ৰাহ্মসমাজে যোগদান। অবশেষে ১৮৪৩ সালের ২১ ডিসেম্বর বৃহস্পতিবার ২০ জন সঙ্গী নিয়ে দেবেন্দ্রনাথ বিদ্যাবাগীশের কাছে ব্ৰাহ্মধর্মে দীক্ষা নিলেন।

দীক্ষা প্রহণের পর দেবেন্দ্রনাথ ব্ৰাহ্মধর্ম প্রচারে মন দিলেন।

এই সময় একদিকে খ্রিস্টান পাদরিগণ প্রথা সংস্কারে আচল্ল হিন্দুধর্ম এবং হিন্দু সমাজকে নির্ভুলভাবে আক্রমণ করে চলেছে। অন্যদিকে দেশীয় সমাজপতি পণ্ডিতগণ প্রথা ও সংস্কারকে অস্ত্রান্ত বলে মনে করে— আরও বেশি করে আঁকড়ে ধরছেন। এই দিমুখী আক্রমণে হিন্দু সমাজ ও হিন্দুধর্ম দুর্বল হয়ে পড়ছে। এইসব আঘাত থেকে হিন্দু ধর্ম এবং হিন্দু সংস্কৃতিকে রক্ষা করার জন্য দেবেন্দ্রনাথ সচেষ্ট হলেন। সনাতন ঔপনিষদিক হিন্দুধর্মের আদর্শ প্রচার করার জন্য তত্ত্ববোধিনী পত্রিকা প্রতিষ্ঠা এবং পত্রিকায় নিয়মিত লেখালেখি শুরু করলেন। তখন স্কটল্যান্ডের মিশনারি ডফ সাহেব কলকাতায় হিন্দুধর্মের বিরুদ্ধে অক্রান্ত প্রচার করছিলেন। তিনি ইউরোপ ও আমেরিকা থেকে প্রচুর অর্থ সংগ্রহ করে আনতেন। এবং হিন্দু সমাজ ও হিন্দু সংস্কৃত নিয়ে নানারকম কৃৎসা রচনা করতেন। এইসময় ডফ সাহেব এককানি গ্রন্থ রচনা করেন। গ্রন্থান্বিত নাম 'Indian and India's Missions'। এই গ্রন্থে ডফ হিন্দুধর্ম এবং বেদান্তের ঘটেষ্ট নিন্দা করেন।


দেবেন্দ্রনাথ অতিশয় ক্ষুঢ় হলেন। তত্ত্ববোধিনী পত্রিকায় ডফের বইয়ের তীব্র প্রতিবাদ করলেন। এইসময় অন্যান্য মিশনারি পত্রিকায় হিন্দুধর্মকে আক্রমণ করে যেসব প্রবন্ধ প্রকাশিত হতো সেগুলিকেও সমুচ্ছিত জবাব দিতে লাগলেন। পরে মহর্ষির এই প্রতিবাদ প্রবন্ধগুলি একত্র সংকলিত হয়ে 'Vedantic Doctrines Vindicated' নামে পুস্তকাকারে প্রকাশিত হয়। এরপর খ্রিস্টধর্মের কুসংস্কার কুপ্রথা ইত্যাদিকে সমালোচনা করে দেবেন্দ্রনাথ লেখেন 'Rational Analysis of the Gospel' নামে একখানি গ্রন্থ। এই বই দুর্খানি প্রকাশিত হবার ফলে দেশের শিক্ষিত লোকে

মিশনারিদের স্বরূপ বুঝতে পারল। খ্রিস্টধর্মের অযৌক্তিকতা এবং বেদান্তধর্মের সারবত্তা অনুধাবন করল।

এইসব বাদ-প্রতিবাদের মধ্যে আর একটি ঘটনা ঘটল। ডফ সাহেব, অভিভাবকগণের প্রতিবাদ সঙ্গেও তাঁর বিদ্যালয়ের চৌদ্দ বছর বয়স্ক ছাত্র উমেশচন্দ্র সরকার ও তার এগারো বছর বয়স্ক বালিকা পত্নীকে খ্রিস্টধর্মে দীক্ষিত করলেন। এই উমেশচন্দ্র ছিলেন 'কার ঠাকুর কোম্পানি'র কর্মী রাজেন্দ্রনাথ সরকারের পুত্র। এই সংবাদ শুনে দেবেন্দ্রনাথ অত্যন্ত ক্ষুঢ় এবং উত্তেজিত হন। তিনি গর্জন করে বললেন, 'অন্তঃপুরের স্তীলোক পর্যন্ত খ্রিস্টান করিতেছে? তবে রোস, আমি ইহার প্রতিবিধান করিতেছি।'

শুধু বাদ-প্রতিবাদ নয়, তিনি লক্ষ্য করলেন 'পাদ্রিয়া আপনাদিগের ধর্ম প্রচার জন্য নগরে নগরে গ্রামে গ্রামে, পাঠশালা সকল স্থাপন করিতেছে। আর আমাদিগের দেশের দরিদ্র সস্তানদিগের অধ্যয়ন করিবার নিমিত্ত একটিও উত্তম পাঠশালা নাই।' তাঁর এই প্রয়াসেরই পরিণতি 'হিন্দু হিতার্থী বিদ্যালয়' এইসময় প্রতিদিন দেবেন্দ্রনাথ হিন্দু সমাজের সন্তোষ নেতৃস্থানীয় রাজা রাধাকান্ত দেব, রাজা সত্যচরণ ঘোষাল প্রমুখ ব্যক্তিদের অবিলম্বে হিন্দু ছাত্রাশ্রমের জন্য একটি করে বিদ্যালয় স্থাপনের অনুরোধ করেন।

দেবেন্দ্রনাথের এইসব প্রচেষ্টায় আর মিশনারিদের ভাস্তি এবং দুর্ব্যবহারে সকলের মন উত্তেজিত হলো। এই মহা আন্দোলনে নিহিতপ্রায় হিন্দু সমাজ জেগে উঠল। খ্রিস্টধর্মের প্রচারণে মন্দীভূত হলো। ডফ সাহেব নিরাশ অন্তঃকরণে এ দেশ ত্যাগ করে চলে গেলেন।



বেঙ্গাঞ্জিয়ার বাগনবাড়ির একাঙ্গ।

দেবেন্দ্রনাথ হিন্দু ধর্মসংস্কার এবং হিন্দু সংস্কৃতি রক্ষার কাজে যত মনোযোগী হলেন, বৈষয়িক ব্যাপারে ওদাসীন্য ততই বেড়ে চলল। পিতা দ্বারকানাথ তখন বিদেশে। বিষয়কর্মের প্রতি পুত্রের কোনো মনোযোগ নেই— এই অভিযোগ তাঁর কাছে অবশ্যই পৌঁছেছিল। প্রিস দ্বারকানাথ পুত্রকে তীব্র ভৎসনা করে একটি চিঠিতে লিখেলেন— ‘আমার সকল বিষয়সম্পত্তি নষ্ট হইয়া যায় নাই, ইহাই আমার আশ্চর্য বোধ হয়। তুমি পাদ্রিদের সহিত বাদ-প্রতিবাদ করিতে ও সংবাদপত্রে লিখিতেই ব্যস্ত, গুরুতর বিষয় রক্ষা ও পরিদর্শন কার্যে তুমি স্বয়ং যথোচিত মনোনিবেশ না করিয়া তাহা তোমার প্রিয় পাত্র আমলাদের হস্তে ফেলিয়া রাখো। ভারতবর্ষের উত্তাপ ও আবহাওয়া সহ্য করিবার শক্তি আমার নাই, যদি থাকিত আমি অবিলম্বে লঙ্ঘ পরিত্যাগ করিয়া তাহা নিজে পর্যবেক্ষণ করিতে যাইতাম।’

দেবেন্দ্রনাথ মর্মাত্মত হলেন। ভয়ঙ্কর এক অস্তর্দন্ত। বিমর্শ চিন্ত। কিছুতেই মনে শাস্তি পাচ্ছেন না। স্থির থাকতে পারছেন না। অস্থির মনে ভরা বর্ষার ভয়ঙ্কর পদ্মানন্দীতে সপরিবারে ভ্রমণে বেরিয়ে পড়লেন। শুরু হলো প্রচণ্ড ঝাড়-ঝঙ্গা-তুফান, মাঝি ভয় পেয়ে হাল ছেড়ে দিল। মহর্ষি অবিচল। ঈশ্বরের উপাসনা করে চলেছেন। বোধহয় করণাময় ঈশ্বরের আশীর্বাদে সেদিন তিনি রক্ষা পেলেন। এই ঝাড় কি কোনো বিপদের পূর্বাভাস? হাদয়ে আতঙ্ক নিয়ে বাড়ি ফিরে এলেন। অকস্মাত বজ্রপাত। খবর পেলেন বিলেতে পিতা দ্বারকানাথের মৃত্যু হয়েছে।

পিতার মৃত্যুর দেড় বছরের মধ্যে তাঁদের ব্যবসা ও ব্যাকের পতন হলো। তখন তাঁদের হাউসের মোট দেনা এক কোটি টাকা। আর পাওনা সম্ভব লক্ষ টাকা। অর্থাৎ তিরিশ লক্ষ টাকার অসংস্থান।

দ্বারকানাথ ভবিষ্যৎ চিন্তা করে এমন বন্দোবস্ত করে গিয়েছিলেন যে, পিতৃঝণ পরিশোধ না করলে, পাওনাদাররা দেবেন্দ্রনাথের উপর কোনো চাপ সৃষ্টি করতে পারত না। কিন্তু দেবেন্দ্রনাথ গাড়ি, ঘোড়া, দামি দামি আসবাবপত্র নিলামে বিক্রি করে পিতার সমস্ত ঋণ পরিশোধ করলেন। শুরু হলো অনাড়ম্বর জীবনযাপন। পিতা দ্বারকানাথের একদিনের ডিনারে খরচ হতো ৩০০ টাকা। এখনকার দিনে যার মূল্য ৬০ হাজার টাকা। আর পুত্র দেবেন্দ্রনাথের ডিনারের খরচ দাঁড়ালো চার আনা। এখনকার দিনে প্রায় ৫০ টাকা। এইসময় দেবেন্দ্রনাথ শুধু ডাল আর রুটি খেয়ে থাকতেন। তবে ঠাকুরবাড়িতে এই কৃচ্ছসাধন চলেছিল মাত্র ছয় মাস। এর মধ্যে দেবেন্দ্রনাথ ব্যবসা বাণিজ্য থেকে সরে এসে শুধু জমিদারি দেখাশোনা করে পারিবারিক সম্মান ও আভিজ্ঞাত্য বজায় রেখেছিলেন। শোনা যায়, এই সময় শোভাবাজারের রাজবাড়িতে একটি সামাজিক অনুষ্ঠানে শহরের বিত্তবানরা এসেছেন বহুমূল্য রত্নসম্ভারে সজ্জিত হয়ে। এককালের বিত্তবান দেবেন্দ্রনাথ কীভাবে

উপস্থিত হবেন— এই নিয়ে সকলের কৌতুহল। জুড়িগাড়ি এসে থামল। সাদাসিধা পরিচ্ছদ শুভ ধূতি চাদর। পায়ে একজোড়া সাদা নাগরা জুতো। তার উপর বহুমূল্য মুক্তো বসানো। অন্যেরা যেসব মণিমুক্তা গলায়, মাথায় ধারণ করেছেন। দেবেন্দ্রনাথ তাকে পায়ে স্থান দিয়েছেন। এরপর শুরু হলো পরিবাজকের জীবন। সঙ্গে নিলেন কনিষ্ঠ পুত্র রবীন্দ্রনাথকে। সুউচ্চ হিমালয় শৃঙ্গে অনেক রাত্রে গায়ে একখানি লাল চাদর জড়িয়ে হাতে মোমবাতি নিয়ে নিঃশব্দে তিনি এগিয়ে চলেছেন উপাসনা করতে। পুত্রকে পাশে দাঁড় করিয়ে সূর্যোদয়ের ব্রান্মামুহূর্তে উপনিষদ পাঠ করছেন। এইভাবেই পুত্র রবীন্দ্রনাথের হাদ্যবীণায় উপনিষদের সুরাটি বেঁধে দিয়েছিলেন মহর্ষি।

মহর্ষির অনবদ্য গদ্যরচনা আধ্যাত্মিক তথা সাহিত্যের সম্পদবিশেষ। মহর্ষির ‘আত্মজীবনী’ থেক্ষে তাঁর আধ্যাত্মিক জীবনদর্শন প্রতিফলিত। পার্বত্য নদী দেখতে দেখতে তিনি লিখেছেন— ‘এখানে নদী কেমন নির্মল ও শুভ। ইহার জল কেমন স্বাভাবিক পবিত্র ও শীতল। এ কেন তবে আপনার এই পবিত্র ভাব পরিত্যাগ করিবার জন্য নীচে ধাবমান হইতেছে? এ নদী যতই নীচে যাইবে ততই পৃথিবীর ক্লেদ ও আবর্জনা ইহাকে মলিন ও কল্পিত করিবে। তবে কেন এ সেই দিকে প্রবল বেগে ছুটিতেছে?’ বস্তুত পার্বত্য নদী সমতলে এলে পশু-পাখী-মানুষের উপকারে লাগবে। সমাজের মঙ্গল হবে। নদীর জল লোকে পান করবে। ফসল ফলবে। নদীর চূড়াস্ত লক্ষ্য সাগরসঙ্গমে মিলিত হওয়া। মানুষের উপকার করতে করতেই একদিন নদী সমুদ্রে উপনীত হবে। তেমনি সমাজ সংসার ছেড়ে নির্জনে পর্বতে সাধনা নয়। ঈশ্বর যেন মহর্ষিকেও আদেশ দিলেন সংসারে প্রত্যাবর্তন করে সমাজ সংসার তথা মানুষের উপকার করার জন্য। এই জীবনদর্শনই কবি রবীন্দ্রনাথের কাব্যে প্রতিফলিত হয়েছে—

বৈরাগ্যসাধনে মুক্তি সে আমার নয়।

অসংখ্য বন্ধন মাঝে মহানন্দময়

লভিব মুক্তি স্বাদ।

‘আত্মজীবনী’তে মহর্ষি যখন লেখেনঃ ‘এই ক্ষণভঙ্গের দুঃখময় সংসারে কাহার ভাগ্যে কখন কী ঘটে, তাহা কে বলিতে পারে? তখন তা হয়ে ওঠে ভগবদগীতার ভাষ্যরূপ। গীতায় বলা হয়েছে—

দুঃখেক্ষণনুরিপ্রমাণ সুখেযু বিগতস্পৃহঃ।

বিতরাগ ভয়ক্রেণাধঃ স্থিতীমুনিরচ্যতে।।

দুঃখের দিনে যিনি উদ্বিগ্ন হন না, আবার সুখের দিনে যিনি আত্মাহারা হন না। যাঁর রাগ, ভয়, ক্রোধ কিছুই নেই, তিনিই স্থিতী, তিনিই মহর্ষি। তাঁর জীবন ঈশ্বরময়, আনন্দময়। মহর্ষির এই জীবনদর্শন আমাদের জীবনে প্রতিফলিত হোক। আমাদের জীবন ঈশ্বরময় আনন্দময় হয়ে উঠুক। ■